

728
LÉGUÉ

A LA

BIBLIOTHÈQUE DE LA FACULTÉ DE THÉOLOGIE

DE

L'ÉGLISE LIBRE DU CANTON DE VAUD

PAR

Sam. CHAPPUIS, prof.

—
1870

S. Chappuis

Handwritten signature or scribble

LA CONFERENCE
FAICTE A
NANCY, ENTRE VN
DOCTEUR IESVITE AC
compagné d'un CARVCHIN, & deux
MINISTRES de la parole de
DIEV: descrite

PAR
IAQUES COVET,
PARISIEN.

Esdra 3. Chap. 3.

Le Vin est tresfort, le Roy est tresfort, les Fem-
mes sont tresfortes : mais Verité est plus
forte que toutes ces choses.


Comment donc ne demeureroit inuincible
la Princesse, ayant avec soy
la Verité?



Imprimé à B A : L E.
M. D C.

ce qui s'est passé
r, de la represen-
t naïfvement &
on cœur, qu'il
à l'edie

I. C. P.





LA CONFERENCE

FAICTE A NANCY: DESCRITE

par *IAQVES COVET Parisien,*

*Ministre de la parole
de Dieu.*



ATHERINE, sœur vnique du Roy, Princesse de Nauarre, Duchesse de Bar & d'Albret, Comtesse d'Armagnac & de Rodais, Vicomtesse de Lymoges &c. m'auoit appellé à soy de Basle en Suisse, où ie

reside y a douze ans passés, pour exercer mon ministère quelques mois en l'Eglise reformee, laquelle s'assemble en sa maison: & ce à cause que le Sieur de la Touche, aussi ministre de la parole de Dieu, demeurât en Poictou, qui lors le debuoit faire, estoit deuenue malade quelque temps auparauant. Ce mandement donc ayant esté reiteré plusieurs fois, en fin considérant ceste necessité, procedante non seulement de la maladie dudit Sieur de la Touche, mais aussi de ce, que le Sieur Mözer, l'un des ministres de l'eglise reformee de Metz, qui lors suppléoit à ce default, estoit reuqué par les siens: ie me résolus de postposer tous empeschemens,

& promis de me trouuer à Nancy pour le commencement de Nouembre. Ce qu'ayant fait, & y trouuant ledit Sieur de la Touche, qui, estant remis en santé, s'y estoit acheminé, & y estoit arriué quelques dix jours au parauant, ieremonstray à la dite Dame, que puis qu'elle auoit hōme suffisant pour l'instruction & conduite de son eglise, elle m'eust fait vn singulier plaisir de me cōtremander, & ce pour plusieurs considerations. Mais elle me dit, qu'elle ne l'auoit voulu faire, d'autant qu'elle auoit entendu de monseigneur le Duc son mary, qu'il y auoit la d'excellens Docteurs de l'Eglise Romaine, lesquels luy auoyent promis, de prouuer par la parole de Dieu, que la creance d'icelle estoit faulse. Qu'elle auoit donc desiré, sans en faire aucun bruit, que fussions deux ensemble, afin de nous entresoulager, & prendre aduis l'un de l'autre, & qu'elle vouloit que i'en fusse l'un, afin de luy ayder à maintenir la verité de la dite creance, à l'encontre desdits Docteurs.

Sur quoy ledit Sieur de la Touche & moy luy respōdismes, que cest affaire n'estoit pas de petite importance, & qu'il falloit bien aduiser comment on s'y conduiroit. Que le dessein estoit tout manifeste, de faire tout ce qu'on pourroit, pour la destourner de la pureté du seruice de Dieu, & l'induire à aller à la Messe: & qu'on voudroit bien se seruir de quelque conference faite à la haste, pour pretexte de congnissance de cause, cōme si elle auroit appris
par

par icelle, que la religiō, en laquelle elle auoit
vescu iusques alors, n'estoit pas bōne, & qu'elle
ne pourroit plus faire son salut, si elle ne s'ad-
ioignoit à l'eglise Romaine. Que ceste tenta-
tion estoit rude, luy estant liuree par Messei-
gneurs les Princes, auxquels elle portoit be-
aucoup d'amitié & de respect, estant mainte-
nant leur alliee. Et mesme particulièrement
par Monseigneur le Duc son mary, qui en ses
pleintes ordinaires, pleines d'un effroy super-
sticieux, lesquelles il luy faisoit jour & nuict,
l'attristoit grandement, en conuertissant sa
joye en vn continuel ennuy. Neantmoins l'ad-
monestames de prendre au regard desdits
Princes le tout en bonne part, comme procé-
dant de l'amitié qu'ils luy portoyēt, iceux esti-
mans qu'ils ne pouuoient rien faire de meil-
leur pour elle, que de l'attirer à leur religion &
creance. Au reste que nous esperiōs bien, qu'en
inuoquant le nom de Dieu d'ardante affection,
elle demeureroit ferme & constante à l'encon-
tre de tous assaux, & en confessant franchemēt
sa sainte verité, honoreroit sa Maiesté diuine.
Qu'il eust bien esté de besoing, qu'elle nous
eust aduertis de bonne heure de ce desseing,
affin que pourueussions au mieux qu'eussions
peu aux circonstances principales d'une telle
conference. Toutefois s'il aduenoit qu'ils la
voulussent presser, tandis que seriōs là, & qu'ils
offrissent tousiours de prouuer par la parole
de Dieu la faulxeté de la creâce, nous ne doub-

rions nullemēt, que Dieu ne nous fist la grace de mieux defendre ladite creance par sa parole, qu'ils ne l'auroyent assaillie.

Or le Vendredy suiuant, qui fut le douzieme de Nouembre, ladite Dame nous manda, que vinsions au Chasteau : où estans venus, & montés en vne grâde châtre, apres que Monseigneur le Duc de Bar m'eust dit, que i'estois le bien venu, Monsieur le Cardinal de Lorraine entra aussi dedans ladite chambre: & iceux ayans deuillé quelque espace de temps avec ladite Dame, elle vint vers nous, & nous dit: Que ce seroit pour le lendemain, que nous entrerions en conference avec lesdits Docteurs: & que cela se feroit dedans son Cabinet, où aultres ne se trouueroyent que son Altesse, Monsieur le Duc son mary, Monsieur le Cardinal son beaufrere, lesdits Docteurs, & nous: & qu'elle y seroit aussi presente. A quoy respondismes, que ne pouuions parler en Cabinet fermé, & comme sous la cheminee, de choses de telle importance, qu'estoyent cestes cy, icelles concernantes la gloire de Dieu, au maintien de la creance d'icelle, dont les consequences passeroient beaucoup plus auant qu'elle ne pensoit. Et pourtant si ceste conference auoit a se faire, nous desirions, que ce fust en public, & qu'il fust permis à ceux de l'une & de l'autre religion d'y assister: Que nous auions besoin de tesmoins, pour nous exépter de routes calomnies: & que combien que les susdits Prin-

ces

ces fussent plus que suffisans, pour tesmoigner ce qui auroit esté fait & dit en ladite cōference, toute fois leur grādeur empecheroit, qu'on ne le peust sçauoir: d'autant que ceux, qui desireroient d'en apprendre quelque chose, ne le leur oseroyent pas demander. Ainsi s'en retourna ladite Dame vers les susdits Princes: lesquels ayans ouy ces choses, luy dirēt: qu'ils auoyent estimé le meilleur estre, que ceste cōference ne fust point euentee, & qu'on ne diuulgast point ce qui se feroit & diroit en icelle; neantmoins puis que nous estions resolu de ne parler qu'en public, & en presence de temoings, ils cōsentoyēt, que ceux, qui faisoient profession de mesme religion avec elle, y assistassent, mais non les leur: c'est à dire, ceux qui estoient de l'eglise Romaine. Cela donc nous eust rapporté par elle mesme, quoy que nous apperceusions bien, que ceste resolution rendoit, ou à empecher que ceux de ladite eglise Romaine, en oyant ceste conference, ne prinsissent quelque goust à ce qu'ils nous orroyent dire, ou à ce que le tesmoignage, q ne nous seroit rendu que par ceux de nostre propre parry, eust tant moins d'autorité: si estce, que ne voulusmes insister dauantage, pour y faire assister ceux que lesdits Princes ne vouloyent point y estre presens, ains consentismes à ce, qu'aussi fust. Et pourtant l'assignation fut pour le lendemain matin.

Ainsi donc le Samedi trezieme de Nouem-

a 4 bre

bre nous comparusmes au chasteau de Nancy en vne grande châtre, estans accompagnés de bon nombre de personnes de diuerses qualitez, tous faisant profession de la Religion reformee: & apres auoir attendu quelque demy-heure, vindrent Messieurs les Princes, assauoir son Altesse Duc de Lorrayne, Monsieur le Duc de Bar, Madame, & plusieurs Dames & Damoyelles avec elle, & finalement vint Monsieur le Cardinal, amenât avec soy le Sieur Co-melet, principal Docteur entre les Iesuites du Pont à Mossion, & vn aultre Docteur Capuchin, nôme frere Esprit. Lesquels se presentans tous d'entree deuant ladite Dame, nous donnerent occasion de nous aduancer & mettre vis à vis d'iceux, afin de leur pouuoir tant plus commodement respondre.

Et comme chacun eut ainsi pris sa place, il aduint, que Madame tres à propos, & avec vne singuliere prudēce, grauité, & modestie, digne vrayemēt d'vne si sage, verrueuse & Chrestienne Princesse, se tournant vers son Altesse Duc de Lorrayne, pres duquel elle estoit assise, luy dit, d'vne parole doulce, & qui fut bien entendue de toute la compagnie: Monsieur, vous scauez, q̄ ie ne suis point cause de ceste assemblée, & que ie n'ay point requis qu'elle se fist, n'ayant iamais esté en doubte de ma creance, ni de la verité de ma Religion: ains comme ie me suis tousiours sentie bien instruite & fermement resoluë en icelle, ie n'ay oncques demandé

mandé, qu'on m'y donnast quelque nouvelle instruction. Mais d'autant que m'auiez souuent dit, qu'auiez des Docteurs, qui vous auoyent promis de prouuer par la parole de Dieu, que ma creance estoit faulſe : Ie suis finalement cōdescendue à les ouir, & ay voulu estre asistee des deux Ministres de la parole de Dieu icy presens, lesquels m'ayderont à leur maintenir, que tāt s'en fault qu'elle soit faulſe, qu'au contraire elle est tresueritable & tresbien fondee es S. Escritures.

Lors le susdit Sieur Comelet prenant la parole, declara le saint desir qu'il auoit tousiours eu, depuis que ladite Dame estoit entree en l'alliāce de ceste tresillustre & Chrestienne maison, de la ramener au giron de nostre mere sainte eglise, & ce d'autant qu'estant hors d'icelle, elle ne pouuoit auoir aucune assurance de son salut. Et pourtant qu'il cōparoissoit là, pour s'y employer de tout son pouuoir, en luy faisant cognoistre, combien iulques alors elle auoit esté abusee, s'asseurāt qu'elle se rendroit traitable & bien docile, pour receuoir de luy toute bonne & salutaire instruction : & que ce qui luy faisoit esperer qu'elle adiousteroit volontiers foy à sa parole, estoit d'autant quil ne doubtoit nullement, qu'elle ne le tint pour son treshumble & trefaffectonné seruiteur.

Or à cecy, ayant esté prié de porter de l'autre part la parole, en me tournant vers son Altesse Duc de Lorraine, ie respondis en ceste sorte :

Puisque sous l'assurâce de l'assistance de nostre Dieu, seló la verité de ses saintes promesses, nous cõparoissions icy par vostre cõmandement, Monseigneur, ie diray avec toute honeste & respectueuse liberte, que de vray l'ame estant la partie de l'homme la plus excellente, & de la condition de laquelle le corps tirera son bonheur ou malheur, il n'y a rien, à quoy on se doibue plus songneusement estudier, qu'à bien fonder l'esperance du salut d'icelle. Et en cec regard ainsi general, ie ne puis, que ie n'approuue ceste bonne affection, que Monsieur Comelet se dit auoir, de procurer le salut de Madame. Car de vray, si seló ce que Dieu nous commande, nous aymons nostre prochain comme nousmesmes, nous ne debuons estre moins soigneux de son salut, que du nostre. Mais il sera bon, que nous prenions bien garde au fondement, qu'on donnera à ceste esperance: de peur que si on la fonde sur le sable mouuant, au lieu de la ferme roche, elle ne soit aisee à renuerser, & au dâger de se trouuer vaine & du tout inutile. Et cependant, au regard de la creâce de madite Dame, de laquelle nous auons bien bone cognoissance, nous luy voulons bien rendre ce tesmoignage, qu'elle est vrayement Chrestienne, & qu'elle a tous les fondemens dedans les saintes & canoniques Escritures. Et pourtant, si vous, Monsieur Comelet, estes venu, pour, selon la promesse que vous en auez faite, prouuer par la parole de Dieu

Dieu, que la creance de madite Dame est faul-
se: nous sommes icy pour vous ouir, & pour
puis après, moyennant l'ayde de Dieu, & par
la verité de ceste sienne parole, faire cognoistre
le contraire à toute l'assistance. Si donc vous
le trouuez bon, nous vous proposerons l'un ap-
rès l'autre tous les points de ladite creance
de Madame, & les fondemens qu'ils ont de-
dés les S. Escritures: affin que choisissiez ceux
que voudrez conueindre de faulx, par ladite
parole de Dieu, & que de nostre part nous no-
mettrons aussi en debuoir, de bien defendre
par ceste mesme parole la verité d'iceux. Lors
ledit Sieur Comelet me dit, qu'il voudroit biē
scauoir premierement & deuant toutes cho-
ses, quel estat ie faisois des anciens Peres, & de
leurs Escrits. Car, dit il, quant à ceste parole de
Dieu, contenue es S. Escritures, il est noroie à
vn chacun, que c'est le liure & le glauiue des he-
reriques, iceux ayans fondé sur les sentences
de ce liure leurs heresies, & fait avec ce glai-
ue vne infinité de playes à l'Eglise.

A quoy luy respondy: qu'il faisoit vn par-
trop grand oultrage à Dieu & à sa parole, en
appellant les S. Escritures le liure des Hereti-
ques, sous ombre qu'ils ont abusé de quel-
ques sentences d'icelles, en les destournant
de leur droict sens, pour les faire seruir de cou-
uerture à leurs erreurs: veu qu'elles sont le li-
ure de tous les vrais enfans de Dieu, auquel
ils aprennent à cognoistre non seulement sa
maiesté

Maieſté diuine, mais auſſi ſa bonne volonté enuers eux, en ce qui touche le ſalut de leurs ames. Qu'elles ne doiuent auſſi nullement eſtre tenues pour le glaïue, des heretiques: mais bien pour le glaïue avec lequel les fideles ſeruiteurs de Dieu ont combatu les heretiques, & ont ſurmonté & occis toutes leurs heresies. Que c'eſt le liure, du teſmoignage duquel noſtre Seigneur Ieſus Chriſt ſ'eſt ſerui au quatrieme de S. Mathieu, pour conueindre Satan en ſes menſonges, & le rendre confus en ſes malices: & qu'apres luy les Apoſtres, & ceux qui leur ont ſuccedé en la predication de la vraye Doctrine de l'Euangile, ſe ſont auſſi ſeruis d'iceluy, pour refuter toutes ſortes d'heretiques & malſentés en la foy. Que Ieſus Chriſt auoit voulu eſtre cognu par ce liure des S. eſcritures, aduertisſant au 5. de ſainct Iehan, qu'on les londaſt, comme celles qui rendoyent teſmoignage de luy: Que les Berreens ne ſ'eſtoyent point peu aſſeurer de la verité de ce que S. Paul leur auoit preſché, qu'apres que l'ayant confronté avec les S. Eſcritures, ils eurent apperceu, qu'il eſtoit totalement conforme à icelles: comme cela ſe liſoit au 17. des Actes: & que au 18. du meſme liure il eſtoit dit, qu'Apollos diſputant contre des Iuiſs touchant la foy Chreſtienne, auoit prouué par les Eſcritures la verité du Chriſtianisme, & la faulſeté de ce que ces Iuiſs mettoient en auant contre le Chriſt & contre ſa doctrine: Bref, que qui parloit dedans l'Egliſe pour

se pour edifier les consciences, debuoir parler comme les paroles de Dieu, contenues es S. Escritures, nō comme les siennes propres, ou celles de quelques aultres hommes, comme S. Pierre nous en auoit aduertis. Et pourtant ^{1. Pier. 4.} qu'avec toute raison nous luy maintenions, qu'en ce qui touche la foy & esperance des Chrestiens, il fault fonder le vray dessus les S. Escritures, & arguer le faulx par icelles, sans s'arrester aux opiniōs des hommes, quelques doctes qu'ils ayent esté.

Mais à cecy repliqua ledit Sieur Comelet, qu'il n'estoit pas de mesme opinion que nous, au regard des Anciens Docteurs: d'autant qu'il ne les tenoit point simplement pour hommes, mais pour homes flamboyez d'en haut, & desquels les escrits interpretans les S. Escritures, ne debuoyent auoir moins d'autorité qu'icelles dans l'Eglise de Dieu.

A quoy luy fut respōdu: Que quant aux Anciens Peres, nous les auions en honneur, pour l'excellēce des graces que Dieu leur auoit departies, recognōissant frāchement, q̄ debuiōs beaucoup à leurs doctes Escrits: desquels aussi nous faisons tout tel estat, qu'iceux le requeroient. Et sur ce luy fut representé ce que dit S. Augustin escriuant à S. Hierome, a sauoir: ^{19.} *Dist. 9. c. ego solis. & c. noli frater. Dist. 8. c. neque quorūlibet.* qu'il n'y a q̄ les seules & Canoniques Escritures, auxquelles il porte cest hōneur & respect, de croire tout ce qui est cōtenu en icelles: mais qu'il ne faict pas tel estat des escrits des Eueques

ques & aultres Docteurs, q sont venus depuis les Apostres, quelques saints & doctes qu'ils ayent esté, ou soyent: ains les lit, pour receuoir & approuuer tout ce qu'il trouuera en iceux bien accordant avec les S. Escritures, & reiecter librement ce qu'ils pourroyent auoir escrit au contraire d'icelles: donnât la mesme licence à ceux qui liront ses escrits, laquelle il prend en lisant ceux des aultres.

Lors ledit Sieur Comelet ayât aduoué, que de vray S. Aug. auoit ainsi parlé, i'adioustay: Que donc receuoir les sentences des Peres, contre ce qu'on trouueroit es S. Escritures (ce qui ne seroit pas seulement les elgaler, mais les preferer à icelles) seroit vn œuvre de supererogation à l'édroict desdits Docteurs, par lequel on defereroit à leurs escrits plus qu'eux-mesmes ne veulēt. Dauātage, que nous le priions, se souuenir du dire de S. Basile, en la regle 80. de ses morales, assauoir: que tout ce qu'on met en auāt, pris hors des Escritures, ne peut estre que peché, pource qu'il est sans foy: & est sans foy, pource que la foy est par l'ouye, non de la parole des homes, mais de la parole de Dieu, contenue esdites S. Escritures. Que c'estoit donc chose du tout desraisonnable, de parler de Dieu, ou de la religion qu'il a ordonnée, autrement que luy-mesmes n'en parle en ses S. Escritures: Et qu'il n'y auoit nulle equité, de vouloir au regard du salut eternal arrester les consciences plustost sur les paroles des homes,

mes, que sur la parole de Dieu : veuque les hommes trompent souuent en leurs promesses, & lors mesmes qu'ils promettent de bonne affection, se trouuent foibles, & impuissans pour l'accomplissement de ce qu'ils ont promis. Et au cōtraire, la parole de Dieu n'est que pure verité, perpetuellement accompagnée de la toute puissance, pour l'accomplissement d'icelle. Qu'il debuoit sçauoir, que quand les hommes parlent sans les S. Escritures, ils ne peuvent mettre en auant que paroles humaines, lesquelles n'apportent non plus d'honneur que de profit aux Chrestiens, & à la religion Chrestienne.

Vous voulez donc, dit le Sieur Comeler, vous arrester entierement aux dites S. Escritures? Ouy, luy fut respondu : d'autant qu'elles fussent pour nous rendre sages à salut, & que sans aller ailleurs, nous trouuôs en elles, tout ce dont nous auons besoing, pour estre instruits en nostre ignorance, exhortez en nostre lacheté, repris & corrigez en nos fautes, cōsolez en nos afflictions : & en somme, pour estre avec icelles appareillez par le S. Esprit à toutes bonnes œuures : comme nous l'enseignent S. Paul, au 3. de sa 2. à Timothee. Que si nous ne trouuions en icelles l'instruction entiere, laquelle nous est necessaire à salut, il ne se faudroit pas attendre, que nous la peussions trouuer en aucunes escritures des hommes. Et pourtant disoit tres à propos saint
Atha-

*Hilaire li. 2.
de la Trinité.*

S. Athanase, escriuant cōtre l'Idolatrie, que les Escritures saintes diuinement inspirees suffisoient pour demōstrer la verité. Et S. Hilayre: Qu'il n'y a rien appartenant au salut des hommes, qui ne soit contenu en la parole de Dieu.

Lors repliqua ledit Sieur Comeler: Et quoy? vouldriez vous donc nier, qu'il y ayt des sentences obscures es S. Escritures, lesquelles requierent interpretation? Et qui nous en baillera l'interpretation, si ce ne sont les Anciens Docteurs? Et où la trouuera on, sinon dans leurs escrits, lesquels sont pleins de clarté, & qui nous seruent de lumiere, pour cheminer par dedans l'obscurité des S. Escritures? Car elles sont si obscures, & si difficiles à comprendre, que sans l'interpretation desdits Anciens elles sont cōme vne lettre qui tue, & vne escorce sans moelle. A quoy fut respōdu: qu'il ne faloit point ainsi rapporter generalemēt aux S. Escritures cest epithete de lettre q tue, & aultres semblables: veu que S. Paul, lors qu'il en vſe au 3. de sa 1. aux Corinthiēs, faict bien entēdre, cela ne se debuoir rapporter qu'à la doctrine de la loy, laquelle de vray tue, & apporte mort & cōdemnation aux Iuifs, & à tous aultres qui à leur exemple se vouldroyēt arrester à elle, sans y conioindre l'Euāgile. Qu'on ne pouuoit aussi dire des S. Escritures, qu'elles soyent escorce sans moelle, sinon au regard de ceux, qui s'arrestent tellement aux mots d'icelles, qu'ils ne se soucient nullement d'en auoir la droicte intelli-

intelligence, ou se cōtentent tellement de quelques ceremonies exterieures, ordonnees en icelles, que cependant leur conscience ne se regle point selon la spirituelle instructiō qu'elles dōnent: comme cela se void au second des Romains, en ce qui concerne la Circoncision. Dauantage, que ce n'estoit point parler en hōme, qui rendist à Dieu l'hōneur qui luy appartient, de mettre l'obscurité du costé des S. Escritures procedantes de Dieu, & la clarté du costé des Escrits des hommes: veuque au lieu que Dieu n'est que lumiere, voire qu'il est le pere des lumieres, comme dir S. Iaques, & que *Iaq. 1.* sa parole contenue en ses S. Escritures nous a esté par luy donnee, pour estre vne lampe éclairante à nos pieds, & illuminante salutairement nos entendemens, comme tesmoigne le Prophete Daud: Au contraire es hommes, & *Psal. 19.* en tout ce qui sort d'iceux, il n'y a rien que *Ps. 119.* renebres, mal propres pour cognoistre, & faire cognoistre aux aultres nostre Seigneur Iesus Christ, & la verité de sa sainte doctrine. *Ieh. 1.* De *Eph. 4.* fait, c'estoit chose bien certaine, que iamais les anciens Peres & Docteurs n'auoyent eu aucune vraye lumiere au fait de la religion, ni pour s'y conduire euxmesmes, ni pour y adresser les aultres, que celle que le S. Esprit leur auoit donnée par les S. Escritures. Comme donc c'estoit proprement à celuy qui auoit fait vne loy, d'en dōner l'interpretation: ainsi n'y auoit il point de voye, pour l'interpretatiō

b des

des Escritures, plus seure & salutaire, que celle que suiuyent les Sacrificateurs & Leuites, *Neh. 2.* quand, selon ce qui est escrit en Nehemie, ils donnoyent l'intelligence de la loy de Dieu par l'Escriture mesme. Au reste, quant à ce qu'il faisoit si grand estat des Peres, en ce qui concernoit l'interpretatiō des sentēces obscures des S. Escritures, pour auoir la droiste intelligence d'icelles, il se debuoit souuenir : que lesdits Docteurs & anciens Peres, pour y paruenir, ne nous adressoyēt point à leurs propres escrits, ains nous renuoyoyēt aux mesmes S. Escritures : comme faict S. Augustin, quand il dit au *chap. 6.* second liure de la doctrine Chrestienne, le S. *chap. 9.* Esprit auoir si magnifiquement & salutairement modifié les S. Escritures, que ce qui a esté dit obscurément en quelques sentēces d'icelles, a esté dit plus clairement en d'autres, traitantes de la mesme matiere, pour les rendre intelligibles : quand il dit aussi au mesme liure, que pour esclaircir les manieres de parler plus obscures, qui sont aux S. Escritures, il faut tirer des exemples de celles, qui sont les plus claires, affin que les tesmoignages des sentēces biē claires & certaines, ostēt tout le doute qui est aux incertaines & obscures. Et de vray, quād les Peres ont donné en leurs escrits la droiste exposition de telles sentēces obscures, ce a esté, en nous representant par l'excellence de leur sçauoir aux S. lettres, les autres sentēces des mesmes Escritures, lesquelles leur

leur apportoyent vn esclairciffemēt eslongné de tout doubte.

Lors ledit Sieur Comeler dit : que nous auions en cela S. Augustin pour no^r, mais que ce n'estoit que vn. A quoy luy fut respondu : que s'il le falloit reietter en cest enseignemēt, il en faudroit reietter avec luy beaucoup d'autres, qui auoyent esté en ce faict de mesme opinion que luy : comme cela se pourroit veoir, si on entroit plus auant en matiere en ceste conference.

Voire mais, dit ledit Sieur Comeler, vous sçauiez, qu'en Republique bien ordonnee, outre les loix escrites, il y a des Iuges pour les interpreter, & pour par leur sentence definitiue mettre fin à toutes controuerses. Et pourtant la condition de l'Eglise Chrestienne seroit chetive & deplorable, si, pour former ses iugemēts & sentences, aux controuerses qui suruiennēt en icelle, elle n'auoit que la seule parole de Dieu, ainsi qu'elle est enregistree dedans la S. Bible : & seroit comme vn monstre de Republique, si elle n'auoit que la seule Loy muette, & qu'elle fust desgarnie de iuge, qui la rendist animee. Cela donc estant ainsi, disoit il, comment voulez vous, que nos differens soyent iugez par les S. Escritures : & ne voulez pas plustost, qu'ils soyent decidez & terminez par les Escrits des Peres ?

A quoy luy fut respondu : Qu'en ce qui concernoit ce iugemēt, toute equité & raison vou-

loit, que Dieu & sa parole iugeassent plustost des hommes & de leur parole, que de souffrir, que les hommes & leurs escrits iugeassent de Dieu & de ses S.Escritures, & par dessus icelles. Qu'il n'y a iamais faulte de iuge en l'Eglise, pour iuger des differés qui naissent en icelle : quand, selon ce qui est escrit en Malachie, les leures du Sacrificateur gardét la science, & que la Loy du Seigneur estant requise de sa bouche, il en prononce les ordonnances, pour former sentence definitive de toute cōtrouerse. Mais que de prendre pour iuges tous ceux, qui portans tiltre de Pasteurs & Docteurs en l'Eglise, non seulement s'attribuent l'autorité d'interpreter les sentences obscures des S.Escritures, ains de iuger aussi des differens de la Religion, ce seroit se mettre en trop grād danger en l'un & l'autre esgard. Qu'ainsi soit, vousmesmes, qui auez leu les escrits des Peres avec diligence, auez bien peu appercevoir, que les vns d'iceux ont escrit plusieurs choses bien differentes des autres, en exposant vne mesme sentence des S.Escritures : & que souuent vn mesme Docteur a escrit differennement sur vne mesme sentence : fust qu'en la multitude de ses escrits il ne se souuint plus de ce qu'il en auoit auparauant escrit : fust qu'avec succession de temps deuenant plus entendu, il eust change d'opinion en l'intelligence d'icelle. Et ainsi vous voyez, que pour iuger de tels differens, tousiours faudroit il necessairement remonter

monter iusques aux S.Escritures, esquelles le S.Esprit se trouue perpetuellement semblable à soy mesme. Que neantmoins il pourroit bien aduenir, que ceste Loy, contenue es S.Escritures, leur seroit muette: & que leur Eglise à ceste occasion seroit miserable & monstrueuse: d'un costé, d'autant que ceste Loy estant parmy eux en langage non entendu, la pluspart des leurs ne la peuuent lire avec edification: d'autre costé, qu'elle leur est souuét muette alors mesmes, que leurs pasteurs se disent la proposer en leur Eglise, pource que ne mettans pas en auant ce qu'elle porte, mais trop souuent ce quelle ne porte pas, ce n'est point elle qui parle à eux. Mais parmy les nostres, ceste Loy ne demeure iamais muette, ni de l'un ni de l'autre costé. Car comme en la lisant en langage entédu, ainsi en l'oyant par la bouche des Pasteurs toute telle, que Dieu l'a donnée, & iceux l'interpretans par les paroles des Prophetes de nostre Seigneur Iesus Christ, & des Apostres, qui en ont esté les vrais interpretes, tous les membres des Eglises reformées en recoiuent tresbonne instruction.

Lors dit le Sieur Comeler: qu'en conferant avec nous, il ne fonderoit point ses preuues sur cestuy-cy, ou cestuy-là des Peres seulement, mais sur un general consentement d'iceux. A quoy fut respondu: que lors, qu'il s'essayeroit de montrer ce consentement general, on luy donneroit tant, & de si notables instances con-

traire à iceluy, qu'il s'en trouueroit grandement interessé, voire seroit tenu pour renuersé, par toutes personnes de bon & sain iugement: & que cependant il debuoit craindre, qu'en plusieurs articles de la creance de Madame, & iceux d'importace, on ne trouuast plustost du costé de ladite Dame ce consentement general desdits Peres, bien accordant avec les S. Escritures, que du leur.

Mais sur ce propos le Sieur Comelet dit ainsi: Maintenant ie commence à cognoistre, que nous ne ferons rien: puisque ne voulez, que les sentéces des S. Escritures tirent leur interpretation des escrits des anciens Peres. Car ainsi faisant, il aduiendra, que quand on mettra en auant ceste sentence, touchant le S. Sacrement, *Hoc est corpus meum*, nous insisterons sur, *Hoc est*, & vous nous voudrez payer d'un *Significat, Figurat, Representat*: qui sera pour demeurer tousiours mal d'accord: tellemēt qu'il est tout euidēt, qu'on abregeroit bien plus, si on tiroit des anciens Peres l'interpretation de ceste sentence.

A quoy fut respondu: qu'estant question de l'exposition des S. Escritures, tant s'en falloit, qu'on voulust reiecter les anciens Peres, qu'au cōtraire on receuroit volontiers tout ce qu'on trouueroit en leurs escrits, qui seroit bien conforme à l'analogie de la foy, & qui ne destruiroit la verité d'aucun des articles d'icelle. Qu'il n'y auoit personne de tous ceux qui lisent les
escrits

escripts des anciés, qui n'apperceust bien, qu'ils se sont souuent mis en deuoir d'interpreter les S. Escritures par les S. Escritures : & que par tout où ils l'ont fait, ils ont apporté vne bien grâde vtilité à l'Eglise. Au reste, quant à ce qu'il disoit, que lors qu'il mettroit en auant ceste sentence, *Hoc est corpus meum*, eux en insistant sur *Hoc est*, on voudroit payer d'un *significat*, *figurat*, ou *représentat*: nous le priyons de ne point prendre la peine de parler pour nous, ni de plaider en ce regard nostre cause, puis que dès le commencement de ceste conference on voyoit bien, qu'il estoit assez empesché à plaider la sienne : & que lors qu'on viendrait à conferer touchant ceste sentence, nous esperions d'en donner la droicte intelligence à tous les assistants, premieremēt par les S. Escritures, & puis apres par sentences tirees des plus anciens & plus doctes Peres de l'Eglise primitive: qui seroyent si claires, & si eslongnees de toute ambiguité, qu'on cognoistroit lors, si on ne l'auoit point encores cognu, que ce qu'on croit, confesse, & enseigne aux Eglises reformees touchant ceste sentence, *Hoc est corpus meum*, c'est à dire, *Cecy est mon corps*, est le mesme, que Iesus Christ a voulu enseigner par icelle, & que ces bons anciens suiuias les S. Escritures, & l'Analogie de la foy, ont creu, & enseigné de viue voix à leurs peuples, & ont enregistré dans leurs escripts pour la posterité.

Mais à cecy repliqua ledit Sieur Comeler:

Et quand il aduiendra, que de ceste sentēce, ou autre de l'Eſcriture ſaincte, vous donnerez vne interpretation, & nous vne autre, comment jugera-on laquelle ſera la meilleure ?

A quoy fut reſpōdu: qu'on ne ſçauoit point de moyen plus propre à faire tel jugemēt, que de remarquer l'interpretation, laquelle ſeroit confirmee par pluſieurs autres ſentences des S. Eſcritures, & de laquelle on ne pourroit tirer d'abſurdités en conſequence contraires à la foy Chreſtienne, pource que celle qui ſeroit telle, ſeroit juſtement receuable: que l'autre au contraire deuroit eſtre rejettee, laquelle on ne pourroit fortifier par autres ſentences des S. Eſcritures, ſans les deſtourner de leur droit ſens, & les tirer à contrepoil, & de laquelle ſ'enſuiuroyent des abſurdités manifeſtes contre la foy Chreſtienne.

Mais quoy? dit le Sieur Cōmelet: ce moyen ſeuira de bien peu. Car ce que vous maintiendrez eſtre bien clair, nous le dirōs eſtre obſcur: & ce que direz eſtre obſcur, nous le maintiendrons eſtre bien clair. Bref, ce que maintiendrez eſtre vne tresgrande abſurdité, nous dirons qu'il ne ſera aucunement abſurde.

Sur quoy luy fut dit: que les abſurdités pourroyent bien eſtre ſi lourdes & groſſieres, que le ſeul ſens commun des aſſiſtās ſe trouueroit aſſez ſuffiſant, pour en faire jugement à part. Et pourtant puis qu'il deſiroit ſi fort, qu'on fiſt jugemēt de ce qu'il enſeigne, & de ce que nous enſei-

enseignons: qu'il fist donc paroistre clairement deuant toute ceste tant celebre assemblee ce qu'il enseigne, en assaillant la creâce de Madame, non point par les paroles, ou escrits, des hommes, mais (comme il l'auoit promis) par la parole de Dieu: & que nous ferions paroistre à nostre tour ce que nous enseignons, en la defendant par les S. Escritures, esquelles nous sçauons qu'elle est tresbien fondée: & apres qu'on auroit fait du mieux qu'on auroit peu, de part & d'autre, on en lairroyt le iugement particulier libre à la conscience d'un chascun des asistans, selon le scandale, ou l'edification qu'elle auroit receu des enseignements des vns, ou des autres. Qu'aussi bien sçauoit-il, qu'en ce different il ne voudroit pas que fussons ses iuges: comme de mesmes nous ne voudrions pas, qu'il fust le nostre. Que si on en choisiroit, vn qui ne fust ni de sa religion, ni de la nostre, il n'y seroit nullement propre: & que vn qui seroit de l'une ou de l'autre, seroit à bon droit suspect en son iugement, ou aux vns, ou aux autres.

Mais toutes ces choses n'agreans point audit Sieur Comeler, il dit assez magistralement: que le iugement des controuerses de la Religion deuoit demeurer à l'Eglise, & non aux Escritures. A quoy luy fut respondu: que l'Eglise n'estoit que la maison, de laquelle Iesus Christ, qui parle és S. Escritures, estoit le fondement: qu'elle n'estoit que le corps, dont Iesus Christ

estoit le chef : qu'elle n'estoit que l'espouse, dont Iesus Christ estoit l'espoux. Et comme le principal de la maison est au fondement, qui la soustient, & n'est pas soustenu par elle : & que le corps est conduict par son chef, & non le chef par son corps : & que l'espouse est gouvernee par son espoux, & non l'espoux par son espouse : Ainsi estoit-il du tout raisonnable, que la parole de ce Iesus Christ, qui est ce fondement, ce chef, & cest espoux, laquelle est cōtenue es S. Escritures, eust de son costé l'autorité de iuger de tout ce qui se fait, dit, & debat en son Eglise, laquelle comprend en soy, sous luy, tous les Docteurs & Disciples ensemble.

Voila (dit le Sieur Comelet) vne similitude mise en auant si mal à propos, que ie la veux tout presentement retorquer contre vous. Qu'ainsi soit, ne sçavez vous pas, qu'il y a vn grand nombre de maris prudēs & bien auisés, qui s'absentans de leurs maisons, pour faire quelque voyage, donnent à leurs femmes toute autorité durant leur absence, pour la cōduire & le gouvernement de leurs dites maisons? Or est-ce ainsi, qu'en a fait nostre Seigneur Iesus Christ à son Eglise?

A quoy luy fut respondu : qu'en c'este retorsion de similitude il commettoit sans y penser deux fautes notables : l'vne en ce, qu'il faisoit difference entre ceste maison laquelle deuoit estre gouvernee, & ceste espouse qui la deuoit gouverner : quoy que cependant ce foyent
deux

deux appellations, lesquelles en cest endroit, & lors qu'on en fait comparaison avec Iesus Christ, ne signifient qu'une mesme chose : assavoir, l'Eglise : laquelle en qualité de maison & d'espouse doit estre regie & gouvernee par nostre Seigneur Iesus Christ : & non pas imaginer, qu'il y ait une maison de Iesus Christ, laquelle soit gouvernee par l'espouse de Iesus Christ. L'autre faulte estoit, en ce qu'il comparoit Iesus Christ à un mary, qui est absent de sa maison, & qui à cause de son absence ne la peut pas conduire.

Car cela n'a jamais lieu en Iesus Christ : iceluy estant perpetuellement present par l'esprit de la Divinité, non seulement à tout le corps de son Eglise, selon la promesse qu'il a faite au vingt & huit. de S. Matthieu, d'estre avec tous les siens iusques à la consommation du monde, mais ayant mesmes donné pareille assurance, par autre promesse plus particuliere au 18. du mesme Euangeliste, où il dit : Que là où deux ou trois des vrais membres de son Eglise seront assembles en son nom, il sera au milieu d'eux : assavoir pour les conduire, instruire, & leur assister par la toute puissance de sa divinité. Et de fait, employant quelques hommes pour ce faire, s'ils le font ainsi qu'il appartient, c'est luy mesme qui le fait par eux : estant luy seul instructeur des ames & consciences des siens, tandis que les Docteurs qui les enseignent ne touchent que leurs sens extérieurs.

Or com-

Or, comme ledit Sieur Cômelet ne prenoit nul plaisir à nous voir ainsi arrestez aux S. Escritures, sans aggreer autres iuges qu'icelles en dernier ressort en tous nos differens, il nous dit: que cela estoit oster à l'Eglise la possession, en laquelle Iesus Christ l'auoit mise par son Testament: & que nous ne faisons sinon *Petere principium*: qui est vne faute, que commettent souvent les mauuais disputeurs. Car, disoit-il, quoy q̄ vous vsiez de diuersité de paroles, tant y a que tousiours vous retournez à ce premier commencement de nostre controuersie, par lequel vous voulez, que tout soit enseigné, fait, & décidé entre nous par les S. Escritures. Mais, comme ainsi soit que ces S. Escritures ne soyent autre chose, que le Testament de Iesus Christ, & que, selon le contenu en iceluy, il a mis son Eglise en possession de sa propre conduite: elle n'a plus sinon à aller son train, sans qu'il soit besoin ni necessaire, qu'elle aye tousiours recours à ce que porte ce Testament, c'est à dire, lesdites Escritures. Et de fait, quand bien le Testament seroit perdu, (disoit ledit Sieur Cômelet) l'Eglise ne lairroit de se bien conduire, selon l'autorité que Iesus Christ luy en a donnée par ce sien Testament.

A quoy luy fut respondu: que premierement quant à ce qu'il appelloit *Petitionem principij*, il n'auoit point occasion de nous l'imputer: veu qu'ils n'auoit encores allegué, ni sentence de l'Ecriture, ni sentence des anciens Docteurs,

ni

ni aucune raison, pour monstrier, qu'autre parole, que celle de Dieu, deust iuger des differés qui naissent en l'Eglise pour le regard de la Religion: ce qui estoit cause, que nous persistions tousiours à maintenir ce que nous auions dit dès le comencement, assauoir que ce iugement definitif deuoit demeurer à ladite parole de Dieu, cōtenuee s. Escritures. En second lieu, quil n'apparoissoit nullement par tout le contenu au Testament de Iesus Christ, qu'il eust resigné à son Eglise la conduite d'ellemesme. Que de fait, il n'auoit pas donné aux Pasteurs, Docteurs & Anciens (qui quelques fois sont appellés l'Eglise par honneur) la conduite des autres membres d'icelle, pour les conduire selon leur volonté: ains estoit tout euident, qu'il l'auoit retenue perperuellemēt par deuers soy, pour la conduire & instruire d'une façon spirituelle & inuisible, par l'esprit de sa diuinité, & visiblement & exerieuremēt par les pasteurs & anciens, enseignans selon le contenu en sa parole. Et pourtant quil estoit du tout necessaire, que les S. Escritures, qui nous proposent le vieil & nouueau Testament, demeurassent tousiours en leur entier: à fin que s'il auenoit qu'on ne suiuiſt point bien en l'Eglise les clauses de ce Testament, ains que les vns des Docteurs, ou disciples d'icelle, voulussent frauder les autres de quelque portion de ce, qui leur auroit esté legué dans iceluy, ils en peussent faire plainte, & iustifier quāt & quant l'equité d'icelle,

d'icelle, en ayant recours à l'original, voire à la minute dudit Testament. Et de fait, le sujet pour s'en servir à ceste fin est tout evident; en ce que les Pasteurs fraudent le peuple de la coupe en l'Eglise Romaine, quand on les admet à la Sainte Cene de nostre Seigneur Iesus Christ: & ce contre les paroles expressees du Nouveau Testament, esquelles Iesus Christ a ordonné & commandé, que tous en beussent.

*Chrysost. sur
le Ps. 5.*

Matth. 26. Pourtant disoit tresbien S. Chrysostome: Que comme l'heritier a volontiers les tables du Testament, & les lit: Ainsi nous, les S. Escritures.

Mais la conference avorta dès ce premier abouchement, le susdit Sieur Comelet disant avec vn peu d'esmotion, comme il se retirait: qu'il n'y auoit aucun moyen de passer oultre à conferer avec nous, puis que nous nous voulions ainsi totalement arrester aux S. Escritures, sans subir autre iugement en toutes nos controuerses, que celuy, qui seroit donné selon le contenu en icelles.

Et lors luy respondîmes: que de vray nous demeurerions fermes en ceste resolution, nous asseurans, que toutes personnes de sain iugement la trouueroyent mieux fondee, que si nous consentions de dependre aux faicts de la Religion du iugement des hommes, qui, comme ils sont muables en leurs opinions, forgeroient tous les ans quelque religion nouvelle. Qu'au reste il faisoit assez paroistre, qu'il tenoit

tenoit la doctrine n'estre bien fondee sur les S. Escritures, puis qu'il ne vouloyt point, q nos differés fussent vuidez, & decidez par icelles. Ainsi donc l'assemblee commença à se departir.

Mais cōme l'Altesse Duc de Lorraine, Prince graue & deuotieux, s'estât leué, passoit pres de moy, il me dit ainsi : Escoutez, Monsieur Couet, vous direz tout ce que vous voudrez, mais si faudra-il, que quand on vous dira, *Hoc est corpus meum*, vous le croyiez : Car c'est Dieu, qui l'a dit. A quoy ie respondy : Monseigneur, vous n'aurez point de peine à no⁹ le faire croire. Car nous le croyons fermement, comme chose tresveritable : nous le confessons aussi, & l'enseignons. Et comment le croiriez vous (dit lors ladite Altesse) veu que vo⁹ ne croyez pas, que tous ceux, qui prennent le Sacremēt, prennent aussi le corps de nostre Seigneur Iesus Christ? Certes, Monseigneur, (luy dis-je) il est tresvray, que nous ne croyons pas, que tous ceux, qui prennent le Sacrement, prennent aussi le corps de nostre Seigneur Iesus Christ. Car nous ne croyons point, qu'en la S. Cene autres reçoient le vray corps de nostre Seigneur Iesus Christ, que ceux qui ont la vraye foy, icelle estant du tout necessaire à la reception d'iceluy. J'enten bien (repliqua lors ladite Altesse) vous faites ce que vous voulez avec vostre foy. Vous faites par vostre foy, que son corps est là, si vous le voulez ainsi: ou qu'il n'y est pas, si vous ne voulez pas qu'il y soit.

A quoy

A quoy ie respôdy : N'estimez pas, Monseigneur, que telle soit nostre creance. Car nous croyons fermement, que Iesus Christ est en sa S. Cene, & qu'il s'y presente : mais il y a bien differéce, entre y estre, & y estre reçu. Car tout ainsi que la lumiere du Soleil, quoy qu'elle se presente, neantmoins n'est point receue par les aueugles, pource qu'ils n'ont point d'yeux pour la recevoir, mais est seulement receuë par ceux qui ont des yeux : ainsi le corps de nostre Seigneur Iesus Christ estant present en sa S. Cene, n'est pas pourtant reçu par ceux, qui n'ont ni foy, ni repentâce : mais seulement par ceux, que le S. Esprit a garnis de ces instrumens spirituels, qui sont du tout necessaires pour le recevoir. Et cela fut ainsi dit seulement en passant.

Or comme ie voulois aussi sortir de la presse, & me retirer, le Docteur Capuchin, en presence de plusieurs, qui estoyent encores là, me dit : Et bien, Monsieur, qui vous voulez totalement arrester aux S. Escritures, si ie vous disoy que ce ne sont point S. Escritures, que me respondriez vous ? A quoy luy fut respondu : Je vous diroy, qu'estant icy venu pour conferer avec nous touchant le vray Christianisme, qui a tous ses fondemens dedans les S. Escritures, si vous niyez ou reuoquiez en doute lesdites S. Escritures, vous vous rendriez entierement indigne d'estre admis en ceste conference. Comme de fait on ne dispute iamais avec ceux, qui
 nient

nient ou reuoquent en doute les principes de la science, de laquelle on est en controuersé. Et S. Aug. dit : Ceux qui tiennent tel propos que le vostre, ne debuoir iamais estre ouis. Voila donc, quelle fut l'yssue de ce premier abouchement, entre les susdits Iesuite & Capuchin, & nous.

Or aduint, que l'apresdisnee de ce mesme jour, apres plusieurs allees & venues de Monsieur de Selues, Chancelier de Madame, disant auoir charge de son Altesse de sçauoir de nous, qui lors estions avec Madame en sa chambre, si ne voulions pas aggreer les Peres pour iuges de nos differens, comme à mesme demande, plusieurs fois faite, nous luy eusmes tousiours donné vne mesme respôse, asçauoir qu'il estoit plus raisonnable, que le Pere, q est Dieu parlant en les S. Escritures, iugeast des Peres, qui ne sont qu'hommes, parlans par leurs propres escrits, que de souffrir le contraire : En fin il dit, que son Altesse, qui estoit dans vne galerie, desiroit de parler à nous. Et ainsi allâmes avec ledit Sieur Châcelier vers ladite Altesse : où estans venuz, & mesme demâde nous estât faite derechef, nous y donnâmes tousiours vne mesme responce. Seulemēt adioustâmes, que n'entédions par ceste respôse empescher, que nos parties ne peussent alleguer des sentences des anciens Peres : comme nous aussi esperions bien d'en alleguer de nostre costé, qui pourroyent seruir à l'esclaircissement de

nos controuerſes: Mais que nous entendions, qu'ils ne fuſſent mis en auant, que comme acceſſoires; & que touſiours le principal arreſt, & la derniere deciſion de tous les differens, auxquels nous pourrions entrer avec nos parties, fuſt priſe du côté des S. & Canoniques Eſcritures. Que puis que leurs Docteurs auoyent mis en auant le matin ceſte ſentence de Jeſus Chriſt; *Hoc eſt corpus meum*: s'ils vouloyét qu'on fiſt l'eſpreuue de la doctrine enſeignée par les vns & par les autres, ſur ce qui concernoit le Sacrement de la S. Cene, y gardant ceſt ordre, que touſiours la parole de Dieu euſt autorité par deſſus celle des hommes, nous eſtions preſts d'y entrer, ſoubs le bon plaifir de ſon Alteſſe.

Lors ladite Alteſſe, qui n'eſtoit accompagnée que de Meſſeigneurs les Princes, les Duc de Bar & Comte de Vaudemont ſes enfans, nous demanda: Si on cōfereroit de tous les points de la Religion, deſquels on eſtoit en desbat? A quoy nous reſpondiſmes; que cela ſe pourroit bien faire: mais que bien volontiers nous eſprouuerions en la premiere conference, en laquelle nous rentrerions, ſi on nous tiendroit promeſſe, en donnant autorité à la parole de Dieu par deſſus celle des hommes, & auſi ſi on vſeroit enuers nous de toute moderation d'eſprit, en gardant aux parties contendantes, vne honnette & eſgale liberté, & que ſelon que nous apperceurions ces choſes auoir lieu, ou non, nous continuerions ou ne continuerions point

point en ceste conference, & pourtant reseruiôs pour ce regard nostre liberré, sans la vouloir engager d'aucune promesse.

Et pource qu'il y a des calomniateurs, qui rendans à quelque mauuaise fin, font courir le bruiſt; que sur cela le susdit Conte de Vaudemont vſa de beaucoup de mauuaises paroles contre nous, voire iusques là, que son Altesse s'en fascha contre luy: ie puis tesmoigner en verité, qu'il n'est rien de tout cela. Car ledit Comte de Vaudemont ne nous dit iamais autre chose: si non, que semblions vouloir faire en cela, cōme les Normans: qui veulent auoir leur Dir & leur Dedit. Auquel fut respondu: Monseigneur, vous voyez, qu'en cela il n'y a ni dir ni dedit, mais vne response indefinie de continuer ou ne continuer point en ceste conference, selon qu'en la prochaine action l'occasion nous sera donnée, ou de l'un, ou de l'autre. Et comme pour plusieurs raisons nous demeurasmes fermes en ceste resolution, il est bon de remarquer: que c'est en cela, q de vray nous reseruions nostre liberré: & non, à ne point accepter les escrits des Peres pour iuges en ce qui concernoit le Purgatoire, la Priere pour les morts, l'inuocation des Saints, & la Confession auriculaire, ains seulement au fait du Sacrament, comme on nous le met à sus, Car nous n'auons iamais voulu subir en aucun point le iugemēt d'iceux, mais tousiours le seul iugement des S. Escritures: aggreant

pour tesmoings tous les Peres, qui auroyent escrit selon icelles.

Or en ces entrefaites, ladite Altesse me demanda; si je pensois qu'ils fussent damnez? A quoy luy respondy: Monseigneur, nous auons
Math. 7. vn Maistre, qui nous a expressement defendu de iuger des personnes. Que si nous estions interrogez seulement de la voye qu'on suit, nous pourrions bien respondre par la parole de Dieu, si c'est celle qui meine au salut ou à la perdition eternelle. Mais quant aux personnes, plusieurs desquelles à la douzième heure
Math. 20. du jour, & sur la fin de leur vie, sont tout ensemble appelez de Dieu, couertis, & sauuez, nous en laissons le iugement à Dieu, qui seul cognoist ceux, auxquels il a arresté de faire telle misericorde. Or ça (dit lors ladite Altesse) nous croyons & nous asseurés d'estre sauuez en nostre religion. Car aussi est-ce la vraye & ancienne, qu'ont tenue tous nos predecesseurs. Pour quoy donc est-ce que ma fille (entendant par icelle Madame) en faisant profession avec nous de ceste meisme religion, n'y feroit aussi bien son salut, que nous? A quoy fut respondu: que quant à byssue qu'ils auroyent de leur creance & esperance, nous en laissons la cognoissance & le iugement à Dieu. Mais que quant à Madame, laquelle scauoit sa creance & religion estre vraye, & bien fondee es S. Escritures, si pour leur aggreer elle venoit à la changer, contre la Science & conscience, elle ne pourroit jamais conce-

concevoir aucune esperance assuree de son salut : ains plustost engendreroit vn ver, qui la rongeant dans son ame par l'apprehension de la vengeance de Dieu, la rendroit extrememēt & continuellement miserable. Lors ladite Altesse repliqua. Et quoy donc ? si nous desirions de redre nostre fille Catholique, nous en voudriez vous empescher ? A quoy luy fut respondu : Monseigneur, la creance de Madame n'est point entre nos mains. Elle a esté instruite en icelle dès le berceau, & en a tousiours fait vne bien ouuerte profession, y ayant perseueré au milieu de plusieurs sortes de tentations, comme elle fait encores maintenant. Et pourtant, vous ne deuez point estimer, que ce soyons nous, qui empeschons, qu'elle ne deuienne telle que vous la desirez. Car aussi si cest empeschemēt venoit de nous, & non d'elle, ou plustost de l'Esprit de Dieu qui la fortifie, estant icy Prince souuerain, cōme vous estes, vous n'aurez sinon à nous commander de nous retirer, & alors vous auriez l'accomplissement de vostre desir. Or ladite Altesse changeant de propos, mit lors en auant quelque chose de la pieté & sainteté de l'Empereur & Roy de France Charlemagne, son predecesseur, & de la Religion qui estoit obseruee en son tēps, laquelle il louoit & approuuoit grandement. A quoy fut respondu : qu'encores que dés lors la superstition entraist ja trop auant en l'Eglise : rontefois entre autres bonnes choses, lesquelles de

c 3 puis

puis se sont changees en pis, celle là auoit lieu: que les temples des Chrestiens ne deuoyent pas estre remplis d'images, ainsi qu'ils sont maintenant: comme cela se cognoissoit par le Concile de Francfort, qui fut tenu sous ledit Charlemaigne. Ioint qu'alors la Transsubstantiation n'auoit point encores esté receuë & approuuee: comme on le pouuoit voir par le liure, composé par le Prestre Bertram. Ce sont là les propos, qui furent tenus en ceste galerie. Et ladite Altesse, pleine de toute debonnaïeté & grauité de Prince, nous dōnant congé, nous assura, qu'elle vouloit, qu'eussions autant de liberté & seurte que nos parties, & ce sur sa parole: dont la remerciasmes treshumblement.

Or aduint, que le lendemain, qui estoit le Dimanche 14. du mois de Nouembre, les dits Docteurs Iesuite & Capuchin, oyans que, selon le rapport qu'auoyent fait quelques vns de l'Eglise Romaine, qui auoyent assisté à la dite conference, plusieurs estoient mal edifiez de ce, que le Sieur Commelet vouloit, que les differens de la religion fussent plustost viidez & iugez par les escrits des hommes, que par les S. Escritures: & aussi de ce, qu'en toute la conference on ne luy auoit buy alleguer vn seul passage de l'Ecriture S. ni aucune sentence des anciens Peres: à fin de recouurer leur honneur, qui estoit en cela aucunement interessez, ils firent courir vn bruiet par la ville, qu'en ce que nous vouliōs, que les S. Escritures eussent

font tousiours le dessus, & que les Peres ne fussent admis esgalement & en mesme autorité avec elles, pour la decision de nos controuerses, nous monstriers bien, que fuyions la lice. Madame aussi au mesme iour nous aduertit, que lesdits Docteurs, au lieu d'entrer derechef en conference avec nous, auoyent resolu; de parler à elle en nostre presence, aussi long tēps que bon leur sembleroit, & que cela fait, ils se retireroient, pour nous laisser puis apres parler à ladite Dame tant que voudrions, en leur absence. Sur quoy, à fin de preuenir toutes les calomnies, qui se font au rapport des simples paroles, nous prîmes occasion, de leur enuoyer dès le lendemain vn escrit signé de nos mains, dont la teneur s'ensuit.

Ayans esté aduertis par Madame, depuis nostre arriuee, que quelques honorables Docteurs de l'Eglise Romaine auoyent promis à Monseigneur le Prince son mary, de luy prouuer, que la créace d'icelle estoit faulse, & qu'elle desiroit qu'y fussions presens, à fin de luy aider à maintenir le contraire; encores que nous apperceussions plusieurs circonstances & conlequences d'importance, qui nous pouuoient seruir de legitime excuse, pour n'entrer si promptement en telle action: Toutefois, considerans la presse qu'on faisoit à madite Dame, & qu'en la temonce, qu'elle nous auoit faite, il ne s'agissoit de la gloire de Dieu, & du deuoir de nos charges, nous auons accepté de nous y

trouuer: quoy qu'eussions bien desiré, d'estre
 deuant autorisés expressement pour ce faire,
 par nos treichers Freres. Estans donc assemblez
 le 13. de ce Mois, nous auons respôdu mod-
 destement aux premieres propositions de M^os-
 sieur Commelet, en presence de son Altesse, de
 Messieurs les Princes ses enfans, de madame
 de Dame, & de plusieurs autres personnes. Et
 d'autant qu'apres quelques obiections & res-
 ponses ledit Sieur Commelet nous ayant de-
 mandé, qui seroit le iuge de nos differens en
 ceste conference? & nous luy ayans respôdu,
 que ce seroit l'Ecriture Saincte; en exposant
 ce q se pourroit trouuer d'obscur en quelques
 sentences, par autres sentences tirées d'elle
 mesmes, lesquelles parleroyent plus claiement
 de la mesme matiere: Nous entendons main-
 tenant, qu'on fait courir le bruiet, que par ceste
 sorte de response nous fuyons la lice, puis que
 nous n'y faisons aucune mention des Peres.
 C'est pourquoy nous nous sommes auisez, a-
 pres auoir inuoqué le nom de Dieu, de signer
 & enuoyer cest escrit: par lequel nous decla-
 rons, que de vray nous ne pouons agreer,
 que les fondemens de la foy, ni les decisions
 des controuerses d'icelle, soyent prises d'au-
 leurs, que de dites S. Escritures: n'estant aucu-
 nement raisonnable, que les consciences s'ar-
 restent plustost à la parole des hommes, qu'à
 la parole de Dieu. Et neantmoins n'entendons
 pas exclurre de nostre conference les allega-
 tions

tions des plus anciens Peres, recognoissans, que nous devons beaucoup à leurs doctes escripts: ains receurons volontiers toutes celles, qui apporteront au texte de l'Escripture exposition & esclaircissement, bien accordant à l'Analogie de la foy, & ne destruisant la verité d'aucun des articles d'icelle. Nous ne pouvons aussi aggreer la resolution, que Madame nous a dit estre prise par eux, de vouloir parler à elle en nostre presence, aussi long téps q̃ bon leur semblera, & aussi tost, qu'ils auront acheué leurs discours, se retirer: ains disons, qu'ils doivent escouter nostre response, par laquelle nous esperons de confermer madite Dame en la verité de sa creance, comme nous aurons ouy leur proposition, tendante à la destourner d'icelle. Que si en la prochaine conference qui se fera, nous apperceuons que ceux, auxquels nous auons affaire, donnent autorité à la parole de Dieu par dessus celle des hommes, & usent de moderation d'esprit, (comme nous le voulons bien esperer) cela nous pourra donner occasion & desir, de continuer plus longuement en ceste conference. Mais pour l'incertitude de ce que dessus, & aussi qu'il pourroit suruenir plusieurs autres choses, lesquelles nous destourneroyent plustost, qu'elles ne nous induiroient à la continuation d'icelle: nous desirons, que son Altesse, Messieurs les Princes ses enfans, & Madame, prennent en bonne part, que pour le regard de la-

dite cōtinuation, nous nous reseruons nostre liberté. Fait à Nancy, le 15. de Novembre, 1599.

LA TOUCHE, J. COUET.

Ora uous nous esté plusieurs jours sans rien ouyr, ni sur nostredit escrit, ni sur la cominuation de la conference, aux conditions portées par iceluy: mais bien nous a on aduertis, que dès le lendemain de la conference nos parties enuoyerent vn aduis à Mets, touchant ce qui s'estoit passé en ladite conference, auquel, entre autres choses, dont il n'a esté faite aucune mention en icelle, ils disent: que nous auons parlé tout d'entree de Luther & de Calvin, & de la vraye religion estoufee depuis mille ans en çà, & renouuellée par iceux: & que nous auons dit aussi, que les liures des Peres estoÿent Apocryphes. Mais, comme nous le declarasmes tout aussi tost à nos amys & familiers, qui nous visitoient tous les iours, nous n'auons eu ni volonté, ni occasion, ni besoin de parler de Luther, ni de Calvin. Car quoy qu'ils nous ayent enseigné touchant nostre Seigneur Iesus Christ, si est-ce que nous ne nous y sommes point arrestez; pour le respect de leurs personnes: ains ayans ouÿ par leur adresse nostre Seigneur Iesus Christ, parlant luy mesme à nous en ses S. Escritures, ce n'a point esté pour leur parole, qu'auons creu au Christ, mais pour l'auoir ouÿ luy mesmes, cōme firent jadis les Samaritains. Et pourtant aussi nous ne faisons point d'estat, d'alleguer les doctes escrits d'iceux,

Ieh. 4.

d'iceux, pour en tirer cōclusion contre nos ad-
uerfaires, non plus que ne reçoions ceux de
leurs Escoles contre nous, ni mesmes les an-
ciens Peres, pour iuger de nos differens : ains
nous nous seruons en tout, & par tout, des S.
Eseritures. Dauantage, il n'y a aucun des fide-
les des Eglises reformees, ni entre les Pasteurs,
ni entre les brebis, Docteurs, ou Disciples, qui
se dise estre Lutherien, ou Caluiniste, comme
nos parties s'inscriuēt, Franciscains, Jacobins,
Bernardins, Augustins, &c. pource qu'ils ont
pris ceux là pour leurs patrons : comme ils se
disent aussi Iesuites, ayans tiré ce dernier tiltre
de quelque Iesus, qui leur estant propre en la
quatriesme sorte, ne peut estre celuy qui est
commun aux autres : Ains nous nous conten-
tons tous, en quelque differente cōdition que
puissions estre, du seul & vrayement honora-
ble tiltre de Chrestiens, duquel se sont cōten-
tés tous les vrais fideles, dès, & depuis le tēps *Act. 14.*
des Apostres. Nous ne voulons aussi auoir
autre chef ni patron, que le vray Iesus Christ,
qui est le seul vray chef & patron commun de
tous les fideles & esleus. Nous ne voulons
croire, que ce qu'il nous enseigne; ni faire, que
ce qu'il nous commande : pour auoir nos con-
sciēces en repos. Et certes, nous n'auons point
oublié, combien sonnoit mal dès le temps des
Apostres, que quelques vns d'entre les Chre-
stiens se disoyent estre de Paul, les autres d'A- *1. Cor. 1.*
pollos, les autres de Cephas : qui toutefois
estoyent

estoyent des patrōs tout autres en la foy Chrestienne, que n'ont iamais esté ceux, desquels ceux-cy tirent tant d'appellations diuerſes. Et pourtāt aussi nous ne sommes, & ne nous disons estre, que de Christ. Et quant à la vraye religion, d'escrire, que nous auōs dit icelle auoir esté estoufee depuis mille ans en çà, & renouvellee par les susdits Calvin & Luther, c'estoit donner en cest endroit vne trop grande licence à leur plume: veu qu'il y auoit tant d'oreilles bien percees en ladite conference, lesquelles tesmoigneront tousiours, n'auoir esté rien dit de toutes ces choses. Aussi croyons nous fermemēt, que la vraye religion n'a iamais esté estoufee: ains que non seulement depuis mille ans en çà, mais depuis le tēps des Apostres iusques à present, il y en a eue en chascun siecle tousiours quelques vns, & plus es vns qu'es autres, qui ont cognu, recognu, & enseigné, non seulement de viue voix, mais aussi par leurs escrits, la vraye religion, selon ce qui estoit du pur Christianisme. Mais si ceux, qui ont esté en chascun siecle les plus purs en la religion Chrestienne, n'ont pas esté tousiours les plus apparents & manifestes deuant les yeux des autres, il s'en faut prendre à la superstition: laquelle s'introduisant & renforçant petit à petit dans l'Eglise, a passé iusques à persecuter si cruellement ceux, qui faisoient profession de la vraye religion, qu'ils ne s'osoyēt decourir bien souuent en public, & n'estoyent en telles
façons

faisons non plus apperceus que les sept mille, lesquels Dieu s'estoit reserues avec la vraye religion du tēps de la persecution d'Achab & ^{1. Roys. 19.} Iesabel, & lesquels le Prophete Elie (qui auoit d'aussi bons yeux qu'un autre) ne pouuoit ni voir, ni cognoistre: tellement qu'il s'estimoit estre demeuré seul. Et quant au renouuellemēt de la vraye religiō, quoy qu'il n'en ait esté parlé entre nous, il ne laisse pas pourtant d'estre vray, que Luther, Caluin, Zuingle, Oecolampade, Melanchthon, Bucer, & plusieurs autres excellens personnages, ornez de vraye pieté & tresgrande erudition, lesquels Dieu a suscitez en ces derniers temps, en descouurant & refutant les grands abus, qui de long temps s'estoyent coulez & autoritez dans l'Eglise, n'ayent grandement seruy à la restauration du pur seruice de Dieu, & à remettre sus la sincerité de la creance Chrestienne. Ouurage, qui pour les profondes racines, qu'a pris la corruption, ne sera pas si tost paracheue. Au reste ç'a esté avec mesme verité qu'és choses precedentes, qu'ils ont tesmoigné, que nous disions, tous les anciens Peres & Docteurs, c'est à dire, leurs escrits, estre Apocryphes. Car il est tres-certain, qu'en la conference ce mot d'*Apocryphe*, n'est sorty de la bouche ni des vns, ni des autres. Mais neantmoins, puis qu'ils mettent ce cy en auant, avec la licence qu'ils ont accoustumé de se donner, pour dire & escrire tout ce que bon leur semble: & que sçauons, combien est

est odieux entr'eux ce mot d'*Apocryphe*, faute d'entendre quelquefois la signification d'iceluy: nous leur maintiendrons tousiours (si tôt estoit, qu'ils s'y voulussent opposer) que combien qu'il ne faille tirer des liures, inferés en la S. Bible, lesquels les Anciens ont à bon droit nommés *Apocryphes*, les fondemens des doctrines de la foy, (comme le dit tres-sagement S. Ierosme) cela neantmoins n'empesche pas, qu'il n'y aye quelques liures entre les susdits *Apocryphes*, qui contiennent tant de belles & bonnes instructions, & si bien accordées aux commandemens de Dieu, soit au regard de la pieté, soit au regard des mœurs, que quand on mettroit les escrits des anciens docteurs en ce mesme rang, ils en seroyent plustost honorez, que deshonorez.

*Ieros. escrie
dans le Lat.*

Or s'estàs passés quelques huit ou dix iours apres ce premier susdit abouchement, vn gentilhomme de la religion reformee, qui estoit à Nancy pour affaires particulieres, & qui me cognoissoit d'ailleurs, me venoit visiter assez souuent de sa grace, & deuisions familièrement ensemble, touchant ceste cōference commencée: & de ce, que la cōtinuation d'icelle estoit empeschee, parce que nos parties demandoient, que les escrits des Peres iugeassent de nos differens; & que nous voulions, que le iugement en fust reserué aux S. Escritures: quelques fois mesmes, pour le grād desir qu'il auoit de voir recommencer ceste conference,

(d'au.

(d'autant qu'il n'auoit point esté present en la premiere) il m'eust volôtiers persuadé, s'il eust peu, de donner cest aduantage à nos parties; que les escrits des Peres fussent iuges de nos cōtrouerles : & le faisoit, pource qu'ayant leur plusieurs belles sentences desdits Peres en certains liures nouueaux, composez par les nostres, il se tenoit assure, que lesdits Peres estoient plus pour nous, que pour eux. Mais ie luy remonstroy, que quand tous les Peres parleroyent vnanimement pour nous, si ne faudroit-il pas pour cela les faire iuges au lieu de Dieu. D'auantage, qu'il y auoit certaines doctrines, dont nous sommes en debar avec nos parties, desquelles la fausseté estoit bien plus aisée à iuger par les S.Escritures, que par les escrits desdits Peres : & ce d'autant, qu'au lieu que les S.Escritures les condamnent totalement, au contraire les Peres en parlent si douteusement, qu'ils semblent quelques fois ne les reprouuer du tout, ains permettre aux Chrestiens de les tenir pour veritables, ou nō : c'est à dire, de les croire, ou non croire, ainsi q bon leur semblera. Que ce sont doctrines fauleuses, lesquelles la superstitieuse ignorance, ou l'ignorante superstition, a inuentees & introduites, & lesquelles la violence tyrannique de ceux, auxquels Sathan a donné mille moyens pour gehenner les pauvres consciences, a fait durer iusques icy, pour le grād gain qu'ils ont tiré, & tirēt encores, sous pretexte d'icelles. Et
quand

quand ie concluoy, que pour ces occasions, & plusieurs autres non moindres, il ne falloit iamais despouiller les S. Escritures de lhonneur, qui de droict leur appartient, de iuger des differens de la religion, pour en renestir les escrits des hommes: alors il recognoissoit bien, que de vray il importoit grandemēt à la gloire de Dieu, & au repos & salut des ames, que nous demeurissions fermes en ceste resolution.

Ce gentilhomme donc se trouuant vn jour en lieu, où estoit aussi le susdit Sieur Comelet Iesuite, il ouyt qu'on disoit: que i'auoy accepté les escrits des Peres, pour iuges de nos differens: dont aduint que luy, qui tant souuent oyoit le contraire de ma propre bouche, dit librement; qu'il ne pensoit point que cela fust; mais bien scauoit-il, que souuent ie luy auoy dit, que i'estoy prest de rentrer en conference avec le susdit Sieur Comelet, sur tel point de la creāce de Madame, que bon luy sembleroit pourueu seulement qu'en nostre dispute la parole de Dieu eust autorité par dessus celle des hommes: & qu'ils s'asseuroit, que si aduoueroys ceste parole, laquelle souuent ie luy auoy donnée, se souuenant bien qu'une infinité de fois ie luy auoy dit, qu'on ne pourroit faire vn plus grand tort à Dieu & aux consciences, que de fonder la foy & esperāce du salut, & resouldre les difficultés qui suruiennent en ces choses par les paroles des hommes par trop incertaines & muables.

Alors

Alors dit le Sieur Comelet : que neâtmoins il auoit entendu de quelcun, que i'auoy fait ceste promesse. Et comme ils estoÿer tous em-
 peschés à se souuenir, qui ce pourroit estre, qui
 le leur auoit dit, en fin quelcun d'entr'eux s'ad-
 uise, que ce pourroit bien estre le susdit Sieur
 de Selues, Châcelier de Madame. Et dès l'heu-
 re, pour en estre mieux asseurés, & faire quant
 & quant instance la dessus, ils l'enuoyent cher-
 cher par tout. Iceluy donc estant au conseil, &
 sçachant pourquoy on le chercheoit, monstra
 auoir tellement la matiere à cœur, que postpo-
 sant toutes autres affaires, il vint avec le sus-
 dit gentilhomme de la religion, & cinq ou six
 autres gentilshommes, en ma chambre, & ce
 par le mandement de Monsieur le Cardi-
 nal, pour auerer ceste parole, & sçauoir : si ne
 me tenant plus ainsi arresté au jugement des
 S. Escritures, comme i'auoy' fait auparauant, je
 vouloy bien, que par les écrits des Docteurs
 on iugeast de ce, dont on entreroit en debat en
 ceste conference ?

Eux donc arriués tous ensemble en ma châ-
 bre (ou de bon heure estoit pour lors le Sieur de
 la Touche, ministre de la parole de Dieu, le-
 quel i'accompagnoy en ceste conference, &
 trois ou quatre autres honnestes hommes fai-
 sant profession de la Religion) le premier qui
 parla fut le susdit gentilhomme de la religion,
 & me dit : Monsieur Couet, ie vous prie de me
 respondre deuant toute ceste honorable com-
 d pagnie,

pagnie, si toutes les fois que ie vous suis venu veoir, & que sommes entrez en discours touchant ceste conferéce, vous ne m'avez pas dit, que vous estiez prest de conferer avec Monsieur Comelet, de tel point de la Religion & creance de Madame qu'il voudroit, voire ou & quand il voudroit, sous le bon plaisir de son Altesse : & que les sentences des Peres y pourroyent estre alleguees de part & d'autre, pour uen seulement, que la parole de Dieu, pour le jugement & la decision des differens, y eust autorité par dessus celle des hommes ? A quoy ie respôdy : que cela estoit du tout veritable, & que, pour le môstrer par effect, dans vne heure ou deux i'estoy prest de rentrer en conference avec ledit Sieur Comelet, sous la dite cōdition.

Lors ledit gentilhomme de la Religion, se tournant vers tous les autres qui estoient venus avec luy, leur dit : Or bien, Messieurs, me voila desgagé, & la parole que ie vous ay dite bien aduouée, Monsieur Couet declarant deuant vous tous, que, non seulement il me l'a dite, mais que, quand on voudra, il est prest de la mettre en execution. Celuy de vous, qui a quelque autre chose à demesler avec luy, qu'il le face.

Alors ledit Sieur de Selues se tournant vers moy, commence à me dire : Si ie ne me souuenoy pas d'auoir promis, voire deuant son Altesse, de receuoir les Peres pour iuges en ceste cōference ? A quoy ie respôdy : que, veu qu'on
ne le

ne se peut souuenir que de choses faites ou dites, je n'auoy' garde de me souuenir de cela, que ie sçauoy non seulement n'auoir iamais dit, mais mesmes n'auoir iamais pensé.

Et comme ledit Sieur Chancelier insistoit, disant: qu'il y estoit present, & qu'il s'en souuenoit fort bien: le luy respondy: que ie me pouuoÿ beaucoup mieux souuenir de ce, que i'auoy dit, q' luy, qui se disoit l'auoir ouy: qu'en oyant, souuent on prend vne parole pour l'autre: cômme il pourroit bien auoir fait en cest endroit, où ayant dit, que ie receuroÿ volōtiers les sentences des Peres, cômme i'esperoÿs aussi d'en alleguer en la dispute, ie n'auoy pas dit cependant, que ie les receuroÿ pour iuges. Qu'il se deuoit souuenir luy mesmes, que toute la matinee de la conferēce en public, i'auoy' tousiours maintenu, que les escrits des Peres ne deuoyent point estre autorisés pour iuges, par dessus les escrits du Pere, qui sont les saintes Escritures: Qu'en l'escrit, que nous auions signé vn jour apres ladite conference, le mesme y estoit contenu; & que tous ceux, qui depuis auoyent deuise familièrement avec moy, ne m'auoyent iamais ouy tenir autre langage: Comme mesmes l'honorable gentilhomme, qui auoit parlé deuant luy, & qui me venoit voir quasi tous les iours, en auoit tout presentement rendu vn assez bon tesmoignage: Que ie vouloy bien qu'il sçeust, que nous auions pour la preuue de la creance de

Madame, apres les sentences des S. Escritures, plusieurs belles sentences des plus anciens Peres de l'Eglise primitiue: Mais que, quand bien tous les Peres seroyent de nostre costé, si ne voudrions nous pas, que leurs escrits fussent iuges, ains tousiours defererions le iugement aux S. Escritures: Que les Peres estoient comme quelque Bailliage, ou siege Presidial, du iugement duquel il y auoit appel ailleurs: mais que nostre Seigneur Iesus Christ, les Patriarches, Prophetes, & Apostres, qui poussez du S. Esprit parlent és S. Escritures, estoient comme le Parlement souuerain du Seigneur, duquel les Arrests sont definitifs & sans appel. Que s'il falloit, que nous tirissions les fondemens de nostre religion, de nostre foy & esperance, & du iugement de nos cōtrouerses, des escrits des Pasteurs & Docteurs, qui, quelques excellés qu'il ayent esté, n'ont pas tesmoignage, d'auoir esté totalement conduits par le S. Esprit en ce qu'ils ont escrit, nous serions en danger, d'auoir vne infinité de religions diuerses, iceux ayans esté fort differens les vns des autres: & ne se passeroit siecle, auquel il ne faulust changer de religion.

Là dessus ledit Sieur Chancelier insiste fort & ferme, & veut maintenir, que i'ay promis ce que dessus, assauoir de subir le iugement des Peres: qui fut cause, qu'en fin ie fus contraint de luy dire: Monsieur, pour le rang que vous tenez en vostre charge honorable de Chancelier de

lier de Madante, ie veux bien vous honorer & respecter : mais neantmoins ie vous prie de croire, qu'en ce qui est premierement de l'honneur de mon Maistre, & puis apres au maintiẽ de ma parole, ie ne vous en lairray rien passer. Et sçachez pour toute cõclusion, que de ce que dites auoir estẽ promis par moy, ie ne l'ay ni dir, ni pensẽ, & ne le diray tant que ie viue. Car il est, & sera tousiours plus raisonnable, que la parole & les escritures de Dieu ayent l'autoritẽ de juger des differens qui sont en sa maison, & en son Eglise, que les paroles ou escritures des hommes.

Lors ledit Sieur Châcelier, en oyant ce mot d'Eglise, s'aigrissant contre moy, me dit : Vous parlez de l'Eglise, & cependant estes hors de l'Eglise, & ne sçavez que c'est que l'Eglise. A quoy ie respondy : que, graces à Dieu, ie n'auoy pas vescu iusques là, sans bien cognoistre la vraye Eglise : qui est celle qui oit la voix de Iesus Christ, & obeyt à icelle, fermant ses *au-* *leu. 10.* *reilles* à la voix de l'estranger, c'est à dire, à toutes inuentions & traditions humaines. Que i'estoys aussi bien asseuré, d'estre des membres de ceste Eglise vrayemẽt Chrestienne, laquelle ne recognoit autre pour son chef, que nostre Seigneur Iesus Christ.

29 Si est-ce, dit ledit Chancelier, que si vous la cognoissiez bien, vous seriez plus d'estat, que ne faites, du iugement & de l'autorité d'icelle. Car vous sçavez ce qu'a dit S. Augustin : qu'il

n'eust pas creu à l'Euangile, si l'autorité de l'Eglise ne l'y eust esmeu. A quoy ie respondy: que, combien qu'on apperçoie la verité celeste es S.Escritures, ausi tost qu'on a receu de Dieu des yeux pour voir: si est-ce, que cela n'empesche pas, qu'on ne se sente de plus en plus esmeu à l'embrasser, quand on considere ceste troupe honorable des vrayz & fideles enfans & seruiteurs de Dieu, desquels est composée l'Eglise, qui d'un bel accord suivent la creance de ceste mesme verité. Au reste, que ie le vouloy bien aduertir, que ce n'a point esté sans grâde raison, qu'un de leurs propres Docteurs, voire de ceux de ces derniers temps, a dit: l'Eglise, de l'autorité de laquelle parle sa S. Augustin, ne signifier point tels ou tels Euesques, qui sont venus depuis le temps des Apostres, mais signifier l'Eglise vrayement Apostolique, laquelle estoit au commencement de la foy Chrestienne. Et pourtant (dit ce mesme Docteur) si S. Augustin viuoit en ce temps, & parloit de l'Eglise telle, qu'elle est maintenant, il diroit plustost ainsi: Je ne cognoistroy point les hommes de ceste Eglise estre l'Eglise Chrestienne, si l'autorité des quatre Euangiles ne me l'enseignoit: c'est à dire, si ie ne voyois en icelle la doctrine des quatre Euangiles estre receuë, creuë, & obseruée.

Lors il me dit: Que ie n'auoy que faire, de mettre toute ceste difference entre les Anciens Euesques & Docteurs de l'Eglise, & ceux de ce temps;

remps : Car, dit-il, vous faites aussi peu d'estat des vns que des autres. Et qu'ainfi soit, si vous faisiez estat des plus anciens Euesques, quand il est question de la Transsubstantiation, pourquoy ne croiriez vous pas aux paroles de S. Cyprien, qui a esté vn des plus anciens & plus doctes Euesques & Docteurs de l'Eglise primitive ? Car vous sçauiez qu'il dit, touchant le pain du S. Sacrement : que combien qu'il ne soit point changé d'effigie, si est-il changé de nature. Ces mots sont, *Panis non effigie, sed natura mutatus*. A quoy ie luy respondy : que ie prisoy grandement les escrits de S. Cyprien, comme del vn des plus excellés Pasteurs & Docteurs de l'Eglise primitive : & qu'il seroit bié besoin, que luy, qui les alleguoit, en eust bonne intelligence. Car cela estant, ceste mesme sentence qu'il allegue de ce Docteur, se trouueroit suffisante, pour luy faire croire, au regard de ce Sacrement, tout le rebours de ce qu'il en croyoit. Et de fait, quand S. Cyprien dit, que le Pain de la S. Cene n'est point changé quant à son effigie, mais quant à sa nature : le mot de *Nature*, ne signifie point là, sa substance : veu que tous ceux, qui le goustent & mangent, sentent & iugent bien, qu'elle demeure toute telle, qu'elle estoit : mais il dit, ce pain estre changé quant à la nature, d'autant, qu'au lieu qu'auparauant qu'il fust destiné & consacré pour seruir en ce Sacrement de signe du corps de nostre Seigneur Iesus Christ, il n'auoit nature q̄ de pain

*Iren. lib. 4.
chap. 34.*

commun; apres qu'il a esté consacré à ce saint
vsage, il a receu & vestu la nature de pain Sa-
cramental. Et c'est pourquoy S. Irenée, parlant
de ce pain consacré, ne dit pas; qu'il n'est plus
pain; mais, qu'il n'est plus pain commun. Aus-
si n'y a-il personne exercé tant peu que ce soit
en la Theologie, qui ne sçache, autre estre la
nature ou propriété du pain commun, & autre
la nature ou propriété du pain Sacramental, à
cause de leur diuers vsage & effect. Que si S.
Cyprien en ce passage eust entendu, par le mot
de *Nature*, la substance du pain, & eust voulu
dire, qu'elle eust esté changée en la substance du
corps naturel de nostre Seigneur Iesus Christ,
tandis que l'effigie de ce pain fust demeurée
telle, qu'elle estoit, & sans aucun changement;
certainemēt, veu que ceste effigie ou apparen-
ce est, comme chascun sçait, d'une tres-petite
quantité, & d'une forme nullemēt rapportan-
te à la forme d'un corps humain, de là s'ensui-
uiroit vne tres-lourde absurdité; à sauoir, que
par ceste pretendue trāssubstāciation ce corps
naturel de Iesus Christ auroit esté monstrueu-
sement raccourcy, estant depuis icelle ainsi ca-
ché & contenu dessous ceste effigie: & seroit
chose non moins absurde, & aussi folle à croi-
re, que les accidēs de ce pain seroyent demeu-
rés en leur vray estre, sans leur propre suiet &
substance, & seruiroyent maintenant d'acci-
dēs à la substance du corps naturel de nostre
Seigneur Iesus Christ, à laquelle ils ne sont
nulle-

nullement cōuenables. Que si vous auiez leu ce qu'escriit S. Chrysostome à vn certain Moyne nommé Cæsarius, vous trouueriez, qu'il parle du tout conformément à l'intelligence que ie vous ay maintenāt donnee de ceste sentence de S. Cyprien. Car là il dit ainsi : Deuant que le pain de la Cene soit sanctifié, nous l'appellons pain : mais la grace diuine le sanctifiant par le moyen du sacrificeur, il est deliuré du nom de pain, & est reputé digne d'estre appelé le corps du Seigneur, ENCORES QUE SA NATURE DE PAIN LUY SOIT DEMEURÉE. Et Theodorer dit ainsi : Iesus Christ a honoré les signes du pain & du vin de l'appellation de son corps & de son sang, NON POINT EN CHANGÉANT LA NATURE D'ICEUX, mais en adioustant sa grace à leur nature. Et pouuez bien apperceuoir, que l'accord, qui est aux sentences de ces excellens personages, gist en ce, que au lieu que quand S. Cyprien a parlé de changement de nature en ce pain, il n'entendoit point par ce mot de *Nature* la substance du pain, mais, comme i'ay dit, vn changement de nature de pain commun en nature de pain Sacramental. Au contraire S. Chrysostome & Theodorer, par le mot de *Nature* entendans la substance du pain, ont enseigné aux Chrestiens, qu'il n'estoit aduenu aucun changement à icelle.

Dialog. 2.

Or, comme ledit Sieur Chancelier insistoit de plus en plus, & s'eschaufoit en la dispute, ie

d 5 fus

ie fus contrainct, pour couper broche, de luy dire: qu'en ce regard il se monstroir par trop partial, passant plus auât en dispute avec nous, que n'auoit fait le Docteur Comelet. Et pour tant que le priois de se contenter de nostre response: assauoir que ne souffririons iamais, en conferant de la religion, que le iugement des controuerſes fust deferé à autres, qu'aux saintes & Canoniques Elcritures. Aussi ne veult point S. Augustin, que nous oyons telles controuerſes, comme iuges: mais qu'estans nous-mesmes constitués soubz iuge, nous heurtions affin qu'il nous face ouuerture, & que nous nous retirions soubz ses ayles. Et lors vn gentilhomme de ceux de Monsieur le Cardinal, qui estoit derriere ledit Sieur Chancelier, le tirant par la robe, luy dit deuât tous: que de vray il n'estoit pas enuoyé là pour disputer avec nous, mais seulement pour ſc auoir de nous, si nous voulions deferer aux Peres le iugement de nos cōtrouerſes, ou non. Et ainsi chascun se retira de ma chābre, où fut agité ce que dessus.

Or comme il s'estoit desja passé plusieurs jours, sans qu'on r'entraſt en conference, chacun s'enqueroit assez ſoigneuſement, qui empeschoit qu'on ne continuast. Il y en eut qui dirent, qu'on attendoit l'aduis que nos parties receuroyent des Iesuites de Trieues en Allemagne, & d'ailleurs, qui en fin fut tel: Que s'ils pouuoýt faire recevoir les Peres & Conciles pour iuges de leurs differés, ils continuassent hardi-

Aug. des paroles du Seigneur. Ser. 16.

hardiment en ceste conference: Au contraire, si leurs aduersaires vouloyent resolumer, que tout fust decidé & iugé definitiuelement par les S. Escritures, ils ne s'y enfonçassent point plus auant. Mais puis qu'il ne faut asseurer ce dont on est incertain, ie diray seulement: que, soit qu'ils ayent eu cest aduis d'ailleurs, soit qu'ils l'ayent pris d'eux mesmes, tant y a qu'en effect ils l'ont suiuy. Et pourtant aussi furent enuoyes vers nous deux gentilshommes, l'vn de l'vne des religions, l'autre de l'autre, pour encores sçauoir de nous, si nous ne voudrions pas faire cest honneur aux Peres, de les accepter pour iuges en ces controuerses de la religion: & qu'il sembloit bien, que ce seroit vne voye fort expeditiue pour en sortir.

A quoy nous respondismes: que, comme nous l'auions declaré en la conference publique, & comme le portoit nostre susdit escrit signé, nous ne ferions jamais ce deshonneur à Dieu, ni ce preiudice à la seurté des consciences, que de donner en ceste conference vne telle autorité aux escrits des homes, qui quelques saincts & doctes qu'ils ayent esté, se sont peu souuentefois abuser: ains la reseruerions tousiours aux S. & Canoniques Escritures, esquelles l'esprit de Dieu n'a enseigné que toute verité. Au reste, nous adioustions, que nous nous esbahissions grandement, de ce que nos parties auec tant d'imprudéce descouuroyét si manifestemēt, le peu d'asseurance qu'ils auoyēt
aux

aux S. Escritures pour le maintien de leur doctrine. Et aduint, que la dernière fois que ceste demande nous fut faite par vn des Secretaires d'Estat de son Altesse, homme modeste & entendu, qui accompagnoit encores le susdit gentilhomme de la religion, & que sans changer d'aduis nous luy eusmes donné la mesme response que dessus, il nous dit (auec apparence de bien sçauoir la volonté de son Altesse) qu'on se pourroit donc bien retirer chascun chez soy de part & d'autre.

Et neantmoins le Vendredy 26. du mesme Mois, sur les six heures du soir nous fut apporté par ledit gentilhomme de la religion vn escrit non signé, dont la teneur s'ensuit.

Pource qu'en l'ouuerture de la conference l'on demeura sur ce, que les Peres Catholiques insistoient à ce, que les Ministres eussent à cōuenir de iuges, auxquels on auroit à se rapporter, au cas que l'on tombast en quelque differend & contrariété du sens & intelligence d'aucun passage de l'Ecriture S. Et que les ministres soustenoyent au cōtraire, que ladite Escriture estoit suffisante pour l'intelligence de soy mesmes, & qu'on pouoit d'vn ou plusieurs autres passages d'icelle tirer l'interpretation de celuy dont on seroit en different, toutefois qu'ils ne reietteroyent le tesmoignage ou l'interpretation des Peres anciés, pourueu qu'elle fust conforme à la dite Escriture sainte : s'estas lesdits Sieurs Conferans de part & d'autre retirés,

tirés, sans auoir acheué d'agiter & resouldre ce point, sçauoir, si pour venir à quelque bonne resolution & fruit de ceste conference, il est pas necessaire de recourir & se rapporter à la comüne interpretation des anciens Docteurs & Conciles de l'Eglise, en cas que l'on tombe en quelque controuersie du sens & intelligence d'aucun passage de l'Ecriture: Les Catholiques sont prests, sous le bon plaisir de son Altesse, de conferer vne autre fois, & plus à plein, sur ce mesme point.

Ayans donc leu cest escrit, nous demandasmes audit gentilhomme, de la part de qui il nous estoit enuoyé? lequel nous ayât respondu, que c'estoit de la part de Monsieur le Cardinal: nous luy dismes vn petit mot, de la disproportion qu'il y auoit entre ledit Seigneur Cardinal Prince, & nous: & qu'eussions bien desiré, que les Sieurs Comeler & le Capuchin le nous eussent enuoyé signé de leurs mains: que neantmoins pour l'honneur dudit Prince nous ne lairriions d'en faire & signer la response: & estoit lors, comme j'ay dit, enuiron les six heures du soir. Et pourrant ainsi que ledit gentilhomme, pressé par ledit Seigneur Cardinal, nous pressoit d'heure à autre d'en donner la response, nous luy remonstrasmes: qu'en affaires de telle importance, il ne se faloit point ainsi precipiter: & que si on auoir bien esté quatorze iours à dozer & limer ce petit escrit, on pouuoit bien auoir quatorze heures pour y respon-

respondre. En somme qu'ils s'assurassent que moyennant l'aide de Dieu, ils en auroyent dès le lendemain matin la response.

Or est-il à noter, que le premier aduis que nous prîmes, fut de respondre vn peu ample-
ment: puis que nous apperceuions bien par les conditions que demandoyent nos parties, qu'on ne r'entreroit plus en conference ver-
bale, à fin que par nostredit escrit vn peu ample-
on peust tant mieux cōprendre, combien nous auions de iustes raisons, de maintenir tousiours qu'à la seule parole de Dieu, contenue, es sain-
ctes Escritures, appartenoit le iugement sou-
uerain des controuerses de la religion. Et de
cest escrit s'ensuit la teneur.

Pour respondre à l'escrit, qui nous a esté ap-
porté par vn gentilhomme d'honneur, ce Ven-
dredy au soir 26. de Novembre, Nous Mini-
stres de la parole de Dieu soubs-signés disons:
Que quelques Docteurs de l'Eglise Romaine
ayans promis à Mōseigneur le Prince de prou-
uer à Madame par la parole de Dieu, que sa
creance estoit fausse, & madite Dame nous ad-
yant appellés pour luy aider à maintenir le cōp-
traire, nous n'auons point encores esté en poi-
ne de ce faire, d'autant qu'elle n'a point enco-
res esté assaillie par eux: & de ce il fut parlé au
commencement de nostre conference. Mais,
comme ce que nous alleguions, tant de la pa-
role de Dieu, que des anciens Peres de l'Eglise
primitiue, en ce premier abouchemēt ne plai-
soit

soit guerés aux susdits Docteurs : de là'aduint
que eux, sachans qu'il estoit malaisé, voire cō-
me impossible, de conuenir d'hommes pour
iuges en nos differés, s'auiserent neantmoins
d'en demander d'entre les hommes: Auxquels
nous respondismes, que s'il s'agissoit des cho-
ses humaines, nous ne ferions difficulté de
prendre des hommes pour iuges: mais d'autāt
qu'il estoit question des choses de Dieu, nous
requerions qu'il en fust le iuge luy mesme par
sa propre parole, comme celuy qui n'est acce-
pteur de personnes, & q a meilleure cognois-
sance de ces choses que nul autre. Et sur ce que
lesdits Docteurs ne veulent, qu'en ces contro-
uerses il se donne iugement par autres que par
hommes, nous esperōs, que toutes personnes
non passionnees diront: que nous nous met-
rons à trop plus grande raison qu'eux en ma-
tiere de ce iugement, qu'ils demandent de la
bouche des hommes, quand pour le donner
& prononcer nous ne leur produisons pas des
hommes, qui ayent parlé simplement comme
hommes doués de pieté & erudition (ainsi
qu'ils font, en voulant que les anciēs Docteurs
soyent nos iuges) mais leur amenons les Pro-
pheres & Apostres, hommes qui peuenēt iuger
definitiuemēt & sans appel, pource qu'en eux
l'esprit de Dieu cōmandant, & l'esprit de l'hō-
me obeissant, tous deux ensemble n'ont dōné
sur aucun differēt qu'vne mesme resolutiō par
vne

vne meſme bouche, laquelle reſolution ſe
trouue enregiſtreee es S. Eſcritures. Si donc il
eſt queſtion de r'entrer derechef en confe-
rence (ce que nous attendôs il y a l'uiourd'huy in-
ſteſtement quinze iours) nous eſtimons que les
Docteurs, auxquels nous auons maintenant
affaire, deuoyent, pour auoir encores pluſtoſt
fait, laiſſer à vn chaſcun des aſſiſtans, & prin-
cipalemēt à Madame (de la creance de laquel-
le il ſ'agit) le particulier iugement libre, de ce
qu'ils auront ouy aux propoſitions d'iceux &
en nos reſponſes. Car auſſi le iugement que
chaſcun fait ainſi pour ſoy, & en ſon particu-
lier, & ſans preiudice de celuy qu'en font les
autres, eſt le plus doux de tous, & qui apporte
le moins de mauuiſes conſequences. Et en
fait de religion, nous ſçauons qu'il ne ſe trou-
ue exemple quelconque, qui monſtre, qu'une
conſcience ſe tenant à ſon deuoir, aye iamais
peu eſtre forcee. Ioinct que leſdits Docteurs
ſçauent bien, que, comme ils ne voudroyent
pas que nous fuſſions leurs iuges, auſſi ne ſe-
roit-il pas raiſonnable qu'ils fuſſent les no-
ſtres: comme cela leur a deſia eſté remonſtré
par nous en public. Et quant aux Peres anciens,
nous diſons: que nous en auons pour nous,
ſoit qu'on les conſidere à part, ou aſſemblés en
Concile, qui feront manifeſtemēt cognoiſtre,
combien ceux auxquels nous auôs affaire en-
ſeignent de creances à leurs peuples, contrai-
res à ce que leſdits anciens Docteurs de l'Egliſe
ont

ont enseigné à part, & ont arresté en Concile, touchant la verité perpetuelle de la nature humaine de nostre Seigneur Iesus Christ, & touchant plusieurs autres articles de la foy Chrestienne.

Mais pour respondre plus particulièrement à la question, portee par leur susdit escrit, à sçavoir, si pour venir à quelque bonne resolution & fruit de la conference, il est pas necessaire, de recourir & se rapporter à la commune interpretation des anciens Docteurs & Conciles de l'Eglise, en cas que l'on tombe en quelque controuerse du sens & intelligence d'aucun passage de l'Escripture? nous disons: qu'au regard de ce qu'il fault croire & faire, il ne se trouuera point si grande obscurité en aucun passage des S. Escriptures, qui ne se puisse aisément esclaircir par d'autres: comme l'ont tesmoigné des plus doctes des anciens Peres: tellement que qui voudra suivre ceste voye, pour l'intelligence desdites sentences de l'Escripture, parlantes de la foy & des œuvres, il la trouuera plus seur que nulle autre. Et neantmoins serviront grandement les sentences, qu'on tirera des escrits des Peres, lesquelles seront bien accordées avec les S. Escriptures, comme desia souvent nous l'auons respondu. Et quant aux Conciles, nous disons: qu'en assemblees generales de ceux, qui faisoient estat d'instruire le peuple en la religion, lesquelles estoient comme autr de Conciles, il s'est trouué telle
e fois,

fois, que quatre cents Prophetes ont resolu
d'un commun accord la fausseté contre vn seul

1. Roys 22. Prophete Michee, proposant la verité de Dieu.

Ceste mesme forme aussi a esté pratiquée
contre nostre Seigneur Iesus Christ, quand tous
les Ecclesiastiques de Ierusalem, tenans Con-
cile entr'eux, resolurent, touchant iceluy, tout
le contraire de ce qu'ils en deuoyent resoul-
dre selon le tesmoignage des Prophetes, par-
lans de luy par l'esprit de Dieu, assauoir, qu'il
n'estoit point le Christ, ni fils de Dieu. On sçait
aussi, que les heretiques, ayas pris place dans
l'Eglise, ont esté autorisés par resolutions pri-
ses en plusieurs Conciles, esquels la plus gran-
de part se trouuoit estre de leur costé: & que si
les Conciles auoyent tousiours resolu verité,
il ne s'en trouueroit pas tant, cōme il fait, qui
sont du tout contraires les vns aux autres. En
cependant on void, comme le Concile de Ni-
cee secōd, assemblé sous Irene l'Imperatrice, a
fait remettre les images dedas les temples des
Chrestiens, par les paroles des hommes, les-
quelles le Concile de Constantinople, tenu
sous les Empereurs Constantin & Leon, auoit
fait cōdamner & mettre hors des temples des
Chrestiens, selon la parole de Dieu. On void
comment l'erreur de l'heretique Eutyches, cō-
traire à la distinction des deux natures de nos-
tre Seigneur Iesus Christ en la personne, a esté
approuué par le Concile second d'Ephese: Le-
quel auparauant auoit esté bien refusé, & ius-
tement

nement condamné par le Concile tenu en Chalcedoine.

Bref, en laissant plusieurs telles cōtrariétés, par lesquelles vn Concile a approuué ce que l'autre auoit reprouué, voila le premier Concile tenu à Nicee, qui declare: qu'on doit auoir la Bible deuant soy, pour decider tous differés, non par la parole, ou par les escrits des hommes, mais par la parole de Dieu, contenuee es S.Escritures. Et voicy le dernier Concile, assauoir celui qui a esté tenu à Trente, qui ordonne: que les traditions humaines soyent aussi bien finies, que les S.Escritures.

Et c'est pourquoy nous estimons, que les résolutions des Conciles ne doiuent estre indifferemment receuës, & sans bien regarder sur quels fondemens elles ont esté faites. Car trop souuent ce, qu'on voudroit appeller en eux vn consentement general, ne mérite autre nom, que de conspiration generale contre la verité. Aussi S. Aug. sçachant bien, que quelques Conciles auoyent iugé pour, & les autres contre la verité, dit, escriuant contre vn Euesque Arrien: Je ne te doy point alleguer le Concile de Nicee, & tu ne me dois point aussi alleguer celui d'Arimin, cōme pour par ces Conciles tant cōtraires apporter quelque preiudice l'un à l'autre. Je ne suis point astreint à l'autorité de cestuy cy, ni toy à celle de cestuy là: mais faisons combattre entre nous la chose avec la chose, la cause avec la cause, & la rai-

*Aug. contre
Maximin.
lib.3, ch.14*

*Aug. contra
Maxi. li. 3.
chap. 14.*

*Aug. contre
les Donat.
li. 2. chap. 3.*

son avec la raison : & ce par les autorités des S. Escritures, lesquelles sont tesmoins comuns & à l'un & à l'autre. Et ailleurs, pour faire entendre, que souuent les Euesques s'abusent en leurs escrits, & les Conciles en leurs determinations, & pourtant qu'il faict bien plus leur s'arrester aux S. Escritures, il dit : Qu'il est loisible aux Conciles, de reprendre les escrits des Euesques : & aux Conciles Generaux, de reprendre les Prouinciaux : & entre les Generaux, aux derniers, de corriger les precedens, pourueu que tout se face sans orgueil : mais que quant aux S. & Canoniques Escritures du Vieil & Nouveau Testament, nul ne doit doubter, que tout ce qui est en icelles ne soit droit & veritable.

Matth. 22.

Et pourtant, quand nous prenons garde à la forme de la question, portee par le iuldir escrit, nous disons : que tout ainsi que quand on demanda à nostre Seigneur Iesus Christ, s'il falloit payer le tribut à Cæsar, ou non ? il n'y voulut pas respondre simplement, pource qu'il apperceuoit bien, qu'ils le vouloyent surprendre & calomnier, fust qu'il respondist ouy, fust qu'il respondist non : ains voulut, auant que de respondre, pour obuier à leur surprise, qu'ils luy montraissent, quelle forme ou effigie portoit la monnoye courante, à fin que ceste effigie leur fist cognoistre, qu'ils deuoyent receuoir la suiection du payement dudit tribut : Ainsi nous estant maintenant demandé, si nous ne voulons

voulons pas receuoir ceste suiection d'obeyr aux Conciles, nous disons : qu'on nous monstre la forme & effigie des Cōciles, qu'on nous veut faire receuoir, à fin que si elle nous represente les résolutions bien fondees sur les S. Escritures, nous les receuions, & leur obeissiōs : sinon, non. Et quant au fruit mentionné en cest escrit, nous disons : que d'une conference, en laquelle cōtre tout droit & raison on veut autoriser les paroles des hommes par dessus la parole de Dieu, on ne se doit attendre d'en pouuoir cueillir aucun bon fruit : non plus qu'on ne cueille iamais des grappes des espines, ni des figues des chardons, ni ne se puise *Math. 7. 19. 3.* d'eau douce d'une fontaine amere.

Voila quel fut l'escrit, qu'auis préparé. Mais comme nous estions prests à le faire copier, & prests d'enuoyer response, nous auisâmes de le raccourcir : mesmes pour ne donner occasion au d. t. Seigneur Cardinal, qui nous auoit enuoyé l'autre assez court, de s'ennuyer de la longueur du nostre. Et de cest escrit ainsi raccourcy s'ensuit la teneur.

Pour respondre à l'escrit, qui nous a esté apporté par vn gentilhomme d'honneur, ce Vendredi au soir 26. du present Mois de Nouembre, nous Ministres de la parole de Dieu sous signés disons : Que si les Docteurs de l'Eglise Romaine, avec lesquels nous auons eu desia quelque commencemēt de conference, y veulent derechef entrer, pour, selon leur promesse,

monstrer par la parole de Dieu, que la créance de Madame est fausse, sommes tous prests d'y r'entrer, sous le bon plaisir de leurs Alteſſes, pour maintenir le contraire.

Et d'autant que tout ce, qu'il nous faut croire & faire pour estre sauués, nous est suffisamment & clairement enseigné & commandées saintes & Canoniques Escritures, lesquelles le Pere des lumieres nous a baillées, à fin qu'elles, cômme dit le Roy David, fussent vne lampe eclairante à nos pieds pour nous guider, & empescher que ne nous fouruoyôs de ce chemin salutaire : c'est pourquoy la condition, sous laquelle nous entendons conferer, est, que ce qui sera mis en auant de la parole de Dieu, contenüe eldites S. & Canoniques Escritures, ait plus d'autorité pour la decision de nos differens, que tout ce que l'on pourroit alleguer de ce, que les hommes, quelques doctes qu'ils fussent, ont escrit à part, ou meſmes de ce que plusieurs peuuent auoir resolu en quelques Conciles. Car il est trop souuent aduenü, que les vns d'iceux ont escrit à part choses contraires aux autres, & les vns des Conciles ont determiné choses contraires aux autres, & ce par faute de s'estre totalement arrestés, comme ils deuoyent, aux S. Escritures. Et de fait, ceux qui sont verſés en la lecture de tels escrits & Conciles, ſcauent, que comme routes les fois, qu'aux differens de la Religion on a decide & iugé par les saintes Escritures,

les

les resolutions ont esté tresvrayes, & tresutiles à l'Eglise : Au contraire, quand on a mieux aimé s'arrester à son propre sens en telles controuerses, les vns en iugeant d'une sorte, & les autres d'une autre, & bien souuét le plus grand nombre emportant le meilleur : c'est ce, qui a baillé l'entree dedans l'Eglise à une infinité d'erreurs & d'heresies. Qui est la cause, pour laquelle nous ne nous pouuons departir de nostre response : assauoir, que l'autorité de la decision de nos differens, demeure totalemēt du costé des sainctes Escritures.

Et quant aux interpretations differentes, que les Docteurs, auxquels nous auons maintenant affaire, & nous, pourrions bailler d'une mesme sentence desdites Escritures, nous estimons estre du tout raisonnable, que celle là soit tenue pour la plus vraye, qui sera la mieux accompagnée d'autres sentences desdites Escritures, parlantes de la mesme matiere, & de laquelle on ne pourra tirer en consequence aucune absurdité, contraire aux articles de la foy Chrestienne, comme nous le leur auons desia cy deuant fait entendre. Si donc on veut conferer avec nous en public, & deuant tous ceux qui y voudront assister, sous ce qui est porté par nostre presente response, laquelle est conforme à toutes celles qu'auons faites cy deuāt, nous sommes prests de le faire, avec l'esperance qu'auons de l'assistance de Dieu.

C'est donc icy la response au susdit escrit, que porta le mesme gentilhomme, qui nous l'auoit apporté, & depuis laquelle on n'a plus ouy parler de conference, ains que chascun feroit bien, de s'en retourner chez soy. Et Madame au jour suiuant nous dit: que comme Messieurs les Princes luy dirent, apres auoir receu cest escrit, q̄ les Ministres ne donnoyent tous iours qu'une mesme response, elle leur auoit respõdu: qu'il falloit donc bien, qu'on leur eust tousiours fait vne mesme demande. Ce que nous luy dismes estre du tout veritable.

Or ie puis dire avec assurance, que si madite Dame estoit desia bien ferme & resoluë en sa creance, deuant ceste cõference (comme elle protesta dès l'entree d'icelle, de n'en auoir aucune doute) elle n'a point cessé depuis de faire entendre, tant aux susdits Princes, qu'à tous ceux avec lesquels elle en est entree en propos, & auxquels elle en a escrit, qu'elle se sentoit de plus en plus cõfermee en sadite creance, contre laquelle elle n'auoit rien ouy mettre en auant des S. Escritures. Et non seulement en a redõ de bons & authentiques tesmoignages, mais a mesmes declaré le desir qu'elle a, que toutes les Eglises reformees en soyēt aduerties, à fin qu'elles prient Dieu tant plus ardemment pour sa perseuerance.

Or deuant que de finir ceste histoire, si ie veulx obeyr à mes amys, faisant estat de leur desir & iugement, ie ne puis que ie ne represente le dis-

cours

cours particulier & familier, & toutefois sérieux, que j'euy peu de iours auant mon parlement de Nancy, touchant le Sacrement de la S. Cene de nostre Seigneur Iesus Christ, avec vn honneste homme, faisant profession de la religion Romaine, lequel m'estoit venu trouuer vn soir, pour quelque affaire qu'il auoit avec moy. Ce que ie feray de tant plus libremēt, que ie le veux faire vraiment, & comme de chose qui fut ouye d'un honorable gentilhomme, & de quelques autres, qui lors se trouuerent inopinément en ma chambre, & y assistèrent depuis le commencement iusques à la fin.

Comme donc nous deuisions ensemble d'autre chose, cest honeste homme & moy, ie commençay à luy dire, que j'auoys ouy de quelques vns, qu'autrefois il auoit fait profession de nostre religion, & qu'estoys grandemēt esbahy, le voyant homme de bon entendement, modeste & posé, comment il s'estoit peu derechef replonger dans les erreurs de l'Eglise Romaine: Que c'estoit chose laquelle on ne voyoit guieres souuent aduenir. Et si ie scauoys, sur quel suiet & fondement il s'estoit destourné de la religiō reformee, ie me voudroy mettre en tout deuoir, de luy môstrer, qu'il s'estoit fait grand tort: d'autant qu'entre toutes les religions, lesquelles en ce temps se disent Chrestiennes, elle estoit la plus vraiment Chrestienne. A quoy me respondit fort modestemēt ledit personnage; qu'il ne s'en estoit point

retiré sans grâde & iuste occasion: ayant tous-
jours iugé en sa conscience, qu'au regard du S.
Sacrement de l'Eucharistie, la doctrine de l'E-
glise Romaine estoit plus veritable, & mieux
accordée avec les paroles de nostre Seigneur
Iesus Christ, que celle des Eglises qu'on appel-
loit reformees. Et de fait, dit-il, quand ie me
represente ces mots, *Hoc est enim corpus meum*,
que Iesus Christ a pronocés; & puis ce que dit
S. Paul, *Non discernens corpus Domini*: ie suis tota-
lement persuadé, que nostre creance est plus
veritable, que la vostre. Et vous assure, que
c'est la consideration de ce point de doctrine,
qui m'a ramené à l'Eglise Romaine, & qui me
retient en icelle plus que toute autre chose.

Lors ie luy dy: que bien volontiers ie deu-
feroyz familièrement avec luy de ces choses,
pourueu qu'il ne luy fust des-aggreable. Et com-
me le persónage m'eust dit, qu'il ne le pouuoit
trouuer mauuais, estât tousiours desirieux d'ap-
prendre, pourueu qu'on ne luy enseignast rien
que de bon, ie luy dy: Que de vray la mesme
question, touchant ces mots de S. Paul, *Non di-*
scernens corpus Domini: c'est à dire, ne discernant
point le corps du Seigneur: m'auoit autrefois
esté proposée par vn Prince, auquel i'auoy dit:
qu'entre les qualitez différentes des hommes,
il n'y en auoit point, qui fust plus propre pour
aider à bien comprendre l'intention de S. Paul
en ce passage, q̄ celle de Prince, voire de Prince
Souuerain, tel qu'il estoit. Et comme ledit
Prince

I. Corint. 11.

Prince disoit, ne l'auoir toutefois peu iamais autrement entendre, sinon que le pain estant transsubstantié au vray & naturel corps de nostre Seigneur Iesus Christ, nul ne le pouuoir prendre indignement, qu'il ne meritaist iustement condamnation, pour n'auoir voulu discerner ce pain, qui n'estoit plus pain, mais qui estoit le vray corps naturel de nostre Seigneur Iesus Christ, d'avec ce qu'il estoit auparauant, quand il auoit sa substance de pain.

Mais je dis audit Prince: qu'estant là question d'un Sacrement, ceste maniere de parler deuoit estre aussi entendue d'une façon Sacramentale: laquelle auoit bien grande conformité & similitude, avec ce q concerne le droit vsage, ou l'abus, qui se peut commettre en ce monde au regard des seaux, qu'ont les Princes souuerains en leur chancellerie. Et de fait premierement, que le nom de seau soit propre au Sacrement, il appert par ce, que saint Paul le *Rom. 4.* donne au Sacrement de la Circoncision, l'appellant un seau de la iustice de foy. Et quant à l'abus des seaux des Princes, ou des Sacrements du Seigneur, telle en est la conformité & similitude. C'est, que le suiet d'un Prince, qui auroit indignement abusé d'un morceau de cire commune, laquelle seroit chez quelque apothicaire, & l'auroit ietee en terre & foulée aux pieds, en seroit neantmoins quitte pour la payer: là où, s'il luy aduenoit d'user de mesme indignité & insolence à l'endroit

droict d'un petit morceau de cire, auquel seroit gravé le seau du Prince, & qui seroit attaché à quelque contract ou lettres patentes dudit Prince, il n'en seroit point quitte pour payer, mais encourroit la condamnation & le supplice, comme criminel de leze Maïesté. Et pourquoy, ie vous prie? Certes ce n'est point, pource qu'autre auroit esté la substance de la cire de l'apothicaire, & autre la substance de la cire de la Chancellerie: car aussi de vray telle est la substance de l'une, que de l'autre. Mais c'est, d'autât que la cire de la chancellerie, ayant le seau du Prince gravé sur soy, sert à un usage tout autrement solennel, que l'autre. Et pourtant celuy, qui ne discernant point ceste cire grauee de l'effigie du Prince, d'avec l'autre cire cômune, l'aura indignement traitée, sera rendu coupable de leze Maïesté humaine.

Et autant en est-il du pain de la S. Cene. Car au lieu que celuy, qui auroit usé d'indignité & insolence cõtre quelque morceau de pain, qui seroit chez un boulanger ou ailleurs (encores que ce fust tresmal fait) toutefois seroit quitte pour en payer le dommage: Au contraire, s'il vient à user indignemēt du pain, qui est distribué en la S. Cene, qui est un pain Sacramental, qui sert de seau & signe, portant sacramentalemēt la figure du corps de nostre Seigneur Iesus Christ, & qui est attaché par son ordonnance au contract de l'alliance qu'il a fait avec nous, voire à son Testament, & à la grace qu'il nous

nous a octroyee, laquelle est enregistree dedās les S. Escritures, comme cela aduient à tous infideles & impœnitens : il est certain, que pour n'auoir fait discretion & difference entre ce pain Sacramental, & le pain cōmun, ains auoir vŕe aussi indignement de cestui-cy, comme si c'eust estē de l'autre, il s'est rendu coupable de crime de leze Maieŕtē diuine, & par cōŕequent de mort & condamnation eternelle. Et de fait, la substance de ce pain du Sacremēt n'est point autre, que celle du pain commun & ordinaire : mais l'vŕage en estant ŕaint & ŕacrē, par l'institution qu'en a fait nostre Seigneur Iesus Christ, assauoir, pour estre en ce Sacrement le ŕigne ŕacrē de son corps, c'est ce qui apporte la iuste cause de condamnation à ceux, qui indifŕe-
rement en abusent.

Voire mais (dit cest honnestē homme) comment est ce, que pain demeureroit rousiours pain quant à sa substance, veu que Iesus Christ, parlāt d'iceluy, a dit, qu'il est son corps ? N'est-il pas raisonnable, que nous facions cest honneur à nostre Seigneur Iesus Christ, q̄ de croire à sa parole, & que ce qu'il a dit est du tout veritable ? A quoy ie luy respondy : Que quand Iesus Christ dit du pain, Cecy est mon corps, ceste parole est tellement veritable, que ce n'est que toute pure veritē. Et pourtant aussi nous la croyons, la cōfessons, & l'enseignons, ne doutans nullement que ce pain, selon & ainsi que l'a dit nostre Seigneur Iesus Christ, ne soit le corps d'iceluy.

Lors

Lors (dit ce bon personnage) si vous croyiez cela, vous auriez donc vne melme creance que nous. Il ne s'enfuit pas, luy dy-ie. Car quand vous dites, que vous croyez la verité de ces paroles, *Cecy est mon corps*, vous vous persuadez, que ce pain est substantiellement le corps de Iesus Christ, & ce par la vertu de la Transsubstantiation : suiuañt laquelle vous croyez, qu'apres que ces cinq paroles, *Hoc est enim corpus meum*, ont esté pronôcees sur le pain par le Prestre, (ainsi que parlent vos Docteurs) il ne demeure plus pain, ains la substance est changée en la substance du corps naturel de nostre Seigneur Iesus Christ : Nous au cōtraire croyons, que cōme nostre Seigneur Iesus Christ a prononcé ces paroles, *Cecy est mon corps*, en instituant vn Sacremēt, ainsi sont eiles vrayes Sacramentalemeñt : c'est à dire, d'vne verité bien accordante à la nature des Sacrements, & bien conuenable à icelle. Or est l'ordinaire de tous les Sacremēs, selon que nous enseigne le S. Esprit dedans les S. Escritures, que les signes d'iceux sont appelez du nom des choses, lesquelles ils signifient : nō pource que les signes soyent deuenus substantiellemēt les choses mesmes, lesquelles ils signifient, mais d'autant qu'ils sont ces choses là Sacramentalemeñt, c'est à dire, d'vne sacramentale signification. Et suiuant cela, tout ainsi que iadis la circoncision a esté dite par le saint Esprit estre l'alliance de Dieu, laquelle toutefois n'en estoit que le signe :

*Gen. 17. vers.
10. & 11.*

gne: & comme l'agneau a esté appelé Pasque, *Exod. 12.*
 c'est à dire, le Passage, qui toutefois n'en estoit *vers. 11.*
 que le signe: côme la pierre, de l'eau de laquelle *1. Cor. 10.*
 le furent abreuveez les Israélites, a esté dite e-
 stre le Christ, qui toutefois n'en estoit que le si-
 gne: & comme la coupe, c'est à dire, le vin qui *Luc. 22.*
 est dedans, est dit estre par le Christ mesme le
 nouveau Testament en son sang, qui toutefois
 nien est que le signe: Aussi ce pain est dit par
 nostre Seigneur Iesus Christ, estre son corps en
 ce Sacremēt, combien qu'il ne soit que le signe
 Sacramental d'iceluy. Aussi S. Augustin dit sou- *August. li. 3.*
 uvent: qu'aux Sacrements les signes ont les *sur le Lemis.*
 noms des choses lesquelles ils signifient, à cau- *de epist. 23.*
 se de la similitude qui est entre eux & icelles.
 Et comme ie m'apperceuoy, que ce bon per-
 sonnage n'abhorroit point ce discours, ains y
 prestoit l'aureille assez attentive, en reprenant
 encores de plus haut la doctrine des Sacremēs,
 ie luy dy: qu'il estoit impossible de bien com-
 prendre la verité de ce S. Sacrement de l'E-
 ucharistie, si premierement on n'estoit bien ad-
 uerty, qu'il n'y a aucun Sacrement, ni en l'an-
 cien, ni au nouveau Testament, qui ne soit
 composé de deux choses, assauoir, de quelque
 signe, & de quelque chose signifiée par iceluy:
 ou (comme a dit l'ancien Docteur Irénée E- *Irénée li. 4.*
 uelque de Lyon) de quelque chose terrestre, *contre les*
 & de quelque chose celeste. Dauantage, que, *haer. ch. 4.*
 comme les choses composées ne sont plus ce
 qu'elles estoient, quand on leur oste quelcu-
 ne des parties, desquelles elles sont com-

posees: ainsi tout aussi tost qu'on oste à vn Sacrement quelcune des parties dont il est composé, il n'est plus Sacrement. Comme donc l'homme est vn animal tellement composé de corps & d'ame, que s'il n'y a qu'une ame sans corps, ce n'est point vn homme, ains seulement vn esprit, & s'il n'y a qu'un corps sans ame, ce n'est point vn homme, mais seulement vne charongne: ainsi vn Sacrement estant composé de quelque signe, & de quelque chose signifiée, si vous en ostez le signe, & que la chose signifiée demeure seule, ou si vous ostez la chose signifiée, & que le signe demetre seul, ce n'est plus vn vray Sacrement. Et pour exemple, au Sacrement du Baptisme, qui a l'eau pour son signe, & le sang de nostre Seigneur Iesus Christ pour sa chose signifiée, si on ostoit l'eau, & qu'il n'y demeurast que le sang de Christ, ou si on ostoit le sang de Christ, & qu'il n'y demeurast que l'eau, c'est chose bien certaine, que ce ne seroit plus le Sacrement du Baptisme. Et autant en est-il du Sacrement de la S. Cene, auquel le pain & le vin sont les signes, & le corps & le sang de Iesus Christ sont les choses signifiées. Car si on oste le corps & le sang de nostre Seigneur Iesus Christ, & qu'il n'y demeure que le pain & le vin, ou si on oste le pain & le vin, & qu'il ne demeure que le corps & le sang de nostre Seigneur Iesus Christ, sans doute ce ne sera plus le Sacrement de la S. Cene. Et pourtant cela vous doit bien faire penser à ce faux mystere de la trans-

transsubstantiation, par lequel on a iusques icy aveuglé les yeux des entendemens de tant de personnes. Car premierement, iceluy estant fondé par vos Docteurs sur la vertu de cinq paroles, pronôcees par le Prestre, qui sont, *Hoc est enim corpus meum*, l'effect n'en peut nullement estre vray: d'autant que ces cinq paroles n'ont jamais esté prononcees par nostre Seigneur Iesus Christ, ni selon le recit qu'en fait S. Paul, ni selon le recit qu'en font les Euâgelistes, ains seulement les quatre, assauoir, *Hoc est corpus meum*. Et y a bien apparéce, que ceste particule, *Enim*, a esté pareux adioustee à la façon des Payens: qui estimoyent, que le nombre imper, comme de cinq paroles, estoit plus agreable à Dieu, que le nombre per, comme est celuy de quatre. Ce que ie vous prie de remarquer en passant, à fin que doreseuuant ne disiez plus, *Hoc est enim corpus meum*, selon l'erreur commun: mais seulement, *Hoc est corpus meum*, selon la verité.

Dauantage, si ceste transsubstantiation fait ce qu'ils vous font à croire, c'est à dire, si elle abolist tellement la substâce du pain, qu'il n'est plus pain, mais est la mesme chair naturelle de nostre Seigneur Iesus Christ: il est tout euidét, que par ce moyen elle abolit l'vne des parties, constituantes le Sacrement de la S. Cene, assauoir le signe du pain: & par cōsequent fait, que ce Sacrement n'est plus vray Sacrement, puis que son signe luy estant osté, il ne luy reste plus que la chose signifiée.

Sachez aussi, que ceste Transsubstantiation
 s'estant fait recevoir en l'Eglise, y a introduit
 avec soy plusieurs autres absurdités si grossie-
 res, que c'est merueilles, comme on debat en-
 cores en ce téps pour la maintenir, apres qu'el-
 les ont esté si clairement descouvertes. Car si
 ainsi est, que ces paroles Sacramentales ayant
 esté prononcées par nostre S. Iesus Christ, ce
 pain deuant que d'auoir esté mangé a esté tran-
 substantié & changé au corps naturel d'iceluy,
 de là donques il s'ensuit, que lors que les Apo-
 stres l'ont mangé, ils ont mangé son corps na-
 turel avec leurs dents, & que Iesus Christ a eu
 autant de corps naturels, comme il a distribué
 de morceaux de pain rompu à ses Apostres : q
 sont des absurdités par trop lourdes. Et neant-
 moins il s'en ensuit d'autres, lesquelles sont
 encore plus pernicieuses. Qu'ainsi soit, si les
 Apostres ont lors mangé le corps naturel de
 nostre Seigneur Iesus Christ, quand ils ont man-
 gé le pain qu'il leur a distribué, avec quel corps
 est-ce que Iesus Christ leur a puis apres distri-
 bué la coupe ? avec quel corps a-il chanté avec
 eux le Cantique, & s'est transporté en la mon-
 tagne des oliuiers ? en quel corps a-il esté pris,
 fouetté, craché, buffeté, & finalement crucifié
 & mis à mort ? Car si son corps naturel, lequel
 il auoit tiré du ventre de la vierge Marie, auoit
 esté reellemét & charnellemét mangé à belles
 dents par les Apostres, à cause de ceste trans-
 substantiation ; il faut necessairemét, que soit
 le reste

Le reste ne se soit fait qu'en quelque fantosme : ou que (côme disent quelques vns trop lourdement subtils) il se soit formé vn vray corps humain tout de nouueau, par la toute-puissance diuine, pour faire & souffrir en iceluy toutes ces choses. Mais quoy ? si ceste response estoit vne fois receuë pour veritable, il faudroit tomber par icelle en vne autre absurdité, plus contraire à la foy Chrestienne, & pire que toutes les precedées : assauoir, que le corps humain, auquel le Christ auroit souffert & enduré toutes ces choses, ne seroit donc pas celuy, que Dieu nous auroit promis en sa parole, & auquel il les deuoit souffrir pour nostre redemption : ains que s'en seroit vn tout autre, & que donc par seconde consequence nous ne pourrions pas, selon les promesses de Dieu, fonder sur la mort d'iceluy l'esperance de nostre vie. Car ce corps, lequel il se feroit formé de rien par la toute-puissance diuine, apres q son corps naturel auroit esté reellement & charnellement mangé en la S. Cene par les Apostres, ne seroit nullement ceste semence de la femme, promise *Genes. 3.* à Adam, laquelle pour nostre salut deuoit, en brisant la teste du serpent, auoir le talon froissé par iceluy. Il ne seroit nullement la semence promise à Abraham, en laquelle deuoyé- *Gen. 22.* tre benites toutes les nations de la terre. Il ne seroit point le fils promis à Dauid, qui deuoit *2. Sam. 7.* regner sur son peuple à perpetuité. Bref, il ne seroit point le fils de la vierge Marie : & pour

rant en ses passions & souffrances il ne seroit point ce Sauueur, qui nous auoit esté promis.

Vous voyez donc, à quelles & combien de absurdités sont amenés tous ceux, qui reçoient la Transubstantiation, selon laquelle ils veulent, qu'on mange la chair naturelle de nostre Seigneur Iesus Christ avec les dents, comme on feroit quelque autre sorte de chair & de viande, alors qu'on participe au Sacrement de la S. Cene : & pour donner fondement à cest erreur, maintiennent, que cela a esté fait dès la premiere Cene.

Aussi n'a-ce iamais esté l'intention de nostre Seigneur Iesus Christ, de se faire manger avec les dents par les hommes. Et de fait, on le peut aisement appercevoir parce, qu'il enseigne au *Jeh. 6.* 6. de S. Iehan, touchant sa chair, & touchant la manducation d'icelle. Car apres qu'il a dit, que sa chair est vraiment viande, & que qui ne mangera sa chair n'aura point de vie, voyez les Capernaïtes, qui trouuent ceste parole fort dure, comme aussi elle l'estoit selon son apparence, & pourtant ils font ceste question : Et comment nous pourroit cestuy-cy donner sa chair à manger ? Mais que leur respond Iesus Christ ? Dit-il, qu'ils aiguïssent leurs dents, qu'ils ouvrent leur bouche, & preparent leur estomach, pour manger, aualer, & digerer sa chair, comme ils feroient quelques autres viandes. Rien moins. Ains il leur dit : que la chair ne profite de rien (voire à la manger ainsi qu'ils l'auoient imagi-

imaginé) mais que c'est l'esprit qui viuisie, & que les paroles qu'il leur auoit dites estoient esprit & vie: c'est à dire (comme S. Augustin l'a exposé escriuant sur ce mesme passage) deuoient estre spirituellement entendues.

*Aug. sur le
6. de S. Ieh.*

Et ne faut point que nous pensions, que la doctrine, qui est enseignée par nostre Seigneur Iesus Christ en ce 6. de S. Iehan, touchant la manducation de sa chair, soit autre que celle, qu'il a puis après enseignée au 26. de S. Matthieu, touchant la manducation de son corps. Car aussi de vray ce n'est qu'une mesme doctrine: & ne s'y peut ni doit remarquer autre différence, sinon, qu'au lieu que nostre Seigneur Iesus Christ au 6. de S. Iehan a enseigné aux fideles, comment on pouoit manger sa chair sans Sacrement, & sans auoir aucun signe extérieur d'icelle, assauoir en croyant seulement à sa parole: quand puis après il a institué le Sacrement de la S. Cene au 26. de S. Matthieu, il n'a rien changé en la doctrine, ni en la vérité de la manducation de sa chair, mais y a seulement adouffé le signe extérieur, pour en faire vn Sacrement, qui rendist l'instruction tant plus familière au regard du fruit, qui reuenoit aux fideles de la manducation de sa chair, par la belle correspondance, qu'il y auoit entre les signes qu'il ordonnoit en ce Sacrement, & les choses significées par iceux. Et de fait, c'estoit pour leur appréhendre, que tout ainsi que nos corps en mangeant corporellement du pain & beuuant

du vin, tirent d'iceux leur vie corporelle: ainsi nos ames ou esprits mangeans & beuvans spirituellement le corps & le sang de Iesus Christ, tirent d'iceux leur vie spirituelle & eternelle.

Marquez donc, ie vous prie, (luy disoyez) que le pain demeure tousiours pain, deuant & apres la consecration: comme S. Paul l'a monstre bien manifestement, quand il a dit en l'onzieme de sa premiere aux Corinthiens: que qui mange indignement de ce pain, il prend sa condamnation: Car il l'appelle encores pain, quand il se mange: & la verité est, qu'il ne se mangeoit point, qu'apres la consecration.

1. Cor. 11. 27.

2. Cor. 11. 27.

Vous sçavez aussi, qu'il est ordinairement parlé de la fraction du pain. Ce qui ne seroit pas bien dit, si le pain n'estoit plus pain apres la cōsecration, ains estoit transsubstantié au corps naturel de nostre Seigneur Iesus Christ. Mais il faudroit dire, la fraction du corps: d'autant que ceste fraction ne se faisoit qu'apres la benediction ou consecration, à l'exemple de nostre Seigneur Iesus Christ, duquel il est dit, qu'il prist du pain, rendit grâces, ou le benist & le rompit. Car ceste action de grâces ou benediction, precedente la fraction ou rupture de ce pain, estoit la vraye consecration d'ice luy.

Or alors ce bon personnage oyant ces choses, disoit: que cela le rendoit tout peulx, & neanmoins qu'il en reuenoit tousiours là, de mieux aimer, avec toute l'antiquité des bons Peres & Docteurs de l'Eglise croire, qu'en ce

pro-

propos de nostre Seigneur Iesus Christ, *Hoc est*
corpus meum, ce verbe, *Est*, deuoit estre entendu
 & interpreté substantiellement, comme estant
 la substance de ce pain changée en la substance
 naturelle du corps de nostre Seigneur Iesus
 Christ, pour estre mangé, voire de la bouche
 corporelle & avec les dents: que de croire avec
 nous, ce verbe, *Est*, deuoit estre interpreté par
 ces mots, *figure, signifie, represente*: comme si Iesus
 Christ auoit voulu dire, que ce pain, ainsi con-
 sacré, estoit seulement le signe, la figure, & la
 representation de son corps. Et ie scay (me di-
 soit-il) qu'en vostre conference Monsieur le
 Docteur Comelet, fit mention de la de telles
 interpretations, deuant que vous les eussiez
 admises, se doubant bien, que ne faudriez de
 les mettre, en auant, si veniez à parler de ces
 choses, & dès lors les reiettoit & condamnoit
 comme nouvelles, & forées en ces derniers
 temps par ceux, qui se sont retirés arriere de
 nostre S. Eglise.
 liu. Alors ie luy dy, que i'estoy tres-aise, q nous
 en fussions venus iusques là à fin de luy faire
 connoistre vne partie de ce, que l'auoy prepa-
 ré pour ledit Docteur Commelet, si on fust en-
 tre en conference de ce point. Ie vous prie
 donc (luy dy ie) de vous souuenir des senten-
 ces des S. Escritures, que ie vous ay tantost al-
 leguées en fait de Sacremens, tant du vieil, que
 du nouveau Testament: esquelles vous auez
 veu, que le Saint Esprit, vsant d'une façon

de parler figuree & bien cōuenable aux Sacre-
ments, dit, les signes estre les choses mesmes,
lesquelles seulement ils signifient. Car c'est
toufiours dedans les S. Escritures, qu'il faut
prendre tous les fondemens de nostre crea-
ce : & cela fera, que ne vous l'airrez si aisément
tromper, quand on vous alleguera des senten-
ces de plusieurs anciens Peres, esquelles, au re-
gard du pain de la S. Cene, il est parlé de con-
uersion, mutation, & transelementation : com-
me si par telles manieres de parler, & autres
semblables, ils auoyēt voulu enseigner la trās-
substantiation : c'est à dire, que la substance du
pain, auroit esté changee en la substance du
corps naturel de nostre Seigneur Iesus Christ.
Car tout ce changement, qu'ils ont voulu si-
gnifier par telles paroles, ne doit estre rappor-
té qu'à l'usage de ce pain.

Aussi n'est-ce pas vn petit changemēt, quād
d'element, que ce pain estoit, il est fait Sacre-
ment, par la parole & ordonnance de nostre
Seigneur Iesus Christ, comme dit S. Augustin
quand de pain commun, il est fait pain sacré :
quād de pain, qui ne nous seruoit qu'à l'entre-
tien de la vie corporelle, estant fait en ce Sacre-
ment le signe du corps de nostre Seigneur Ie-
sus Christ, il sert à nous asseurer, que de la par-
ticipation vraye & spirituelle, que nous auons
par foy, de ce vray corps de Iesus Christ, signi-
fié par ce pain, nous tirōs nostre vie eternelle.

Et pourtant aussi sçachez, que quand vos

Do-

Docteurs disent de nous, q'enseignons, qu'aux paroles de Iesus Christ, esquelles il est fait mention de son corps, & de la manducation d'iceluy, il y a vne maniere de parler figuree, & qu'il faut interpreter ce verbe *Est*, par ces autres verbes, *figure, signifie, & represente*, que nous mettôs en auant des interpretations toutes nouuelles, & totalement contraires à ce qu'ont enseigné les Peres de l'Eglise primitiue : sçachez (disoy-ie) que quâd vos Docteurs vous disent telles choses, ils monstrent, ou qu'ils n'ont iamais mis le pés dans les escrits de ces anciens Peres, lesquels en vne infinité d'endroiets on trouuent le cōtraire de ce qu'ils vous disent: ou qu'ils se disent, par cautele, assauoir, pour entretenir cest erreur, entretenir quant & quant, & conseruer pour eux les grands biens & reuenus, qui sont fondés sur iceluy. Qu'ainsi soit, je vous prie que respondront-ils à S. Augustin, qui dit: que quand il y a es S. Escritures quelque maniere de parler, laquelle semble nous commander de commettre quelque forfait, lors nous deuons croire, qu'une telle maniere de parler est *FIGURÉE*: & allegue aussi tost pour exemple: Comme (dit-il) quand Iesus Christ nous cōmande, de manger sa chair?

Après, quand ils vous disent, que les anciens n'ont point dit, que le pain fust le signe, la figure, ou la représentation, ou que le pain figurast, signifiait, & representast le corps de nostre Seigneur Iesus Christ; mais qu'ayans inuenté

*Aug. li. 3. de
la doctrine
Chrest. c. 16.*

2. d. Marc.

chap. 16.

Aug. contre
Adimantus
chap. 12.Tertull. li. 4.
contre Marc
cion,Aug. sur le
Psalm. 3.Ambroise
li. 4. des Sa-
cremens c. 5.

toutes ces interpretations, nous les courrons
du titre des Peres : comment eschapperont-ils
la condamnation de ceste calomnie, quand
nous leur produirons S. Augustin, qui dit Que
Iesus Christ n'a pas fait difficulté de dire, Ceci
est mon corps, quand il donnoit le S. G. de
son corps? Et Tertullien, l'un des plus anciens
Docteurs de l'Eglise, ne dit-il pas : que le Christ
a fait le pain, qu'il auoit pris & distribué à ses
disciples, estre son corps, en disant, Ceci est
mon corps : c'est à dire, la FIGURE de mon corps?
Et S. Augustin, qui dit : que le Seigneur a admis
Judas au banquet, auquel il a recommandé &
donné à ses disciples, la FIGURE de son corps
& de son sang? Et S. Ambroise (des mots de
quel on use encores en la Messe en sens tout
contraire) dit de ce pain & de ce vin : que c'est
la FIGURE du corps & du sang de nostre Sei-
gneur Iesus Christ. Mais plusieurs estoient
Et quant à ce qu'ils abhorrent aussi le mot
de Représenter, ou Représentation, en l'exposition
du verbe Est, duquel avse nostre Seigneur Iesus
Christ en disant du pain, Ceci est mon corps :
& qu'ils disent, que l'antiquité n'en a point eue :
comment ne s'en souviennent-ils point, s'ils
l'ont leu? & s'ils ne l'ont point leu, comment
ont ils esté si negligens en leur étude Theolo-
gique? Ou comment en ceste negligence osent
ils bien affermer, voire preschans en public,
que telles interpretations ne se trouuent point
dans les escrits des Peres?

Ter-

21 Tertullien, parlant de nostre Seigneur Iesus Christ contre cest heretique Marcion, dit: que Iesus Christ s'est seruy du pain, par lequel il REPRESENTE son propre corps. Et S. Ierosme, exposant l'institution de la S. Cene de nostre Seigneur Iesus Christ, selon qu'elle est enregistree au 26. de S. Matthieu, dit: que Iesus Christ a pris du pain, qui conforte le cœur de l'homme, à fin que, comme Melchisedech, le Souuerain Sacrificateur de Dieu, l'auoit fait en sa prefiguration, luy aussi REPRESENTAST ainsi la verité de son corps.

22 Vous voyez donc (luy disoy-ie) quelle raison auoit dernièrement Monsieur Commeler, de dire deuant ceste tant notable assemblée: que quand on viendroît à l'interpretation de ceste sentence, *Hoc est corpus meum*, nous voudriôs payer d'un figurat, significat, representat: comme si c'eust esté quelque fausse monnoye, que nous eussions forgee en ces derniers temps, & preparée pour en faire vn faux paiement. Et voyez par mesme moyen, si l'en raison de luy respondre: que j'esperoy bien, quand on viendroît à l'interpretation de ceste sentence, de luy faire cognoistre, & à toute la compagnie, que l'exposition, que nous en donnions, se trouueroit bien fondée es S. Escritures, & du tout conforme à celle, qu'en auoyent donné les anciens Peres.

23 Aussi la conscience l'a bien gardé, d'y vouloir entrer à bon escient. Car estant docte, comme

Tertull. li. 1.
contre Marcion.

Ierosme sur
le 26. de S.
Matthieu.

S. Ierosme
sur le 26. de S.
Matthieu.

me

me on le tient pour tel, & plus versé en la lecture des Peres, que du Pere, il est impossible qu'il ignore ce, que ie vous ay maintenant si clairement prouué : assauoir, que ces verbes, *signifier, figurer, & représenter*, sont si propres pour donner en ce mystere la vraye interpretation de ce verbe *Est*, que c'est d'iceux, que se sont seruis pour ce faire les plus doctes & plus anciens Docteurs de l'Eglise. Et certes, puis que ie voy que ce discours familier, qu'aüons icy entre nous, ne vous est point des-aggreable, passant oultre, ie vous diray d'abondant : que c'est aussi par defect de science ou de conscience, que vos Docteurs nous condamnent, quand nous enseignons, que ce n'est point corporellement, mais spirituellement, que ce n'est point avec les dents, mais avec la foy, qu'on participe au vray corps de nostre Seigneur Iesus Christ en ce S. Sacrement de la Cene ? & disent, que cela est contre toute verité, & contre tout ce qu'en a enseigné l'antiquité.

Ieh. 6. Car de faict, outre ce que nostre Seigneur Iesus Christ au 6. de S. Iehan a dit, que les paroles qu'il auoit dites, touchant la manducation de sa chair, estoient esprit & vie : c'est à dire, deuoyent estre spirituellement entendues & pratiquées, comme ie vous le disoy tantost, & ce qui est aussi en ce regard le fondement de nostre creance, voila S. Chrysostome, qui dit : quo ceux, qui entendent charnellement ces mots de manger la chair de Christ, n'en auront aucun

*Chrysost. sur
S. Ieh. Hom
46.*

aucun profit, & pourtant qu'il les faut entendre spirituellement. Et voicy ce que S. Cyprien en auoit dit deuant luy : Quelques vns, dit-il, ne croyans & n'entendâs les paroles de nostre Seigneur Iesus Christ, rouchant la manducation de sa chair, se retirerēt de luy. Car il leur sembloit bien, que c'estoit vn horrible forfait, de se paistre ainsi de chair humaine : comme si Iesus Christ leur eust voulu enseigner, à manger sa chair par pieces & morceaux, bouillie ou rostie. Mais le maistre a bien exposé ses paroles, disant, qu'elles estoÿēt esprit & vie, icelles ne pouuans estre entendues par les sens charnels, mais par la foy.

*Cyprien au
sermon de la
Cene.*

Et de vray, comme Iesus Christ en nous donnant sa chair à manger, n'a pas esgard à remplir & nourrir nos ventres, mais nos ames, & nos entendements : Aussi pour ceste occasion (disoit le mesme S. Cyprien, au mesme sermō) que quand nous venons à communiquer à la S. Cene de nostre Seigneur Iesus Christ, nous n'aiguïsons pas nos dents pour mordre, mais avec vne foy sincere nous rompons & partifions entre nous ce saint pain. Aussi S. Augustin, s'adressant à celuy qui vient pour participer à la S. Cene du Seigneur, luy dit ainsi : Pourquoy apprestes-tu tes dents, & ton ventre ? Crois, & tu l'as mangé.

*De consecr.
dist. 2.*

Mais ie ne veux oublier, de vous représenter le passage le plus notable, que nous lisons dedans S. Augustin, sur ceste matiere, quand il in-

*Aug. sur le
Psal. 98.*

610-

roduit Iesus Christ parlant ainsi à ses disciples, pour leur faire bien comprendre son intention en ce mandement qu'il leur donne, de prendre & manger ce pain, duquel il leur a dit, Ceci est mon corps: Vous ne mangerez point (dit-il) ce mien corps que vous voyez, & ne boirez point mon sang que respandront ceux qui me crucifieront: c'est icy vn Sacrement, que ie vous ay re commandé, lequel estant par vous spirituellement entendu, vous viuifiera.

Que si ces sentences ne vous fussent, vint cent d'autres semblables ne seruiroyét de rien dauantage, pour vous faire cognoistre, comment en l'intelligence & pratique de ces paroles de nostre Seigneur Iesus Christ, Ceci est mon corps, & en la celebration & participation de ce S. Sacrement de l'Eucharistie, nous auons de nostre costé: premierement, la parole de Dieu, Iesus Christ ayant exposé de sa propre bouche, ce qu'il y auoit d'obscur aux paroles qu'il auoit dites, touchant la manducation de sa chair: & puis apres, nous auons les plus anciens, & plus doctes Peres de l'Eglise primitive: & en somme, nous auons de nostre costé, au regard de ce point de doctrine, vne verité si manifeste, que qui ne la voit, voire ne l'appërçoit, semble vouloir de propos delibéré fermer les yeux, tant de son corps, que de son entendement, pour ne point voir la lumiere, & prendre plaisir à se tromper soy mesme, en approuuant & pratiquant contre toute
vraye

vraye science & bonne conscience, ce que la superstition, accôpagnée d'ignorance, a introduictes derniers temps pour abuser le monde.

Or, puis que ceste soiree est à nous, que nul ne nous empesche, & que ie voy, que n'estes point marry que ie poursuyue à vous esclarcir ceste matiere, ie vous veux aduertir: qu'encores que les Messes priuees, qu'on dit tous les iours en l'Eglise Romaine, soyent fort eslongnees de la celebration de la S. Cene, qu'a instituee nostre Seigneur Iesus Christ: si est-ce toutefois, que quelques mots de l'ancienne lyurgie Latine sont demeurés en icelles: & oultre cela, quelques obseruations aux Messes parrochiales des dimanches: lesquelles resmoignent pour nous, contre la dite Eglise Romaine, qui vse de routes ces choses contre leur vraye signification & droit vsage, par la plus lourde ignorance qu'on puisse imaginer.

Car premierement aux dites Messes priuees: il y a vn endroit, qui s'appelle, *Communio*, c'est à dire, communion, ou communication: pource que lors les fideles, qui estoient en l'assemblee, communioient à la S. Cene: & neantmoins il ne se fait eldites Messes aucune distribution, ains le seul Prestre prenant tout pour soy, n'en fait part, & n'en communique rien à aucun des assistans: qui est vn mystere totalement ridicule, & auquel ce prestre monstre bien, que sans aucune honte il se moque de tous ceux, qu'il a inuités à ce banquet.

Il ya

Il y a aussi vn autre endroiſt, qu'ils appellent *Postcommunia*: qui est vne forme de remerciement & action de graces, qui se rédoit à Dieu, par ceux qui lors auoyent communiqué à la S. Cene de nostre Seigneur Iesus Christ. Et ceux cy font ce mesme remercyement, se disans & recognoissans auoir communiqué au S. Sacrement avec le prestre: auxquels neantmoins le Prestre n'en a fait aucune communication. Et est chose estrange, que le mode soit tant auenglé par la superstition, que non seulement ils assistent volontiers, & avec vne extreme affection, à vn banquet, auquel celuy, qui les a appellés, voire au son de la cloche, à fin qu'ils le peussent ouyr de plus loin, mange seul tout ce qui y est appresté, & n'en fait part quelconque à ceux, qu'il a inuités: Mais, qui plus est, le banquet estant finy, ceste superstition a encores telle puissance sur eux, qu'elle leur fait faire le remerciement, comme ayans bien banqueté avec le Prestre, encores qu'ils n'ayent ni beu ni mangé avecques luy. Car aussi vous sçauiez, qu'il y a vn tel changement entre l'institution de ce banquet, fait par nostre Seigneur Iesus Christ, & ce qui s'en obserue en l'Eglise Romaine, que vos Prestres, au lieu de vous distribuer ce, que Iesus Christ leur a commandé de vous distribuer, ils l'esleuent, & le vous montrent seulement: qui est vne ordonnance du Pape Honorius, faite il n'y a pas quatre cents ans: & au lieu de le vous faire manger & boire, comme

comme Iesus Christ l'a commandé, ils le vous font adorer, avec vne impieté du tout intolérable, selon laquelle la creature aura formé son createur: & ceste creature excellente, qui est l'homme, se persuadant qu'il a formé son Dieu & createur, vient à l'adorer, & en iceluy l'ouillage de ses mains. Je vous prie donc, de bien remarquer ces choses.

Mais il y a dauantage. Car en vos Messes parochiales des Dimanches, ce qu'on appelle le pain benit, & la rupture & distribution qui se fait d'iceluy à tout le peuple, & tant aux Ecclesiastiques là alsistans, que aux laics, tant aux masles, qu'aux femelles (combien que cela ne se face en forme bien decente, & telle qu'il appartient) tant y a, que c'est encores vn reste, qui resmoigne, que les anciens pasteurs & conducteurs de l'Eglise auoyent accoustumé de celebrer & administrer le S. Sacrement de la Cene avec le peuple, prenans, benissans, rompans, & distribuans le pain à vn chascun d'iceux: qui estoit vne moitié restante de l'institution faite par nostre Seigneur Iesus Christ, laquelle eust esté entiere, s'ils eussent aussi bien distribué la coupe. Et de ce ie vous ay bien voulu aduertir, à fin qu'y pensiez, comme à chose du tout veritable.

Aussi y a-il eu vn certain Docteur de l'Eglise Romaine, qui ayant cognu ce qui estoit de l'antiquité, n'a point fait de difficulté d'escrire librement, il y a enuiron trois cents ans: Que

*Durand en
son Ration-
naire. offic.
liv. 4.*

les fideles, qui esloyent en l'assemblée Ecclesiastique, auoyent accoustumé de communiquer tous les iours avec le prestre au corps & au sang de nostre Seigneur Iesus Christ: mais que aujourd'huy, le prestre seul mange toutes les parties de l'hostie. Et vn autre escrit: Que l'usage de l'Eglise au commencement estoit tel, que tous ceux, qui s'assembloyent en l'Eglise, communiquoyent au Sacrement: puis quand ils s'apperçurent, qu'à cause de la trop grande multitude cela ne se pouuoit pas faire commodément, ils ordonnerent, qu'on ne communiqueroit que les iours de dimanche: & finalement, voyans que cela n'estoit point encores deuotieusement obserué les dimanches, ils firent ceste ordonnance, assauoir que, selon ce qui est escrit Exod. 23. ils eussent à communiquer trois fois l'an: l'vne à Pasque, l'autre à la Pêtecoste, & la troisième, au lieu de la feste des tabernacles, en la natiuité de nostre Seigneur Iesus Christ. Vous voyez donc, que contre l'institution de nostre Seigneur Iesus Christ, selon laquelle on deuoit faire au peuple distribution du pain & du vin, & contre l'ancien usage de l'Eglise, le prestre seul mange tout, & boit tout en la Messe, & tous les assistants n'en ont rien que la veüe.

Or encores faut-il que ie vous die, qu'en routes vos Messes, petites & grandes, hautes & basses, seiches & humides, priuees & publiques, ou parochiales, quand se vient à l'elevation

tion de l'hostie, laquelle vos prestres ont consacree, & a l'endroit mesmes, auquel ils font mention de la communion, sans aucun effect d'icelle, ils ont accoustume de dire ces mots : *Sursum corda* : qui signifie en François, *Les cœurs en haut*. Ce qui ne vient d'ailleurs, que de ce qui se faisoit anciennement dans l'Eglise Latine : comme cela se lit en l'ep. de S. Aug. 146. à Proba : assavoir, que comme le peuple passoit pour venir à la communion de ce S. Sacrement, les prestres, c'est à dire, les anciens qui estoient là arranges, pour empescher que le peuple n'arrestast la foy & son entendement au pain, & au vin, elements corruptibles, & signes visibles, qui leur estoient distribués par leurs pasteurs, les aduertissoient, d'esleuer leurs cœurs là haut au ciel, vers nostre Seigneur Iesus Christ, qui y est assis à la dextre du Pere. Et pourtant aussi les fideles leur respondoient en ces mots, *Habemus ad Dominum* : c'est à dire, Nous les auons en haut vers nostre Seigneur IESVS CHRIST. Ce qui se dit, & respond encores aujourdhuy en vos Messes.

Que si on vouloit prendre tant peu que ce soit de peine, pour considerer ce que ces choses signifioient en l'Eglise primitive, & deuroient encores signifier en ce temps : il seroit bien aisé d'entendre par icelles, que l'antiquité n'a iamais cognu, ni creu la transubstantiation, Aussi a elle esté receüe en l'Eglise, plus de

mille ans apres la mort de nostre Seigneur Iesus Christ. Et de vray les anciens n'ont iamais enseigné à leurs peuples, que le vray & naturel corps de nostre Seigneur Iesus Christ fust icy bas en terre, en preséce corporelle & charnelle, ains qu'il estoit là haut au ciel: ayant ap-
Act. 3. pris de S. Pierre, qu'il faut que les cieux le contiennent, iusques au temps du reſtabliſſement de toutes les choses, que Dieu a prononcées par la bouche de tous ses saints Prophetes dès le commencement du monde.

Ils ſçauoyent auſſi, que, ſelon les articles de la vraye foy Chreſtienne, contenus au Symbole des Apôſtres, nous ne le deuons attendre en ceſte ſiene nature humaine pluſtoſt, que quand il viendra pour iuger les viuants & les morts. Ils n'ignoroient pas auſſi que S. Paul dit, en l'onzième de ſa première aux Corinthiens: Toutes les fois que vous mangerez de ce pain, & boirez de ceſte coupe, vous annoncerez la mort du Seigneur, iusques à ce qu'il vienne. Et de quoy ſeruiroient ces mots, *iusques à ce qu'il vienne*; ſ'il venoit ainſi en toutes Cenes en ſon corps naturel? Mais au contraire, en celebrant la S. Cene, nous nous coſolons, tandis que nous attendons ceſte venue, laquelle ne ſera qu'au iour du iugement.

Que ſi les anciens Pasteurs euſſent creu, & enseigné, auoir par la conſecration de ce pain fait deſcendre le vray & naturel corps de nostre Seigneur Iesus Christ, ſuiuant ce myſtere
 de

de la Transsubstantiation: c'eust esté vne estrange mocquerie, de renvoyer puis apres en haut les cœurs des fideles par leur, *Sursum corda*: veu qu'il eust esté bien plus à propos, & plus vtile, de leur dire: *Deorsum corda*: c'est à dire, vos cœurs en bas: puis que par telle confection & transsubstantiation ils l'eussent fait descēdre & venir icy bas, en changeant la substance du pain en la substance de son corps naturel.

20. Et cependant, quand nous maintenōs ainsi avec les S. Escritures, & avec toute l'antiquité, que le vray & naturel corps de nostre Seigneur Iesus Christ, est maintenant là haut au ciel, & qu'il n'est point icy bas en terre: on ne doit pas conclurre de là, que donc estant au ciel, nous ne croyōs pas, qu'il se communique vraiment à nous, qui sommes en la terre. Car nous croyons fermement, que Iesus Christ, selon la verité de sa parole, se communique vraiment à nous en la S. Cene: ceste sorte de communication, pour estre spirituelle, n'en estant d'ordon moins veritable. Car ce que font nos esprits spirituellement, avec l'assistance de l'Esprit de Dieu, se fait avec vne assurance trop plus ferme, & verité plus asseuree, que tout ce que nous faisons de nos sens corporels.

On ne doit point aussi nous accuser, comme pechans contre la toute-puissance de nostre Seigneur Iesus Christ, en ce que nous ne voulons point croire, qu'apres la cōsecration du pain il deuale icy bas, par la toute-puissan-

ce, pour se communiquer à nous. Car au Contraire nous honorons beaucoup plus sa toute puissance, quand ne donnans lieu à aucun erreur, contraire à la foy Chrestienne, nous croyons, que, sans bouger du ciel, il fait les âmes de ses vrayz fideles vrayement participantes de son vray corps & de son vray sang: que si nō^s croyions, qu'il ne le peust faire vrayemēt, sans estre contrainct de descendre du ciel iusques en terre. Car aussi en ceste communication il n'est point besoin du tout, qu'il descende: puis que ce sont nos cœurs, qui par la vertu de son Esprit se doiuent esleuer vers luy.

Par tout ce discours familier donc vous voyez (disoy-ie à cest honneste homme) comment est tresbien fondee nostre creance, touchant ce S. Sacrement, & nostre intelligēce & interpretation des paroles de nostre Seigneur Iesus Christ, *Hoc est corpus meum*: & comment il n'y a rien en tout ce que nous en croyōs, enseignōs, & pratiquōs en nos Eglises, qui ne soit bien accordant avec les S. Escritures, avec les articles de la foy Chrestienne, & avec ce qu'en ont enseigné les anciens Peres. Et au cōtraire vous pouuez bien apperceuoir le grand nōbre d'absurdités, qui sont conioinctes avec la creance & pratique, que vous avez entre vous, de ce S. Sacrement: & comment vos Docteurs vous font croire tout ce qu'ils veulent, tandis que ne regardez pas d'aussi près, que vous deuiēz, à ce qu'ils vous enseignent.

Or ne

ne On ne me lasseroy ie jamais de discourir a-
 ues vous ainsi doucement & familièrement,
 & en presence de ces honnestes hommes, tou-
 chant ce point de doctrine : qui retient vne
 grande partie des meilleurs & des plus simples
 de la Chrestienté, dedans les filés de la fausse
 & trompeuse superstition, par faute d'estre in-
 struits & aduertis ainsi qu'il appartient. Mais,
 comme sans y penser nous y pourrions bien
 passer la nuit toute entiere, ie ne veux plus
 toucher qu'vn seul point, duquel ie scay quil
 est du tout besoin que ie face mention. C'est,
 qu'entre les vanteries ordinaires de vos Do-
 cteurs ceste cy est bien l'vne des principales, &
 qui leur donne le plus de lustre parmy le com-
 mun populaire. Assauoir, que le consentement
 general des Docteurs de l'Eglise ancienne est
 pour eux, & que par iceluy est donnee senten-
 ce de condemnation, contre nous & nostre
 doctrine. Et comme Monsieur Commelet s'en
 fait quelquefois vanter aussi bien que les au-
 tres, c'est pourquoy ie vous veux faire cognoi-
 stre, qu'ils sont du tout despourueus & delgar-
 nis de ce consentement general des Docteurs
 de l'Eglise. Qui est ce donc qu'on appelle consentemēt
 general des Docteurs de l'Eglise? N'est-ce pas,
 quand ils approuuent & enseignent tous vne
 mesme doctrine? Or premierement, si vous
 vous souuenez de ce, que ie vous ay fort claire-
 ment expose & prouue ce cōsentemēt general,
 au regard du S. Sacrement de l'Eucharistie, ne

se trouuera point estre du costé de l'Eglise Romaine, ainsi qu'elle est à present corrompue. Car vos nouveaux Docteurs depuis quelques siecles en ça (auxquels l'ignorance & la superstition ont eu plus de vogue, que la sapience & vraye religion) ont enseigné, & fait croire à leur Eglise, tout le rebours de ce, q'en est porté par les S. Escritures, & de ce qu'en ont enseigné les plus anciens Docteurs de l'Eglise primitive.

*Au decret de
Gratian en
la dist. 2. de
la consecra-
tion.*

Et à fin que le puissiez mieux comprendre, les historiens escriuent : que le Pape Nicolas second, forçant la conscience d'un docte personnage, nommé Berengaire, Archidiacre d'Angers, luy a fait aduouër, confesser, & recognoistre, par crainte de la mort (ce qu'il veut aussi que tous autres Chrestiens croient, & confessent) que le vray & naturel corps de nostre Seigneur Iesus Christ est manié & rompu par les mains du Prestre, & mangé avec les dents. Cependant vous auez ouy les tesmoignages, non seulement opposés, mais directement contraires à tel erreur, qui sont tirés de S. Cyprien, S. Augustin, & autres : déclarés en termes bien intelligibles, & esquels n'y a aucune ambiguïté : que la chair de nostre Seigneur Iesus Christ est vne viande, laquelle ne se mâge point avec les dents, mais avec la vraye foy.

Voicy vostre Concile de Constâce, tenu l'an 1415. qui condamne, & qui pis est, qui contre la foy & le sauueconduit, donné par l'Empereur

reur

reur Sigismond la present, fait brusler Iehan Hus & Ierosme de Prague, en qualite d'heretiques, qu'ils nommerent Calixtins. Et pourquoy? Certes d'autant que selon la parole de Dieu, & l'ordonnance de derniere volonte, portee par le Testament de nostre Seigneur Iesus Christ, ils maintenoient, qu'en l'administration de la S. Cene on deuoit distribuer le calice, c'est à dire, le vin, aussi bien que le pain, à tous les fidelles qui se presentoyent. Car aussi Iesus Christ auoit dit en termes bien exprés, *Math. 26.*
en instituant la S. Cene: Que tous en beussent. *Marc. 13.*
Comme aussi les Euangelistes par tout, où ils *Luc. 22.*
font mention de la S. Cene de nostre Seigneur *1. Cor. 10.*
Iesus Christ, conioignent tousiours, l'administration du vin à celle du pain, selon l'institution de nostre Seigneur Iesus Christ. Ce qu'a fait aussi S. Paul, baillât à l'Eglise ce qu'il auoit receu du Seigneur. Et cependant vous voyez, *11.*
que c'est encores quasi par tout en l'Eglise Romaine, que les laïes sont fraudés de la participation de la coupe, lors qu'on les admet à faire leurs Pasques: sous lequel mot ils signifient entre eux, la Cene de nostre Seigneur Iesus Christ. Et qui dira, ie vous prie, nonobstât l'arrest & l'acte de ce desloyal Concile, qu'il y ait en ce la un consentement general de l'Eglise: Et non plustost vne conspiration generale, contre l'institution de nostre Seigneur Iesus Christ? Aussi s'il faut opposer Concile à Concile, voila le Concile de Basle, qui quinze ou

vingt ans apres ordonna, que les Bohemiens
communiqueroient sous les deux especes:
desquels cependant les pasteurs, pource qu'ils
auoyent maintenu cela se deuoir faire, auoyent
esté condamnés, & bruslés en effect comme
heretiques, au susdit Concile de Constance.

*Cyp. ep. 2. à
Corneille.*

Mais venons aux Peres anciens, pour voir,
si en ce fait cy l'Eglise Romaine de ce temps a
le consentement general d'iceux. Voila S. Cy-
prien, qui escriuant à Corneille, lequel pour
lors estoit Euesque de Rome, dit: Comment
enseignons nous, & prouoquons les hommes
à esandre leur sang, pour la cōfession du nom
de nostre Seigneur Iesus Christ: si nous de-
nions le sang de Christ à ceux, qui doiuent en-
trer en ce combat? Et comment les pensons
nous rendre propres, à obtenir la palme & vi-
ctoire du martyre: si deuant nous ne les ad-
mettons à la communion, pour boire dans
l'Eglise la coupe du Seigneur? Or nous sca-
uons, qu'il se faisoit dès ce temps là (comme il
s'en est fait depuis) des martyrs, non seulement
d'entre les Pasteurs, mais aussi d'entre les fi-
dèles du commun peuple.

*Chrysost. sur
le 8. de la 2.
aux Corinth.*

Mais d'autant que quelques uns de vos Do-
cteurs vous font accroire, qu'il est raisonnable,
qu'il y ait difference en la reception de ce Sa-
crament, entre les Ecclesiastiques & les laïcs;
escoutons que dit touchant cela S. Chrysosto-
me: C'en est point, dit il, maintenant, comme
au temps du viel Testament, auquel le Sacrifi-
cateur

catteur mangeoit vne certaine portion du sacrifice, & le peuple vne autre : mais on propose à tous vn mesme corps, & vne mesme coupe. Car toutes les choses de l'Eucharistie sont communes, entre le Sacrificateur & le peuple.

Il est merueille, quand ceux de l'Eglise Romaine ont voulu en ce regard mettre difference entre les Ecclesiastiques & les laïcs, comment ils n'ont plustost assigné aux laïcs les deux signes, qu'aux Ecclesiastiques. Car puis que à ceux, qui sont les plus rudes & les plus idiots, il faut le plus de signes, pour leur faire comprendre la verité de quelque mystere: c'est sans doute, qu'on deuoit plustost assigner les deux signes de la Cene, assauoir le pain & le vin, à ceux du commun populaire, pour leur faire tant plus aisément comprendre la verité de nostre entiere nourriture spirituelle, que nous tirons du corps & du sang de nostre Seigneur IESUS CHRIST, qu'aux Ecclesiastiques. Sinon que les Ecclesiastiques mesmes, qui ont introduict ce partage, pour mettre difference entre eux & les laïcs, ayent voulu qu'on creust: qu'ils estoyent plus rudes & plus idiots, que les laïcs: comme aussi ce n'est que trop souuent, que cela s'est trouué veritable.

Mais il se falloit souuenir de la sentence generale, de laquelle vse nostre Seigneur & Sauueur IESUS CHRIST, au faict du maria-

mariage, quand il dit: que l'homme ne doit point separer les choses, que Dieu a conioinctes: & suiuant ce commandement laisser ensemble en badministration de la sainte Cene le pain & le vin, que Iesus Christ y a cōioincts: & ce pource, c'est à dire, tant pour les Ecclesiastiques, que pour les laics.

Et ne sert point d'excuse, ce qu'ils alleguent de leur *Contomittance*, en disant: que, comme le corps de Iesus Christ n'est point sans sang, aussi quiconque reçoit ce corps, reçoit aussi le sang. Car Iesus Christ, qui sçauoit aussi bien qu'eux, que son corps n'estoit point sans sang, n'a pas laissé pour cela d'ordonner, qu'en sa sainte Cene on participeroit aussi bien au vin, qu'au pain: qui est vne ordonnance & institution, à laquelle tous doiuent porter obeissance. Et pourtant aussi c'est fort à propos, & avec grande raison, que Gelase, vn des anciens Eueques de Rome, qui a vescu enuiron l'an cinq cents, apres auoir dit qu'il a entédu, qu'il y en a quelques vns, qui communians tant seulement au corps, s'abstiennent de la communion du sacré sang de nostre Seigneur Iesus Christ, d'autant qu'on apperçoit bien, qu'en cela ils s'astreignent à quelque superstition, il ordonne. Qu'ils participent au Sacrement entierement, c'est à dire, sous les deux signes: ou qu'ils soyent forclos, tant de l'vn, que de l'autre. Là où la glose d'un Transsubstantiateur a adouste vne raison, laquelle destruit totalement ceste inuention

Gelase, E-
uesque Ro-
main, au Ca-
non, Compe-
rimus.

uention de *Concomitance*, disant: que, comme le vin ne se transsubstantie point en chair, aussi la chair ne se transsubstantie point en sang. Ainsi donc vous voyez, que ce, qu'on fraude les laics de la coupe, n'est point procedé du consentement general des Docteurs de l'Eglise: puis qu'au contraire, ils ont si clairement condamné tel abus.

¶ Vos Docteurs aussi vo⁹ persuadét, que, selon la creance & le consentemēt general de l'Eglise, tous ceux, qui prennent le pain de la S. Cene, prennent aussi le corps de Christ, voire quand ils seroyent des plus meschans du monde. Ce qui aussi auroit lieu: si ce qu'ils enseignent, touchant leur transsubstantiation, estoit veritable. Mais oyons vn peu, comment les anciens Docteurs ont consenty à tel erreur: pour donner occasion aux vostres, de dire, que cela est enseigné, reçu, & creu en l'Eglise, par consentement general. Voila S. Ierolme, qui dit: que les heretiques ne mangent point la chair de Iesus Christ, d'autant qu'elle est la viande des fideles ou croyans. Voila S. Augustin, qui dit: que celuy, qui n'est point du corps de Christ, comme celuy qui se fait membre d'vne paillardé, ne se doit point persuader, qu'il mange le corps de nostre Seigneur Iesus Christ. Et ailleurs il dit: que de tous ceux, qui discordent d'auec nostre Seigneur Iesus Christ, il n'y en a pas vn, qui mange le corps, ou boiue le sang d'iceluy: encores qu'ils prissent tous les iours le Sa-

*Ieros sur le
22. de Ierem.*

*Aug. lin. 21.
de la cité de
Dieu. ch. 25.*

*Aug. sermon.
ce 339.*

le Sacrement de chose si grande, au iugement de leur perdition. Et en vn autre endroit il dit: que les autres Apostres ont bien mangé le pain le Seigneur: c'est à dire, ont participé au vray corps de nostre Seigneur Iesus Christ: mais que Iudas n'a mangé, que le pain du Seigneur: c'est à dire, que faute de vraye foy, il n'a participé en la sainte Cene, qu'au pain institué pour signe par nostre Seigneur Iesus Christ, mais non pas au vray corps d'iceluy.

Matth. 7. Et à la verité, Iesus Christ, qui defend qu'on ne donne la chose sainte aux chiens, n'a garde de donner son corps aux meschâs, qui n'ayans foy, ni repentance, ni reformation de vie, sont vrayement chiens & pourceaux: luy, dy-ie, qui est le seul & vray distributeur de son dit corps, les hommes n'estans sinon distributeurs des signes par luy ordonnées. Telle creance donc, comme vous voyez, n'est pas selon le consentement general des Docteurs de l'Eglise.

Vos mesmes Docteurs veulent, que le corps & le sang naturel & substantiel de Iesus Christ, c'est à dire, Iesus Christ selon la verité de sa nature humaine, soit icy bas en terre maintenant: voire par tout où bon leur semble, c'est à dire, par tout où ils ont des hosties consacrées: & veulent, qu'on tienne cela pour passé par le consentement general des Docteurs de l'Eglise. Mais premierement cecy ne consent point avec Iesus Christ mesme, qui est le sou-

uerain

uerain Docteur de l'Eglise. Car il dit à son Egli^{se} Math. 26.
 se, laquelle est icy bas en terre: Vous ne m'au^{rez} Jeh. 16.
 rez point toujours avec vous. Il dit: qu'il^{se} Act. 1.
 s'en va vers le Pere, préparer lieu aux siens. En
 les Apostres l'ont veu de leurs propres yeux
 monter au ciel, en se separant d'avec eux quant
 à la presence corporelle. Et les Anges leur ont
 dit; qu'ainsi qu'ils l'auoyent veu monter, ainsi
 le verroyent-ils descendre. Pourtant dit saint
 Paul, qu'il est maintenant absent de nous. Et
 quand S. Estienne le void, c'est aux cieux qui
 sont ouuerts, à fin qu'il le voye là à la dextre du
 Pere. Voilà donc ceste presence de Iesus
 CHRIST icy bas, selon la nature humaine,
 conuaincuë de faux, par l'expresse parole de
 Dieu: & Iesus CHRIST, les Anges, & ses A-
 postres, ne donnent aucun consentement à tel
 erreur.

Mais voyons, quel consentemēt y ont don-
 né les anciens Docteurs, qui es premiers sie-
 cles suiuaus les Apostres, ont eu la conduicte
 de l'Eglise. Voilà Tertullien, qui dit: que le
 Christ, combien qu'il soit Dieu; neanmōins
 comme homme, est encores assis à la dextre
 du Pere, au palais royal des cieux. Saint Am-
 broise dit: que Iesus CHRIST ne doit
 point estre cherché, ni en terre; ni sur terre,
 mais au ciel, où il sied à la dextre du Pere.
 Et S. Augustin dit: que le Seigneur est en haut,
 & que son corps, auquel il est ressusité, doit
 estre en vn certain lieu, voire en vn certain
 lieu.

*Math. 26.**Jeh. 16.**Act. 1.**2. Cor. 5.**Act. 7.**Tertull. li. de
la resurr. de
la chair. c. 51.**Ambr. sur S.
Luc. lin. 10.
chap. 24.**Aug. sur S.
Iean. traitté
30. & en l'es
pist. 57. à
Dardanur,*

lieu du ciel. Et tous les anciens Docteurs en ont parlé de mesmes : mais pour ceste heure il suffit, de prouuer par quelques vns d'eux, tout ce que ie vous ay dit.

Et certes i'estime, que vous pouuez bien appercevoir, que cela s'appelle dissentir generally d'auec les erreurs de vos Docteurs, & de l'Eglise Romaine de ce temps, & non pas leur donner ce consentement general, duquel ils se vantent, & sous le pretexte duquel ils voudroyent que fusions si lourdaux, de receuoir ces mesmes erreurs pour verité, & qu'à leur exéple nous les enseignissiõs aux autres.

Et ie vous prie, quelle raison y auroit il, que Madame, à la seule relation de vos nouveaux Docteurs, quitraist la verité, pour embrasser tant de mensonges; & la vraye religion, pour pratiquer tant de superstitions : & en somme, le vray Christianisme, pour faire profession du Papisme ? Et toutefois ils veulent, qu'elle le face, à leur seule relation, comme i'ay dit : puis qu'ayans promis, qu'ils prouueroyent par la parole de Dieu, que sa creance estoit fausse, il n'est point encores sorty de leur bouche vne seule sentence, tiree des S. Escritures à l'encontre d'icelle. Se vanteront-ils encor du consentement general des Docteurs de l'Eglise, pour l'induire à ce faire : veu que par le discours familier, que nous auons eu ensemble en ceste soiree, deuant ces honestes personnes, ie vous ay si clairement descouuert, que tant s'en faut
que

que ce, qu'ils luy veulent faire croire, soit vne doctrine à laquelle ayent consenty les anciens Docteurs de l'Eglise, qu'au contraire ce sont determinations imperieules, faites par les ignorans & superstitieux des derniers siecles, contre la vraye sapience & religion Chrestienne, enseignee par Iesus Christ & ses Apostres es S.Escritures, & par les plus renommés Docteurs de l'Eglise primitive?

S'ils estoient prudents, ils deuroient attendre, qu'ils eussent achué de faire biffer par leurs imprimeurs tout ce, qui est dans les escrits desdits Peres contraire à leurs traditions: comme ils ont desia commencé, selon que le portoit leur INDEX EXPURGATORIUS, dont ie vous aduerty seulemēt en passant. Car d'entrer au discours d'une si detestable entreprise, ce ne seroit pas pour auoir si tost fait. Et pourtant il vaudroit bien mieux, recognoistre en ces derniers temps sur vne grāde partie de vos Docteurs: premierement, l'accomplissement de la menace, q'auoir esté faite par le Seigneur au 29. d'Isaye, qui porte: que pource qu'on craignoit Dieu, & le seruoit, non selon sa parole, mais selon les commandements des hommes, la sapience periroit des sages, & l'intelligence des entendus se cacheroit d'eux. Puis aussi, la consequence, qu'en a remarquee nostre Seigneur Iesus Christ desia de son temps: assauoir, que de là il est aduenu, qu'errans ça & là pource qu'ils ignoroyent les Escritures, il

Math. 23.

h n'ya

n'y a plus eu en l'Eglise, pour le plus grand nombre, que des aveugles conducteurs d'aveugles, qui delaisans tous ensemble la voye royale & salutaire, que monstroyent les S. Escritures, sont venus au precipice d'erreur, & de la mort & perdition eternelle. Il vaudroit mieux lescognoistre, que c'est par là, qu'a commencé la reuolte du vray Christianisme, laquelle S. Paul auoit prophetisee 2. Thessal. 2. 15. M.

Que si nous nous voulions vanter de ce consentement general de la vraye Eglise Chrestienne, laquelle a pour vne de ses vrayes marques, d'ouyr plustost la voix de Iesus Christ son Pasteur, & y obeyr, fondant & appuyant sa foy & esperance sur icelle, que de se laisser seduire & circonuenir par la voix de l'estranger: il est certain, que nous le pourrions faire à tres bonnes enseignes. Car premierement, en tout ce que nous croyons, enseignons, & pratiquons en nos Eglises reformees, nous auons pour nous, le consentement general & perpetuel de toutes les S. & Canoniques Escritures: & ne s'est encores trouué aucun de nos aduerses parties, qui nous ait peu conuaincre de faux particelles, ni mesmes qui ait voulu & osé entreprendre de le faire. Ce qu'on monstre bien, quand on ne veut pas, qu'en nos differens nous ayons les S. Escritures pour iuges. Car cômte chacun garde tousiours son auantage, s'ils sentoyent qu'elles nous fussent contraires, & à eux fauorables, ils seroyent bien cõtents de les laisser iuges definitiue-

niéniement de toutes nos controuerses. Nous auons le consentement general de l'abbregé, qui s'est fait de toute la creance Chrestienne dans le Symbole des Apostres. Bref, nous auons le consentemér de tous les plus anciens & plus doctes Docteurs & Pasteurs, qui ayent esté en l'Eglise primitiue, comme il est clairement apparu en nostre discours.

Mais, oultre tout cecy, ie demanderoiy volontiers : si les decrets, les loix, & ordonnances, qui sont tellement passés & reçeus en l'Eglise, voire dans vostre Eglise mesme, qu'ils y ont le tiltre honorable de Droit Canon, c'est à dire, de droit reglé, & reglant les decisions & iugements, qui se font des choses appartenantes à la religion, desquelles on debat en l'Eglise ie demanderoiy, dy-je, volontiers, si tels Canons ne procedent pas d'un consentement general, par lequel on a reçu ceste sorte de droit, pour s'en seruir, & le mettre tous les iours en pratique? Cela est assez euident de soy mesme. Et de nier, que les Decrets, assemblez par Gratian, ne soyent de ceste sorte, & n'ayent mesmes entre vous le tiltre de Droit Canon, nul des vostres ne le niera, s'il ne veut estre mis avec les *Fratelli ignorantissimi*.

Et si nous adioustons en troisieme lieu, qu'une grande partie de tous tels Decrets, voire la meilleure : c'est à dire, celle qui a esté tirée & extraicte le plus fidellement des escrits des plus anciés, plus purs, & plus doctes Docteurs

de l'Eglise primitive : fait pour nous, & par consequent autorise, ou, pour mieux dire, approuue & recognoist veritable, par son consentement general, la doctrine vraiment Euan-
gelique, laquelle nous croyons & ensei-
gnons : Qui est-ce qui le voudra nier, sinon ce-
luy, qui ne les aura point leus, & qui n'ayant
autre fondement de sa negative, s'en desdira
quand il les aura leus ?

Et de faict, combien qu'en plusieurs autres
titres dudit droit Canon & Decret de Gra-
tian, on puisse trouuer des preuues toutes ma-
nifestes de mon dire : si est-ce, qu'à fin qu'en
soyez esclaircy avec moins de labour, je vous
renuoye pour ceste heure, & nommément en
esgard à la question, que nous auons traitée
entre nous, au titre De Consecratione, en la distinc-
tion secôde, où trouuerés les decrets & ordon-
nances, qu'ils appellent *Canons*, decreter & or-
donner : qu'au faict du Sacrement de la S.^{te} Ce-
ne on croye & qu'on enseigne, & qu'on face
pratiquer entre les Chrestiens les mesmes
choses, lesquelles nous croyons, enseignons
& obseruons en nos Eglises. Au contraire, on
trouuera en ces decrets, Canons, regles & or-
donnâces generales, la cōdamnation de ceux
qui ne veulent pas, que les S. Escritures soyent
interpretees par les S. Escritures : celle de ceux
qui croient & enseignent ; que le pain cōsacré
en la S. Cene est le meisme corps naturel de no-
stre Seigneur Iesus Christ, & non la figure, re-
presen-

presentation, ou signe sacré d'iceluy: la condā-
nation de ceux, qui enseignēt, qu'on ne prend
pas en la S. Cene spirituellement & parfoyle
choses signifiees, tandis qu'on prend corpo-
rellement les signes d'icelles: la condamna-
tion de ceux, qui enseignent, qu'on ne doit ad-
ministrer la S. Cene aux laics, qu'en l'vn des si-
gnes d'icelle, assauoir au pain: & que les deux
signes ensemble, qui sont le pain & le vin, doi-
uent estre administrés aux seuls Ecclesiastiques:
la condamnation de ceux, qui enseignent, que
les meschans participans à la S. Cene, prennēt
aussi bien le vray corps de nostre Seigneur Ie-
sus Christ, que les bons; les infideles, que les
fideles; les impenitens, que les penitens: bref
les dissolus & desbauchés, que ceux qui che-
minent en nouueauté de vie: la cōdamnation
de ceux qui croyēt, que le corps de nostre Sei-
gneur Iesus Christ, lequel a esté conçu du S.
Esprit, nay de la vierge Marie, a souffert sous
Ponte Pilate, a esté crucifié, mort, & enseuely,
est descendu aux enfers, le tiers iour est ressu-
sité des morts, est monté aux cieux, & est assis
à la dextre de Dieu le Pere, d'où il viēdra pour
iuger les viuans & les morts: qui croient, dy-
ie, & enseignent, que ce mesme corps naturel,
n'est pas maintenant contenu là hault au ciel,
mais est icy bas en terre, toutes les fois qu'ils
consacrent quelque hostie par les paroles Sa-
cramentales: & qu'il se mange corporellemēt
& avec les dents, & non avec la seule foy. On

trouuera aussi esdits Canons l'adueu de ceux, qui croyent & enseignent le contraire de tous lesdits abus : dont sera aisé de conclurre, que le consentement general de l'Eglise Chrestienne, qui est en ces Canons & loix Ecclesiastiques, condamne generalement vostre Eglise Romaine corrompue, & approuue generalement en tout ce que dessus, ce qu'on croit & obserue en nos Eglises reformees.

Que si au regard de ces decrets du droit Canon, desquels nous disons, qu'en ce fait du Sacremēt de la S. Cene, & en plusieurs autres, nous pouuons tirer pour nous ce general consentement, vos Docteurs vous disent : qu'ils trouueront dedans ce mesme droit Canon d'autres decrets & ordonnances, faisans pour eux contre nous : sans en entrer en dispute avec eux, ie veux, pour auoir plustost fait, aduouer, q̄ cela pourroit bien estre : & diray, que mesmes dans les escripts des anciens Docteurs, ils pourront bien trouuer certaines sentences, lesquelles sembleront donner, si non fondement, au moins couuerture à quelques vns de leurs erreurs, quoy qu'en d'autres endroits ils ayent parlé nettement de la verite contraire.

Mais aussi en leur aduquant cecy, il me sera permis de faire ceste conclusion : assauoir, que j'ay donc eu raison, de maintenir en la conference publique, que, pour bien decider toutes nos controuerſes en fait de religion, où les hom-

hommes se trouuent simuables & dissemblables à eux mesmes, il n'y a rien de si seur, que de ne le point arrester à eux, ni à leurs escrits: mais à ceux là seuls, qui totalement conduicts du S. Esprit, ne nous ont enseigné qu'une verité, toujours semblable à elle mesme es S. Escritures. Et ce sera suivre le conseil du S. Esprit, qui pour nous esclaircir en routes doutes obscures, nous renuoye par le Prophete Isaye à la ^{Isay. 2.} Loy, & au Tesmoignage, disant: que si nous faisons autrement, la lumiere ne se leuera point sur nous: c'est à dire, que nous demeurerons toujours dedans l'obscurité doreuse. Et en cela nous pratiquerons aussi avec profit, ce que dit S. Cyprien sous vne belle similitude: ^{Cypr. epist. 74. à Pompee.} Assauoir, que tout ainsi qu'en vn canal d'eau, s'il ne coule plus si bien, c'est à dire, si nettement ou abondamment, qu'il auoit accoustumé, ou s'il y a en iceluy quelque autre defect, nous montons iulques à la fontaine, à fin de cognoistre d'ou vient le defect, & y remedier: ainsi tout erreur introduict par les hommes cessera entre nous, si nous remontons iulques à la source & origine de la Tradition diuine: c'est à dire, des Escritures, lesquelles ont esté diuinement inspirees.

Or. combié que la pluspart de vos Docteurs ne se loyent iulques icy apperceus de la verité Euangelique de la doctrine, qu'auons maintenant traittee entre nous: ou que s'ils s'en sont

h 4 apper-

apperceus & l'ont bien cogneue, & qui est fort
 vray semblable, y en ayant entr'eux quelques
 vns, que Dieu a garnis d'une belle erudition,
 laquelle donne lustre aux autres) ils n'en ont
 toutefois voulu faire aucun semblât, de peur,
 que cela n'apportast empeschement à leurs
 desseins & à leur gaing: si ne faut-il pas pour
 eux, ni à leur exemple, laisser de recognoistre,
 que c'est pour la verité de la creance de Madam
 me, & de routes nos Eglises, & contre les er
 reurs de l'Eglise Romaine de ce temps, que
 prononce le vray, orthodoxe, & general con
 sentement de l'Eglise primitive, qui a fait pro
 fessiõ du vray Christianisme. Et j'espere, qu'a
 vec le temps, & si besoin est, nous ferons pa
 roistre en d'autres articles, qui sont en contro
 uerse entre nous, non moins euidement, qu'en
 cestuy cy du Sacrement de la S. Cene, ce mes
 me consentement de la vraye Eglise estre aussi
 de nostre costé: quãd les auditeurs ou lecteurs
 non preoccupés ou passionnés apperceuront,
 que ce que dirons ou escrirons, est conforme à
 ce que contienent les S. Escritures, & à ce qu'a
 creu & enseigné la vraye & iustement venera
 ble antiquité.

Sur cecy donc nous nous separasmes l'un de
 l'autre, mettant fin à nostre discours familier:
 & ce avec vn remerciement gracieux de part
 & d'autre, suiuy de celuy des honorables per
 sonnages, qui y auoyent assisté, lesquels lou
 oyent Dieu, d'auoir ouy tels discours par heu
 reuse rencontre.

Quel

Quelques iours apres donc, ie party de Nancy, plein de ioye spirituelle : apperceuant manifestement en Madame le fruit de la benediction de Dieu, quand elle me dit, en prenant congé d'elle : Que de tout ce qui s'estoit passé en ceste conference, & aux dependances d'icelle, elle se sentoit de plus en plus confirmée en sa creance : ayant bien remarqué, que ceux, qui la vouloyent assaillir, n'y auoyent voulu employer que des paroles d'hommes, au lieu que nous l'auions tousiours voulu maintenir estre vraiment Chrestienne, par la parole de Dieu, contenue es S. & Canoniques Escritures. Ce qu'elle me commanda aussi de faire entendre à nos Eglises reformées, sa perséuerance presente au vray Christianisme : & de la recommander aux prieres d'icelles, à ce qu'il plaise à Dieu, la fortifier en ce sien debuoir contre tous assaux, iusques au dernier soupir de sa vie : Bref, l'assurance qu'elle me donna de sa bienveillance enuers moy, sont choses, lesquelles m'apportent beaucoup plus de contentement, que ne me pourront iamais apporter de deplaisir routes les calomnies de nos aduersaires.

LOVE SOIT DIEU.

h 5

QVÆ

QVAE GALLICE SVNT ALLEGATA, HIC EX IPSIS-

met autoribus transcripsimus, bona fide: vt calumnias vitaremus, & doctis ac piis

hac in parte gratificaremur.

Ambrosius libro decimo in Lucam, cap.

vicefimo quarto.



AVLVs nos docuit quomodo te sequamur, & vbi te reperire possimus, dicens: Si ergo consurrexistis cum Christo, quæ sursum sunt quærite, vbi Christus est ad dexteram Dei sedens. Et ne oculorum magis hoc quàm animorum putaremus officium, addidit: Quæ sursum sunt sapite, & non quæ super terram. Ergo non supra terram, nec in terra, nec secundum carnem te querere debemus, si volumus inuenire.

Ambrosius lib. quarto de Sacramento,

cap. quinto.

Dicit Sacerdos: Fac nobis (inquit) hanc oblationem ascriptam, rationabilem, acceptabilem, quod est FIGVRA corporis & sanguinis Domini nostri Iesu Christi.

Athanasius oratione contra idola.

Sufficiunt per se sacræ & diuinitus inspiratæ scripturæ ad veritatis indicationem.

Augustinus in Psal. nonages. octauum.

Nisi quis manducauerit carnem meam, non habebit vitam eternam: Acceperunt illud stultè, carnaliter illud cogitauerunt, & putauerunt quod

quod præcisurus esset Dominus particulas quasdam de corpore suo, & daturus illis, & dixerunt: Durus est hic sermo. Ipsi erant duri, nõ sermo. *Et paulo post.* Quum remanissent cum illo discipuli duodecim, instruxit eos, & ait illis: Spiritus est qui viiificat, caro autem nihil prodest: Verba quæ loquutus sum vobis spiritus & vita sunt: spiritualiter intelligite quod loquutus sum: *Non hoc corpus, quod videtis, manducaturi estis, & bibituri illum sanguinem, quem fufuri sunt, qui me crucifigent. Sacramentum aliquod vobis commendavi, spiritualiter intellectum viiificabit vos. Et si necesse est illud visibiliter celebrari, oportet tamen invisibiliter intelligi.*

August. de verbis Domini Serm. decimosexto.

Quid dicis, Domine? Si peccauerit in te frater tuus, corripe illum inter te & ipsum solum. Quid dicis, Apostole? Peccantes coram omnibus argue, vt cæteri timorem habeant. *Quid facimus? Controuersiam ipsam velut iudices audimus? Absit. Immo sub iudice constituti pulsemus, vt nobis aperiiri impetremus: fugiamus sub alas Domini Dei nostri.*

August. epist. decimanona ad Hieronymum.

Ego fateor charitati tuæ, solis eis Scripturarum libris, qui iam Canonici appellantur, didici hunc timorem honoremq; deferre, vt nulum eorum autorem scribendo aliquid errasse firmissimè credam. *Et paulo post.* Alios autem ita lego, vt quantalibet sanctitate doctrinaque præpolleant, non ideò verum putem, quia ipsi ita lenierunt, sed quia nihil, vel per illos autores

Cand.

Canonicos, vel probabili ratione, quod à vero non abhorreat, persuadere potuerunt. Necte, mi frater, sentire aliquid aliter existimo: prorsus, inquam, non te arbitror sic legi tuos libros velle, tãquam Prophetarum, vel Apostolorũ: de quorum scriptis, quod omni errore carcane dubitare nefarium est. Absit hoc à pia humilitate, & veraci de remetipso cogitatione, &c.

Augustinus lib. secundo, de doctrina

Christi. cap. sexto.

Magnificè & salubriter Spiritus sanctus ita Scripturas sanctas modificauit, vt locis apertioribus fami occurreret, obscurioribus autem fastidia detergeret. Nihil enim ferè de illis obscuritatibus eruitur, quod non planissimè dictum alibi reperiatur.

Ibidem cap. nono.

Facta quadam familiaritate cum ipsa lingua diuinarum Scripturarum, in ea quæ obscuræ sunt aperienda & discutienda pergendum est, vt ad obscuriores loquutiones illustrandas de manifestioribus sumatur exempla, & quedam certarum sententiarum testimonia dubitationem de incertis auferant.

August. Epist. vicesima tertia.

Si Sacramenta quandam similitudinem earum rerum, quarum Sacramenta sunt, non haberent, omnino Sacramenta nõ essent. Ex hac autem similitudine plerumq; etiam ipsarum rerum nomina accipiunt. Sicut ergo secundum quendam modum Sacramentũ corporis Christi,

sti,

sti, corpus Christi est, Sacramentum sanguinis Christi, sanguis Christi est: ita Sacramentum fidei, fides est.

August. Confess. lib. sexto, cap. quinto.

Peruastisti mihi (scilicet, Domine Deus) non qui crederent libris tuis, quos tanta fere in omnibus gentibus autoritate fundasti, sed qui non crederent, esse culpandos: nec audiendos esse, si qui forte mihi diceret: unde scis, illos libros vnus veri & veracissimi Dei spiritu esse humano generi ministratos?

Augustinus contra Maximin. lib. tertio,

cap. decimo quarto.

Sed nunc, nec ego Nicænum, nec tu debes Ariminense, tanquam prædicaturus, vel vt alij, præiudicaturus, proferre Concilium. Nec ego huius autoritate, nec tu illius detineris: Scripturarum autoritatibus, non quorumq; propriis, sed vtriusq; cõmunibus testibus, res cum re, causa cum causa, ratio cum ratione cõceter.

August. in Iohan. tractatu viges. septimo.

Verba quæ ego loquutus sum vobis, spiritus & vita sunt. Quid est, spiritus & vita sunt? spiritualiter intelligenda sunt. Intellexisti spiritualiter, Spiritus & vita sunt. Intellexisti carnaliter, etiam sic illa Spiritus & vita sunt, sed tibi non sunt.

Augustinus contra Donatist. lib. secundum

cap. tertio.

Quis nesciat Sanctam Scripturam Canonica tam veteris, quam noui Testamenti certis suis terminis contineri, eamq; omnibus poste-

rio-

rerioribus Episcoporum literis ita præponi, ut de illa omnino dubitari & disceptari non possit, utrum verum, vel utrum rectum sit quidquid in ea scriptum esse constiterit? Episcoporum autem literas, quæ post confirmatum Canonem vel scriptæ sunt, vel scribuntur, & per sermonem fortè sapientiores cuiuslibet in ea re peritioris, & per aliorum Episcoporum grauiorem autoritatem, doctiorumq; prudentiam, & per Concilia licere reprehendi, si quid in eis fortè à veritate deuiatum est? & ipsa Concilia quæ per singulas regiones vel prouincias fiunt, plenariorum Conciliorum autoritati, quæ sunt ex vniuerso orbe Christiano, sine vllis ambagibus cedere? ipsaq; plenaria sæpe priora posterioribus emendari, cum aliquo experimento rerum aperitur quod clausum erat, & cognoscitur quod latebat, sine vlllo typho sacrilegæ superbiae, sine vlla inflata ceruice arrogantiae, sine vlla contentione liuidæ inuidiæ, cum sancta humilitate, cum pace Catholica, cum charitate Christiana?

MUS 163

*August. lib. tertio de doctrina Christi. cap.
decimosexto.*

Si præceptiua locutio est, aut flagitium, aut facinus vetans, aut utilitatem, aut beneficentiam iubens, non est figurata. Si autem flagitium, aut facinus videtur iubere, aut utilitatē, aut beneficentiam vetare, figurata est. *Nisi manducaueritis*, inquit, carnem filij hominis, & sanguinem biberitis, non habebitis vitam in vobis

bis, facinus vel flagitium videtur iubere: Figura est ergo, præcipiens passioni Domini esse communicandum, & suauiter atq; vtiliter recondendum in memoria, quod pro nobis caro eius crucifixa & vulnerata sit.

*Augustinus contra Adimantum capite
duodecimo.*

Nó dubitauit Dominus dicere, Hoc est corpus meum, quum signum daret corporis sui.

*August. in Psal. tertium de Iuda proditore
silius verba faciens.*

In historia noui Testaméti, ipsa Domini nostri tanta & tam miranda patientia, quod eum tandiú pertulit tanquam bonum, quum eius cogitationes non ignorarer, eum adhibuit ad conuiuium, in quo corporis & sanguinis sui FRAGMENTA discipulis commédauit & tradidit.

August. Tract. in Ioham. vices. quinto.

Quid paras dentes & ventrem? Crede, & manducaſti. Credere enim in eum, hoc est panem viuum manducare. Qui credit in eum, manducat eum.

*August. Epist. centes. quadrages. sexta
ad Probam.*

Anima Christiana non frustra audit, Sursum cor nec frustra respódet, se habere ad Dominum.

*August. de ciuitate Dei libro vices. primo,
cap. vices. quinto.*

Qui manducat carnem meam, & bibit sanguinem meum, in me manet, & ego in eo: ostendit quid sit, Non Sacramento tenus, sed re ipsa corpus Christi.

Christi manducare, & eius sanguinem bibere. Hoc est enim in Christo manere, ut & in illo maneat & Christus. Sic enim hoc dixerat, tanquam diceret, Quinon in me manet, & in quo ego non maneo, non se dicat aut existimet manducare corpus meum, aut bibere sanguinem meum. Non itaque manent in Christo, qui non sunt membra eius: non sunt autem membra Christi, qui se faciunt membra meretricis: nisi malum illud pœnitendo esse destiterint, & ad hoc bonum reconciliatione redierint.

Augustinus Tractatu in Iohan. quinquagesimo nono.

De Iuda & aliis Apostolis verba faciens: Illi, inquit, manducabant panem Dominum, ille panem Domini contra Dominum: illi vitam, ille pœnam.

August. Tractatu in Iohan. trigésimo.

Sursum est Dominus, sed etiam hic est veritas Dominus. Corpus enim Domini in quo resurrexit, vno loco esse oportet: veritas eius ubique diffusa est.

Augustin. Epist. quinquages. septima ad Dardanum.

Vna enim persona Deus & homo est, & verumque est vnus Christus Iesus, ubique per id quod Deus est, in cœlis autem per id quod homo. Et ad finem epistolæ. Christum ubique totum præsentem esse non dubites, tanquam Deum, & in eodem templo Dei esse tanquam inhabitantem Deum, & in loco aliquo cœli propter veri corporis modum.

August.

Augustinus in Iohan. Tractatu octoges.

Accedit verbum ad elementum & fit Sacramentum, etiam ipsum tanquam visibile verbum.

Basiliius Moraliū reg. octuages. cap.

vices. secundo.

Quid est proprium credentis? In tali certitudine coaffici ad potentiam dictorum, & nihil audere reprobare aut insuper addere. Sic enim omne quod non ex fide est, peccatum est, velut Apostolus ait, fides autem ex auditu est, auditus autem per verbum Dei: omne quod extra diuinitus inspiratam scripturam, quia non ex fide est, peccatum est.

Chrysostomus in Iohan. Homil. qua-

drages. sexta.

Verba quæ ego locutus sum vobis, Spiritus & vita sunt: Spiritus, hoc est, spiritualia, nihil carnale, nullā naturalem consequentiā habentia, sed omni hac terrena necessitate, & huius vitæ legibus libera. *Et paulo post.* Quid igitur? Caro non prodest quidquam? Non de ipsa carne dicit: Absit, sed de his, qui carnaliter accipiunt quæ dicuntur: Si carnaliter quis acciperet, nihil sanè lucraretur. *Quid autem est carnaliter intelligere?* Simpliciter ut res dicuntur, nec aliud quidpiam excogitare: non enim ita iudicanda sunt quæ videntur, sed mysteria omnia interioribus oculis considerata, hoc est, spiritualiter.

Chrysost. in oct. caput sec. ad Corinth. Ho-

mil. dec. octaua.

Est autem ubi nihil differt sacerdos à subdi-

ro, vt quando fruendum est horrendis myſte-
riis. Similiter enim omnes, vt illa percipiamus,
digni habemur. Non ſicut in veteri lege par-
tem quidem Sacerdos comedebat, partem au-
tem populus, & non licebat populo partici-
pem eſſe eorum quorum particeps erat Sacer-
dos: ſed nunc non ſic, verum omnibus vnus
corpus proponitur & poculum vnum.

Chryſoſt. ad Caſa. mona.

Antequam ſanctificetur panis, panem nomi-
namus: Diuina autem illum ſanctificante gra-
tia, mediante Sacerdote, liberatus quidem ab
appellatione panis, dignus autem eſt habitus
Dominici corporis appellatione, etiamſi natura
panis in ipſo permanſit.

Cyprianus lib. primi epiſt. epiſt. ſecunda ad

Cornel. Epiſc. Romanum.

Quomodo docemus, aut prouocamus eos
in confeſſione nominis ſanguinem ſuum fund-
dere, ſi eis militaturis Chriſti ſanguinem de-
negamus? aut quomodo ad martyrii poculum
idoneos facimus, ſi non eos prius ad bibendum
in Eccleſia poculum Domini iure comuni-
cationis admittimus?

Cyprianus de Cæna Domini ſeſſione

quarta.

Chriſtus dixerat, Niſi manducaueritis car-
nem filij hominis, & biberitis eius ſanguinem, non
habebitis vitam in vobis. Quod quidam, quia
non credebant, nec poterant intelligere, abie-

runt

tunt retrò, quia horrendum eis & nefarium videbatur velsci carne humana, existimantes hoc eo modo dici, vt carnem eius vel elixam, vel assam, sectamq; membratim edere docerentur, quam illius personæ caro, si in frusta partiretur, non omni humano generi posset sufficere, qua semel consumpta videretur interisse religio, cui nequaquā vltcrius victima superesset. Sed in cogitationibus huiusmodi caro & sanguis non prodest quidquam: quia, sicut ipse magister exposuit, verba hæc spiritus & virtutis sunt, nec carnalis sensus ad intellectum tantæ profunditatis penetrat, nisi fides accedat.

Cyprianus Epistola ad Pompeium.

In compendio est autem [apud religiosas & simplices mentes, & errorem deponere, & inuenire atq; eruere veritatem. Nam si ad diuinæ traditionis caput & originem reuertamur, cessat error humanus, & sacramentorum celestium ratione perspecta, quidquid sub caligine ac nubibus tenebrarum obscurum latebat in lucem veritatis aperitur. Si canalis aquam ducens, qui copiose prius & largiter profluebat, subito deficiat, nonne ad fontem pergitur, vt illic defectionis ratio noscatur, vtrumne a rescentibus venis, in capite vnda siccauerit, an verò integra inde & plena procurrens, in medio itinere destiterit? Vt si virio interrupti aut bibuli canalis effectum est, quominus aqua continua perseveranter ac iugiter flueret, refecto & confirmato canali ad usum atque ad potum civitatis

aqua collecta, eadem ybertate atq; integritate repræsentetur, qua de fonte prolificatur. Quod & nunc facere oportet Dei sacerdotes, præcepta diuina seruantes, ut si in aliquo mutauerit aut vacillauerit veritas, ad originem Dominicam & Euangelicam & Apostolicam traditionem reuertamur, & inde surgat actus nostri ratio, vnde & ordo, & origo surrexit.

Cyprianus de Cæna Domini.

Hæc quoties agimus, non dentes ad mordendum acuius, sed fide sincera panem sanctum frangimus & partimur.

Hieronymus in vices. secundum cap.

Jeremie.

Hæretici non comedent & non bibent, subauditur corpus & sanguinem Saluatoris.

Hieronymus ad Latam.

Caueat omnia apocrypha, & si quando ea non ad dogmatum veritatem, sed ad signorum reuerentiam legere voluerit, sciat, non eorum esse, quorum titulis prænotantur, multaq; his admixta vitiosa, & grandis esse prudentiæ aurum in luto quærere.

Idem præfatione in Prouerbia Salomonis dicit:

Libros qui non sunt inter canonicas Scripturas, id est, Apocryphos, legi quidem posse ad ædificationem plebis, non autem ad auctoritatem Ecclesiasticorum dogmatum confirmandam.

Hieronymus in vices. sextum cap.

Matthæi.

Postquam typicum Pascha fuerat impletum, & agni

& agni carnes cum Apostolis comederat, assumit panem qui confortat cor hominis, & ad verum Paschæ transgreditur Sacramentum: ut quomodo in præfiguratione eius Melchisedech summi Dei sacerdos panem & vinum offerens fecerat, ipse quoque veritatem sui corporis & sanguinis representaret.

Hilarius initio lib. secundi de Trinitate.

Quid in Sacramento salutis humanæ (quod Sacramentum antea Dei sermonem appellauit) non continetur? aut quid est quod reliquum sit aut obscurum? Plena sunt omnia & perfecta, ut a pleno & perfecto.

Irenæus lib. quarto aduers. har. cap.

triges. quarto.

Qui est à terra panis, percipiens vocationem Dei, iam non communis panis est, sed Eucharistia ex duabus rebus constans, terrena & cælesti.

Tertullianus lib. de resurrect. carnis. cap.

quinguag. primo.

Iesus in ipsa regia cælorum adhuc sedet ad dexteram Patris, homo, etiam Deus, Adam nouissimus, etiam fermo primarius, caro & sanguis, etiam nostris puriora, idem tamen & substantia & forma qua ascendit, talis etiam descendurus, ut Angeli affirmant, agnoscendus scilicet ab eis qui illum conuulnerunt.

Tertull. lib. quarto contra Marcionem cap.

quadragesimo.

Christus acceptum panem & distributum discipulis, corpus suum illud fecit, Hoc est cor-

possunt trahi ad eum sensum, quem sibi unus-
quisque sponte prælumpserit. Sed non oportet.
Non enim sensum extrinsecus alienum &
extraneum debetis quærere, vt quoquomodo
ipsum ex Scripturarum autoritate cõfirmetis,
sed ex ipsis scripturis sensum veritatis capere oportet.

De Consecrat, distinct. secunda, Canone.

Prima, ad finem.

Donec seculum finiatur sursum Dominus
est: sed tamen hic etiam nobiscum est veritas
Domini. Corpus enim in quo resurrexit, in v-
no loco esse oportet: veritas autem eius ubiq;
diffusa est.

ibidem Can. ex August. in lib. sententia-

rum Prosperi.

Hoc est, quod dicimus, quod modis omni-
bus approbare contendimus, Sacrificium Ec-
clesiæ duobus modis confici, duobus constare,
visibili elementorum specie, & inuisibili Do-
mini nostri Iesu Christi carne, & sanguine, Sa-
cramento, & re Sacramenti, id est, corpore Chri-
sti, siue Christi persona constat & cõficitur ex
Deo & homine, quum ipse Christus verus sit
Deus & verus homo, quia omnis res illarum
rerum naturam & veritatem in se continet ex
quibus conficitur; cõficitur autem sacrificium
Ecclesiæ duobus, Sacramento & re Sacramen-
ti, id est, corpore Christi: Est igitur Sacramen-
tum & res Sacramenti corpus Christi.

ibid. Can. Corpus Christi.

Corpus Christi quod sumitur de altari figu-
ra est,

ra est, dum panis & vinum videtur extra, veritas autem, dum corpus & sanguis Christi in veritate interiorius creditur.

Ibid. Can. Sacrificium.

Sacrificium visibile, est inuisibile Sacramentum, id est, sacrum signum: Sacramentum est inuisibilis gratiæ visibilis forma. *Et in glossa.* Signum, id est, signum rei inuisibilis, vel signum rei sacræ inuisibilis.

Ibid. Can. Signum.

Signum est res præter speciem quam ingeritur sensibus, aliud aliquid faciens ex se in cogitationem venire.

Ibid. in Can. Hoc est.

Ipsa immolatio carnis Christi, quæ fit manibus Sacerdotis vocatur Christi passio, mors, & crucifixio, non rei veritate, sed significante mysterio.

Ibid. Can. Prima. ex Aug. in Psal. nonages.

octauum.

Prima quidem, inquit, hæresis in discipulis Christi, velut à duricie eius sermonis facta est. Quum enim diceret, Nisi quis manducauerit carnem meam & biberit sanguinem meum, non habebit vitam æternam: Illi verò non intelligentes dixerunt ad inuicem, Durus est hic sermo, quis eum potest manducare? Dicentes, Durus est hic sermo, separauerunt se a illo, & remansit cum duodecim discipulis, discedentibus illis instruxit eos qui remanserunt: Spiritus est, inquit, qui viuificat, caro nihil prodest: Verba quæ locutus sum ad vos spiritus & vita sunt,

sunt, Intellexistis spiritualiter, spiritus & vita sunt, Intellexistis carnaliter, etiam sic illa spiritus & vita sunt, sed tibi non sunt spiritus & vita, quia spiritualiter non intelligis.

Ibid. Can. Quid est Christum manducare? *Vbi glossa.*

Duobus modis manducatur Christus: vno modo Sacramentaliter, quod competit bonis & malis: alio modo spiritualiter, quum per fidem & dilectionem cooperantem accipitur, & hoc est tantum bonorum.

Ibid. Can. Qui manducant.

Quod in Sacramento visibiliter sumitur, in ipsa veritate spiritualiter manducatur & bibitur. Et paulò post. Ista idè dicuntur Sacramèta, quia in eis aliud videtur, & aliud intelligitur: quod videtur speciem habet corporalem, quod autem intelligitur fructum habet spiritualem.

Ibid. Glossa in Can. Credere.

A malis manducatur Christus sacramentaliter tantum, a bonis verò sacramentaliter & spiritualiter, & ab omnibus credentibus spiritualiter.

Ibid. Can. Comperimus.

Comperimus autem quòd quidam sumpta tantummodò corporis sacri portione à calice sacrari cruoris abstineant: qui proculdubio, quòniam nescio qua superstitione docentur astingi, aut integra sacramenta percipiant, aut ab integris arceantur: quia diuisio vnius eiusdemq; mysterij sine grandi sacrilegio non potest provenire. Et ibi glossa, non est hec propositio

sitio concedenda vinum transsubstantiatur in corpus Christi, nec ista, Panis transsubstantiatur in sanguinem.

Ibid. Can. Qui discordat. Sententia 339.

Qui discordat à Christo, non manducat carnem eius, nec bibit sanguinem, etsi tanta rei Sacramentū ad iudicium suae perditionis quotidie accipit.

Ibid. Can. Vtrum.

Christum fas non est vorari dentibus.

Ibid. Can. Quid paras.

Quid paras dentes & ventrem? crede & manducaſti.

In Decreto Gratiani, de Consecratione

Distinct. secunda.

Ego Berengarius indignus Diaconus Ecclesiae sancti Mauricii Andegauensis, cognosces veram, Catholicam, & Apostolicam fidem, consentio Romanae & Apostolicae sedi, & ore & corde profiteor de Sacramento Dominicae passionis, eam fidem tenere, quam Dominus & venerabilis Papa Nicolaus & haec sancta Synodus autoritate Evangelica & Apostolica renendam tradidit, mihiq; firmavit, scilicet panem & vinum, quae in altari ponuntur post consecrationem, non solum Sacramentum, sed etiam verum corpus & sanguinem Domini nostri Iesu Christi esse, & sensualiter, non solum Sacramento, sed in veritate manibus Sacerdotum tractari, frangi, & fidelium dentibus atteri, &c.

Duram.

*Durandus in rationali diuinarum offi-
clorum lib. 4.*

Olim fideles omnes qualibet die cum Sa-
cerdote corpori & sanguini Christi communi-
cabant, sed hodie Sacerdos ipse omnes partes
hostiæ comedit.

IN MISSALI ROMANO EXCVSO

ANTVERPIÆ, ANNO

MDLXCVIII.

In consecrando dicit Sacerdos Missam cele-
brans, & de Christo verba faciens, (*Benedixit,
fregit, deditq; discipulis suis, dicens: Accipite, & man-
ducate ex hoc omnes.*) Sed nemini astantium ali-
quid distribuit, immo sibi omnia reseruat. Pro-
fert autem verba consecrationis suæ. *Hoc est enim
corpus meum, & illud prolatum hostiam inter pollices &
indices tenens genu flexus eam adorat: Postea se eri-
gens, quantum commode potest, eleuat in altum hostiã,
& populo reuerenter ostendit adorandam.*) Item co-
lebrans adorato Sacramento surgit, & de Chri-
sto verba faciens dicit: (*Accipiens & hunc præcla-
rum calicem benedixit, deditq; discipulis suis, & profert
secrete verba consecrationis sanguinis, Hic est enim ca-
lix, &c.*) Quamuis autem dixerit Christus de ca-
lice, vel vino in calice contento, Bibite ex eo
omnes, tamen vt de pane fecit, sic & de vino, id
est, omnia sibi soli reseruat celebrans, nec ali-
quid astantibus distribuit. Itaq; hæc non Cœ-
na sed Scena Missalis, præter omnem veritatem
appellatur COMMUNIO, quoniam omni careat
communione.

Oratio

Oratio autē siue gratiarū actio, quam Post-
COMMUNIONEM appellant, aliquando talis
est. (*Repleti cibo spiritualis alimonia, supplices te, Do-
mine, deprecamur, ut huius participatione mysterij do-
ceas nos terrena despicere, & amare celestia.*) At hic
falsa dicuntur. In missa enim astantes, quomo-
do repleti essent cibo spiritualis alimoniae, &
quæ potuit esse quoad eos mysterij participa-
tio, quibus nulla fuit facta distributio aut com-
municatio?

Alia oratio in Post communionem.

*Hac nos, quasumus, Domine, diuini Sacramenti per-
ceptio protegat.*) Sed, quæso, quæ est ista Sacra-
menti perceptio, in qua ne gry quidem de Sa-
cramento astantibus exhibitum, communicatum,
aut distributum fuit, quod perciperent.

Alia oratio in Postcommunionem.

*Salutaris tui, Domine, munere satiati, supplices de-
precamur, ut cuius latamur gustu, renouemur effectu.*)
Sed ipsum Deum irridere quid est, si hoc non
est? Satiatos se dicunt, qui nihil ederunt, nec
biberunt. Renouationem autem postulant ab
effectu eius rei, cuius gustu delectari fuerunt.
Atqui quum nihil prorsus gustauerint, gustu
delectatos non fuisse liquet: quare nec effectu
rei non gustatæ renouabuntur. Hęc igitur Post-
communio est ob rem, nec communicatam a
sacerdote astantibus, nec ab illis perceptam,
ridicula prorsus gratiarum actio. Verum & na-
turale Christi corpus ex pane virtute transsub-
stantiationis post consecrationem factum in
Missa,

Missæ, illudq; iam glorificatum quàm scurriliter traducant Pontifex & ipsius Sacerdotes, ex casu ab ipsismet in eodem Missali proposito liquet, vbi dicunt (*Si hostia consecrata dispareat, vel casu aliquo, vt vento, aut miraculo, vel à mure accepta, vel ab alio animali, & nequeat reperiri : tunc altera consecratur, ab eo loco incipiendo, Qui pridie quàm pareretur, facta eius prius oblatione: & illud animal si capipotes occidatur & comburatur, & cineres eijciantur in sacrarium, vel sub altari.*) Quid autem vento faciendum sit, non docent.

Cæterum cum tam multa, eaq; à Christianæ religionis sinceritate prorsus aliena, ex mera superstitione in Ecclesiã irrepsent, q̃ iam ex inueterata mala cōsuetudine, id est, ex erroris vetustate, altas nimium radices egerunt: operæ precium esset, eos omnes qui de pace ecclesiæ sunt solliciti, intentè in vnicum illum scopum collimare, vt tandem retentis Euangelicis & Apostolicis dogmatibus, exoterica ablegarentur. Sic enim multorum conscientijs, multò, quàm fiat, melius & tutius cōsuleretur.

Tu itaq; Christe Iesu, Domine & Seruator noster, qui Ecclesiam tuam proprio sanguine redemisti, electos tuos pro ineffabili misericordia tua, vbicunq; sint, ex tenebris erue, & prouide, vt sub fidis pastoribus verbi tui lucem intuentes, & ad te toto pectore conuer-

si, tandem æternæ vitæ participes fiant.

F I N I S.

